


رسول الله ﷺ





کتاب و سنت
کا رشتہ

عاشقِ حیات



مرتب: اقبال رحمان


سارے حق سانچے

.....☆☆.....

یار رسول اللہ ﷺ	کتاب
میاں اقبال زخمی	مرتب
ادارہ پنجابی لکھاریاں جیا موسیٰ شاہدرہ لاہور فون ۷۹۲۰۹۲۹	ناشر
لکھاری کمپوزرز جیا موسیٰ لاہور فون ۷۹۲۰۹۲۹	کمپوزنگ
امجد اقبال امجد	کمپوزر
امجد اقبال لکھاری گرافکن جیا موسیٰ شاہدرہ لاہور فون ۷۹۲۰۹۲۹	سرورق
خادم پرنٹنگ پریس چیئر مین روڈ لاہور	پریس
۲۰۰۳ء	پہلی وار
۱۰۱ اور درود پاک پڑھ کے حضور ﷺ دے حضور پیش کیتا جائے	ہدیہ عام ایڈیشن
روپے	لابریری ایڈیشن

ورقاوے

ادارہ پنجابی لکھاریاں جیا موسیٰ شاہدرہ لاہور فون ۹۲۰۹۲۹



نذر

صبا جاویں مدینے استغائے نال لے جاویں
تے آکھیں نذر زخمی نے گھلائی یا رسول اللہ ﷺ

ﷺ

کرم دے نال ویکھیں اک واری یا رسول اللہ ﷺ
میں بے کس بے نوا ہاں اک بھکاری یا رسول اللہ ﷺ

تری فرقت دے زخماں نوں میں دل دے داغ کیوں آکھاں
ہے سینے وچ مرے فصل بہاری یا رسول اللہ ﷺ

توہیں تسکین ہیں دل دی توہیں ہیں جان دی راحت
دکھا چہرے تے جاوے بے قراری یا رسول اللہ ﷺ

توہیں مولاً توہیں آقا توہیں وارث ترے باجھوں
کرے گا کون میری غم گساری یا رسول اللہ ﷺ

نزع دے وقت بھی مکھڑا دکھاویں اپنے جامی نوں
ایہو امید ہے مینوں میں واری یا رسول اللہ ﷺ
مولانا جامی / پنجابی روپ اعظم چشتی

ہیشہ

۱۱	بروفیسر عبدالجبار شاہ	بسم اللہ
۱۷	ڈاکٹر آفتاب احمد نقوی	ایہ حسرت اے مدینے میں وی آواں یارسول اللہ ﷺ
۱۸	ابن صدیق محمد حسین	ایہ حسرت اے مدینے نون میں جاواں یارسول اللہ ﷺ
۱۹	اثر انصاری	تیرے تاں دے ڈگے و جے نیں ہر جا یارسول اللہ ﷺ
۲۰	احسان اللہ طاہر	تہا ڈی سوہنی عادت میں صدقے یارسول اللہ ﷺ
۲۱	احمد جلیل	تیری کمبلی دیاں ٹھنڈیاں نیں چھاواں یارسول اللہ ﷺ
۲۲	محمد احمد شاہ	تہا ڈاناں ای ایڈا اے رسیلہ یارسول اللہ ﷺ
۲۳	حاجی اختر حافظ آبادی	سدا دا جھورنا مکے خدارا یارسول اللہ ﷺ
۲۴	اختر شاہ	کدے سدے مدینے میں وی آواں یارسول اللہ ﷺ
۲۵	اختر ہاشمی	کرم دی اک نظر ہووے خدارا یارسول اللہ ﷺ
۲۶	ارشاد اقبال ارشد	تسین محبوب رب دے او پیارے یارسول اللہ ﷺ
۲۷	ارشاد شاہد	کدی بن کے پراؤنا یارسول اللہ ﷺ
۲۸	حکیم ارشد شہزاد	تیرا ہی نام میں ہر دم چناراں یارسول اللہ ﷺ
۲۹	الحق کھرل	ترے باجھوں نہیں کوئی سہارا یارسول اللہ ﷺ
۳۰	اسیر سوہلوی	عطا نعمتاں دا کردو جو خزینہ یارسول اللہ ﷺ
۳۱	اصغر ڈار	مدینے شہر دار ستاد کھا دے یارسول اللہ ﷺ
۳۲	اصغر علی اصغر	کدی وچ خواب دے ہووے نظار یارسول اللہ ﷺ
۳۳	اعظم چشتی	سنو جے میرے دکھڑے تے سناواں یارسول اللہ ﷺ
۳۴	افضال انور	تساں دے بوہے جھکدی اے عظمت یارسول اللہ ﷺ
۳۵	اقبال زخمی	کدوں مکن گیاں خورے جدائیاں یارسول اللہ ﷺ
۳۶	اقبال ساجد	لگے مینوں تراناں ای پیارا یارسول اللہ ﷺ
۳۷	اقبال جمی	مرے سرتوں ایہ نکل جاوے بلاواں یارسول اللہ ﷺ
۳۸	اکرم دانش	مرادل کردا میں روئے تے آواں یارسول اللہ ﷺ
۳۹	اکرم رضا	تسین آئے تے کھڑ پیاں بہاراں یارسول اللہ ﷺ
۴۰	اکرم ساغر	مرے وگڑے نصیباں نون بناؤ یارسول اللہ ﷺ
۴۱	اکرم سعید	ہے چلی آپ دے گھر چوں حلیمی یارسول اللہ ﷺ
۴۲	اکرم شاہ جیلانی	گنہگاراں نون ہے تیرا سہارا یارسول اللہ ﷺ

۴۳	اکرم قلندری	بنا لومینوں وی اپنے دوارے یا رسول اللہ ﷺ
۴۴	اللہ و تارا ہی	منور نور تیرے توں زمانہ یا رسول اللہ ﷺ
۴۵	محمد الیاس جسٹس	دنے راتیں میں تیرے گیت گاواں یا رسول اللہ ﷺ
۴۶	امین انجم	دکھاؤ مینوں وی سوہنا مدینہ یا رسول اللہ ﷺ
۴۷	امین بابر	ڈراون رات دن مینوں خطاواں یا رسول اللہ ﷺ
۴۸	امین خیال	میں ایسے آس تے ایہ دن گزارے یا رسول اللہ ﷺ
۴۹	انور اداس	کوئیں ہجرال دیاں راتاں گزاراں یا رسول اللہ ﷺ
۵۰	انصر عقیل حیدری	سہارا آپ داہر ویلے چاہواں یا رسول اللہ ﷺ
۵۱	انور بھٹی اختر آبادی	مرا قبلہ تے کعبہ اے مدینہ یا رسول اللہ ﷺ
۵۲	انور بھٹی	بناں تیرے میں کس درہور جاواں یا رسول اللہ ﷺ
۵۳	ایم اے آزاد کھوکھر	میں امتی آپ دامنگاں سہارا یا رسول اللہ ﷺ
۵۴	بشیر الماس ہائی	مینوں رہندی اے سک تیری گھنیری یا رسول اللہ ﷺ
۵۵	حکیم پیر محمد کاوش	مری ایہ آس مدتاں دی پچاؤ یا رسول اللہ ﷺ
۵۶	پرویز تحمٹ	دکھاں درداں داماراہاں کرم کریا رسول اللہ ﷺ
۵۷	ڈاکٹر تنویر احمد	مری بھکی ہوئی سوچاں دی منزل یا رسول اللہ ﷺ
۵۸	تنویر بخاری	تڑپدے میں غماں دکھاں دے مارے یا رسول اللہ ﷺ
۵۹	جاوید اقبال	کرم ہووے ترے درتے میں آواں یا رسول اللہ ﷺ
۶۰	جاوید اقبال خاں نیازی	ایہ دل تیری نہ سہہ سکدا جدائی یا رسول اللہ ﷺ
۶۱	حسن ملک	جیہڑی وی چہہ تے ہے ذکر جاری یا رسول اللہ ﷺ
۶۳	ڈاکٹر حفیظ احمد	مدینے شہر مینوں وی بلاؤ یا رسول اللہ ﷺ
۶۴	پروفیسر حفیظ تائب	بنی اے جان تے بھارتی مصیبت یا رسول اللہ ﷺ
۶۵	حمید سفری	مرے ول وی بچے ہو جاوون نگا ہواں یا رسول اللہ ﷺ
۶۶	حمید نظامی	جو تیرے عشق دے پنجرے تڑتے یا رسول اللہ ﷺ
۶۷	حنیف حنفی	التجا میری ہوگئی بڑی دیری جھولی حیر پاؤ یا رسول اللہ ﷺ
۶۸	حنیف صابر	بلاؤ تے میں در تیرے تے آواں یا رسول اللہ ﷺ
۶۹	حنیف قادری	ترے صدقے ترے جاواں میں واری یا رسول اللہ ﷺ
۷۰	حنیف نازش	غماں فکراں دی نہیری فیر جھلی یا رسول اللہ ﷺ
۷۱	خالد جاوید خاکی	میں تیرا ہاں میں تیرا ہاں میں تیرا یا رسول اللہ ﷺ
۷۲	دلشاد جن	کروہن دور دکھاں دے ہنیرے یا رسول اللہ ﷺ

- ۷۳ راجا رسالو کرم اپنے تمہیں بھروسے میری جھولی یا رسول اللہ ﷺ
- ۷۴ راجا رشید محمود تہاڑے درتے چھاں رحمت دی سسنگھنی یا رسول اللہ ﷺ
- ۷۵ رحمت علی رحمت کرم ہووے مدینے میں وی آواں یا رسول اللہ ﷺ
- ۷۶ رشید احمد ارشد تہاڑے روئے تے آواں بلاو یا رسول اللہ ﷺ
- ۷۷ رشید ملتانى جیہڑے بندے نیں سچے جاوندے تل یا رسول اللہ ﷺ
- ۷۸ رفاقت علی رفاقت میں او گنہارتے عاصی و چارا یا رسول اللہ ﷺ
- ۷۹ رؤف شیخ تہاڑے آکے مکى اے نبوت یا رسول اللہ ﷺ
- ۸۰ ریاض قادری سجائے ہین اکھاں تے ستارے یا رسول اللہ ﷺ
- ۸۱ ریاض توقیر ترے درجیا نہیں کوئی دوارا یا رسول اللہ ﷺ
- ۸۲ ریاض حسین ارم توں محسن دو جہاناں دا ایں والی یا رسول اللہ ﷺ
- ۸۳ زاہد صدیقی میں اکواری مدینے پہنچ جاواں یا رسول اللہ ﷺ
- ۸۴ ساغر بٹ تہاڑی شان کل نبیاں توں عالی یا رسول اللہ ﷺ
- ۸۵ ساقی گجراتی تہاڑے درتے جس گردن جھکائی یا رسول اللہ ﷺ
- ۸۶ سجاد مرزا بھراں گھبرا کے غم توں جدوی ہاواں یا رسول اللہ ﷺ
- ۸۷ سردار احمد سردار مری برباد نگری نوں وساؤ یا رسول اللہ ﷺ
- ۸۸ سرور رندھاوا جتھے ٹریوں کدی ویکھاں اوہ تہاواں یا رسول اللہ ﷺ
- ۸۹ سلمی ناز کدی مینوں وی اپنے در بلاؤ یا رسول اللہ ﷺ
- ۹۰ سلیم آفتاب سلیم تہاڑی شان اے کیڈی نرائی یا رسول اللہ ﷺ
- ۹۱ شا کرملھی تہاڑی بن کون میرا اے سہارا یا رسول اللہ ﷺ
- ۹۲ شبیر نازش حیاتی میں مدینے وچ لنگھاواں یا رسول اللہ ﷺ
- ۹۳ شریف انجم ترے بن کون دنیا نوں سنورے یا رسول اللہ ﷺ
- ۹۴ شریف ساجد تسلیں لوکاں نوں وٹڈ دے او خزانے یا رسول اللہ ﷺ
- ۹۵ شریف مشتاق کرم ہووے تے میں وی فیر آواں یا رسول اللہ ﷺ
- ۹۶ ڈاکٹر شوکت علی قمر تہاڑی سک مرے ولد اخزینہ یا رسول اللہ ﷺ
- ۹۷ شہزاد احمد شاہد مرے گھر دے بچے و بیٹھے سجاؤ یا رسول اللہ ﷺ
- ۹۸ صابر نوید دیوچا آسرا مینوں خدارا یا رسول اللہ ﷺ
- ۹۹ صادق جمیل مدینہ شہراے میرے توں اولھے یا رسول اللہ ﷺ
- ۱۰۰ صادق صابری تیری بندہ نوازی نوں نہ بھلاں یا رسول اللہ ﷺ
- ۱۰۱ صائم چشتی تسلیں لچ پال تے میں ہاں بے لچی یا رسول اللہ ﷺ

۱۰۲	صدیق تاثیر	پئے و دھدے چارے پاسے میں ہنیرے یا رسول اللہ ﷺ
۱۰۳	صدیق صبر قادری	تسین آئے تے آئیاں میں بہاراں یا رسول اللہ ﷺ
۱۰۴	ڈاکٹر طارق قمری	کدوں پہنچاں گا میں دارا سکینے یا رسول اللہ ﷺ
۱۰۵	ظفر ساقی	ایہو منگاں دعاواں یا رسول اللہ ﷺ
۱۰۶	ظفر مقبول	کراں دن رات میں ایہو ای باتاں یا رسول اللہ ﷺ
۱۰۷	عارف محمود عارف	تری ہستی دا پر چھاداں یا رسول اللہ ﷺ
۱۰۸	عاشق رحیل	درا قدس تے میں اکوار آواں یا رسول اللہ ﷺ
۱۰۹	عثمان سالک	کوئی دکھیا جو دور تیرے تے آ یا یا رسول اللہ ﷺ
۱۱۰	عبدالرزاق محسن	گلاں کس نوں ستاواں یا رسول اللہ ﷺ
۱۱۱	عبدالستار شانی	سنو منگتے دیاں وی۔ جے پکاراں یا رسول اللہ ﷺ
۱۱۲	عبدالقدوس کیفی	غماں کیتا اے دلگیر یا رسول اللہ ﷺ
۱۱۳	عبداللہ قاضی	مدینے دی فضا ویکھاں سدا میں یا رسول اللہ ﷺ
۱۱۴	عقیل شانی	کدوں ہو دے گی پوری دل دی حسرت یا رسول اللہ ﷺ
۱۱۵	علی محمد ملوک	رہوے یادواں دا ایہ مسکن مراد ل یا رسول اللہ ﷺ
۱۱۶	محمد علی ظہوری	دچھوڑے دے میں صدے روز جھلاں یا رسول اللہ ﷺ
۱۱۷	عمران نقوی	دنے راتیں کریندا ہاں دعاواں یا رسول اللہ ﷺ
۱۱۸	عمر غنی	تھاڈ اور جو ہر دکھ دی دوا ہے یا رسول اللہ ﷺ
۱۱۹	غلام رسول ساقی	ازل توں میریاں سوچاں دا محور یا رسول اللہ ﷺ
۱۲۰	غلام شبیر رانا	میں چاہندا ہاں مدینے میں وی آواں یا رسول اللہ ﷺ
۱۲۱	غلام فرید شوکت	تیرے سوہنے نگر چیں ہو کے آئی یا رسول اللہ ﷺ
۱۲۲	غلام مصطفیٰ بسمل	کوئی دکھیاں دیاں لیندا نہ ساراں یا رسول اللہ ﷺ
۱۲۳	غلام مصطفیٰ زار	غریبی آن نہیں دیندی بہاراں یا رسول اللہ ﷺ
۱۲۶	فضل حق گلشن	مرے بلھاں تے رہندا ایہو نعر یا رسول اللہ ﷺ
۱۲۷	فیض چشتی	تری خاطر بنی ایہ سب خدائی یا رسول اللہ ﷺ
۱۲۸	فیض رسول فیضان	جہدے لب تے تھاڈی نعت ہوندی یا رسول اللہ ﷺ
۱۳۰	قمر حجازی	تمنا اے ترے درتے میں آواں یا رسول اللہ ﷺ
۱۳۱	کاشف کلیل کاشف	تمنا حاضری دی ایہ مرے دل و ج درینہ یا رسول اللہ ﷺ
۱۳۲	کبیر احمد مظہر	کے راتیں جے ہو جاوے عنایت یا رسول اللہ ﷺ
۱۳۳	کلیم شہزاد	تری چوکھٹ دے میں سب نوں سہارے یا رسول اللہ ﷺ

۱۳۶	گل شیر اختر شبیر	مرے غم داوی سن تے لے فسانہ یارسول اللہ ﷺ
۱۳۸	صوفی محمد الدین چشتی	تمنا اے میں درتے فیر آواں یارسول اللہ ﷺ
۱۳۹	محمود ساقی	کدے درتے بلاؤتے میں آواں یارسول اللہ ﷺ
۱۴۰	مسعود ہاشمی	کدی خواہاں دے وچ صورت دکھاؤ یارسول اللہ ﷺ
۱۴۱	معراج انصاری	دراڈے رہ کے نہیں ہوندا گزارا یارسول اللہ ﷺ
۱۴۲	مقصود ناصر چودھری	میں ہر ویلے کریندا ہاں دعاواں یارسول اللہ ﷺ
۱۴۳	پروفیسر منصور احمد خالد	مدد فرماؤ ناساڈی خدا یارسول اللہ ﷺ
۱۴۴	منظور احمد نوری	نہیں بھلدا مہینے دا نظارا یارسول اللہ ﷺ
۱۴۵	منظور الحسن بغدادی	عمر بھرتیریاں نعتاں سناواں یارسول اللہ ﷺ
۱۴۶	پروفیسر منور غنی	کتے ڈب جان نہ آساں دے تارے یارسول اللہ ﷺ
۱۴۷	منیر کمال	کراں میں کس طرحاں تیرا نظارا یارسول اللہ ﷺ
۱۴۸	پروفیسر منیر الحق کعمی	جگر دے زخم کس کس نوں دکھاواں یارسول اللہ ﷺ
۱۴۹	مہر دین شاہد	مری وگڑی بناویں یارسول اللہ ﷺ
۱۵۰	نادر جاجوی	کدی میری وی سن لو آہ وزاری یارسول اللہ ﷺ
۱۵۱	ناصر چشتی	دیاں میں رات دن تیری دہائی یارسول اللہ ﷺ
۱۵۲	نثار قدیل	نہ جنت دا اے چاء مینوں نہ حوراں یارسول اللہ ﷺ
۱۵۳	نصر اللہ صابر	سنوا کواری دکھیاں دی کہانی یارسول اللہ ﷺ
۱۵۴	نعیم ارشد ثمر	سنو معصوم ہونٹاں دے بلارے یارسول اللہ ﷺ
۱۵۵	نور احمد ریحانوی	تری رحمت دا مینوں ہے سہارا یارسول اللہ ﷺ
۱۵۸	محمد یوسف گلینہ	نظر تک تک کے راہ تیرا اے ہاری یارسول اللہ ﷺ
۱۵۷	محمد یوسف ورک	سنو جے عرض میری تے سناواں یارسول اللہ ﷺ
۱۵۸	ڈاکٹر یونس احقر	تری رحمت دے بدل بے بے یارسول اللہ ﷺ
۱۵۹	یونس حسرت امرتسری	تھاڈے ہجروچ اکھاں میں پرخم یارسول اللہ ﷺ
۱۶۰	اقبال زخمی	جے مل جاوے ترا مینوں دوارا یارسول اللہ ﷺ
۱۶۱		تساڈے ہجر نے کیتا اے گھائل یارسول اللہ ﷺ
۱۶۲		ہجروچ نین میرے وی میں روندے یارسول اللہ ﷺ
۱۶۳		کدوں مکن گیاں خورے جدایاں یارسول اللہ ﷺ
۱۶۴		نہ جھلی جاوندی میتھوں جدائی یارسول اللہ ﷺ



سانجھی گل

نعت کہنا، نعت لکھنا، نعت پڑھنا، نعت سننا، نعت دی محفل کروانا، محفل وچ جانا تے نعت چھاپن دا اہتمام کرنا حضور ﷺ دے خاص کرم نال ہوندا اے۔ کوئی بندہ اپنے آپ کجھ نہیں کر سکتا۔ ایہ حضور ﷺ دا خاص کرم اے کہ میں نعتاں دی ایہ چون ”یا رسول اللہ“ پیش کر رہیاں۔ میری جتنوں تک کوشش ہو سکی میں کیتی اے ایس کوشش وچ کتھوں تک کامیابی ہوئی اے ایہ تے پارکھ ای دس سکہ دے نیں۔ ترتیب حروف تہجی دے حساب نال اے جیہدی وجہ توں کجھ سینئر شاعراں دیاں نعتاں بعد وچ لکیاں نیں۔ جو نیر پہلے آگئے نیں۔

جہاں جہاں کتاب دی اشاعت وچ میری بھرپور مدد کیتی اوہناں دا شکریہ ادا نہ کرنا کم ظرفی ہووے گی۔ شکر یہ اپنے اوس بھن دا جینے اک ہزار روپیا میری مٹھ وچ دے کے کہیا ایہہ اذکر میراناں لے کے نہیں کرنا ایہ میں حضور ﷺ دی خوشنودی واسطے کتاب وچ حصہ پارہیاں ایس لئی میراناں کتے وی نہیں آنا چاہیدا۔ دعا اے حضور ﷺ اوہناں دی ایس ادانوں قبول فرمان۔ شکریہ پاکپتن وسدے جناب عمر غنی ہوراں دا جہاں لکھیا ”ایس نیک کم وچ میراوی حصہ ہونا چاہیدا اے تسیں گلے گلے ثواب نہ لٹو ایس کتاب وچ اپنا حصہ پارہیاں“ تے ایہہ دے نال ای اک ہزار روپیا ارسال کیتا۔ حضور ﷺ قبول فرمان۔ شکریہ جناب مولانا محمد رمضان نوری خطیب ماسٹر پارک اوکاڑہ ہوراں دا جہاں نعت نمبر ۵ دے ۱۵ پرچے منگوا کے دوستاں وچ تقسیم کیتے تے ہدیہ ۳۰۰ روپے گھل دتا جیہہ کتاب دے خرچ وچ شامل ہو گیا۔ شکریہ قصور وسدے بھن جناب محمد الدین چشتی نظامی ہوراں دا جہاں حکم کیتا کہ کتاب دے لا بھریری ایڈیشن دے دس نسخے مینوں گھل دینا تے ہدیہ کتاب دے خرچ وچ شامل کر دتا گیا۔

شکریہ جناب پروفیسر عبدالجبار شاہ ہوراں دا جہاں اپنے قیمتی وقت چوں ویلا کڈھ کے کتاب دا دیہا چہ لکھیا۔ شکریہ پروفیسر ارشد اقبال ارشد دا جینے نعتاں کٹھیاں کرن وچ نس بھیج کیتی شکریہ امجد اقبال امجد دا جینے ایس کتاب دی کمپوزنگ کیتی تے شکریہ امجد اقبال دا جینے ٹائیکل ڈیزائن کیتا تے چھوا کے دتا۔

میاں محمد اقبال زخمی

بِسْمِ اللّٰهِ الرَّحْمٰنِ الرَّحِیْمِ

ایس دھرتی تے حضرت محمد مصطفیٰ ﷺ دی ذات توں اڈ کوئی ہو ردوجی شخصیت اجیہی نظر نہیں آندی، جہدے نال رب سوہنے مقدس فرشتیاں تے انساناں نے ایڈی بھرویوں تے گوڑھی محبت تے عقیدت دا اظہار کیتا ہووے۔ مشاہور مستشرق ڈاکٹر اسپرنگر ہوریں آکھدے نہیں کہ حضور ﷺ دے اوصاف تے کمالات بیان کرن والیاں دی تعداد پنج لکھ توں زائد اے۔ ایس تو صیف توں اڈ اج دنیا دی کوئی زندہ زبان اجیہی نہیں، جہدے ورج نظم یا شروچ مکی مدنی ماہی ﷺ دی تعریف و توصیف نہ کیتی گئی ہووے۔

حضور ﷺ دی تعریف دے تذکرے آپ دی پیدائش تے جن توں پہلاں ای اسمانی کتاباں تے صحیفیاں وچ موجود نہیں۔ آپ دی آمد پاک دیاں بشارتاں نال کتاباں بھریاں پیاں نہیں۔ اسمانی کتاباں توں اڈ غیر اسمانی مذاہب دیاں کتاباں وچ وی آپ دی تشریف لیان دے تذکرے موجود نہیں۔

کائنات دا پہلا نعت گو خود رب کریم جل شانہ دی ذات جیسے قرآن مجید راہیں آپ دی حقیقی صفت بیان کیتی اے۔ سچ پچھو تے سچی تے سچی نعت دا مہاندرا کیہ ہونا چاہیدا اے ایس دی پچھان یاں تے قرآنی آیاتاں کر دیاں نہیں یا فیر حدیث پاک وچ صحابہ رضوان اللہ علیہم اجمعین نے آپ دے شامل تے فضائل نوں بیان کیتا اے۔ ایس توں نگروں تے فیر نعت دا ساون و سدا و سدا اے۔ عقیدت دی جھڑی انج لگی اے کہ عقیدتاں دی پھوار نے ساری خدائی تے لوکاں نوں نوں موہ لیا اے۔ ایس توں ودھ نعت دا اعجاز کیہ ہو سکدا اے کہ غیر مسلمان نوں رنج نعت کہن دا سلیقہ عطا ہو یا اے۔ ایس دھرتی دے سب توں وڈے انسان دی صفت ورج ساری کائنات شامل اے۔ کاش اسیں حضرت سلیمان علیہ السلام طرحاں پرندیاں تے جناوراں دی آواز سمجھدے تے جان دے ہوندے تے سانوں پتا لگدا کہ ایہ جناور وی رب سوہنے دی

حمد دے نال نال حضور ﷺ دے تاں دی مالا جب دے نہیں۔

عربی زبان وچ ”نعت“ داتن حرفی مادہ کسے چیز دی صفت تے وڈیائی بیان کرن دے معنی چ آندا اے۔ ہر سوہنی تے عمدہ چیزنوں نعت آکھ دے نہیں۔ عربی وچ ایہدی جمع نعوت اے۔ ایس ادبی اصطلاح دے معنی خاص طور تے حضور ﷺ دی ذات تے صفات دے بیان لئی وقف نظر آندے نہیں۔ حضور نبی کریم ﷺ دے اسوہ اوصاف تے کمالات دی گل بات ازل توں ٹری ہوئی اے تے ابد دیھاڑے تک ایہدی چال انج ای مستانی رہی اے۔

زبانم قابل حمد خدا شد

کہ بانام محمد آشنا شد

حضور ﷺ دے پاک زمانے تے پاک زمین دے دو عرب نعت گوواں دے تاں ساڈے کول محفوظ نہیں۔ حضرت حسان بن ثابت تے عبد اللہ بن رواحہ دے نعتیہ قصیدے پڑھیے تے دماغ وجد تے دل مستی محسوس کر دالے۔ عرب دے نعت گوواں توں بعد فارسی دے سینکڑے نعت گو عقیدت دے پھل پیش کر دے نظر آندے نہیں۔ اردو زبان وچ نعت دی ہاشنا اک وکھرا سواد پیش کر دی اے۔ برصغیر دے ہر علاقے وچ بولی جان والیاں بولیاں وچ آپ دی نعت دا بھر واد سامان موجود اے۔

اسیں ایس تحقیقی کھیچل تے گنجھل چ پے بغیر کہ اردو زبان قدیم اے یا پنجابی۔

ایہ گل بڑے مان تران نال آکھ سکدے آں کہ جنیاں صغافاں وچ پنجابی زبان وچ نعت کہی گئی اے ایہدا مقابلہ جگ دی کوئی ہو زبان نہیں کر سکدی۔

ذرا پنجابی نعت دیاں صغافاں دی ٹورتے دیکھو بولیاں دوہڑے کافیاں سی حرفیاں

باراں ماہے اٹھوارے ست وارے قطع تے رباعیاں غزلاں تے قصیدے مثنوی مستزاد

قوالی ترجیع بند ترکیب بند مسدس، مخمس، بیت، واراں، نظم دیاں ساریاں قسماں ہائیکو گیت تے

سانیت ہر صنف وچ نعت کہی گئی اے۔ موضوعات دے حساب نال گوڑا لاوتے مولود نامے

معراج نامے، وفات نامے، چوہرینی نامے، جھوک، حلیہ شریف، سلام، گلزاراں، اشتر نامے، لوریاں، میلاد نامے، جوگی نامے، چہ خے نامے تے ہور کئی رنگاں وچ نعت کہی گئی اے۔ نعت دیاں صنفاں تے موضوعاں دا ایہ کھلار آپ دی دل کھویں سیرت تے من موہنی صورت دا اک اظہار اے۔ نعت دافن پلصراط توں لکھن ورگا دشوار اے۔ وڈی تے بھرویں نعت دی ایہ لوڑ اے کہ عقیدت اک دو بے دے نال سگی بن جان، نعت گوئی دی عزت حاصل کرن لئی جتھے آپ سرکار ﷺ دی ذات نال محبت تے عقیدت دی لوڑ اے، اوتھے آپ دی سیرت دا بھرواں مطالعہ وی ضروری اے۔ نعت گونوں ایہدے فنی تقاضیاں دے نال جیہڑے نعت تے عروض دے فن میں ایہدے نال نال قرآن مجید تے احادیث مبارکہ دا ڈونگھا مطالعہ، سیرت پاک دیاں مستند کتاباں تے اسلام دی تاریخ نال گوڑھی یاری ہونی چاہیدی اے۔ نعت دے مضموناں وچ ادب تے احترام دی لوڑ اے۔ شعروچ اظہار دالطیف ڈھنگ ہونا چاہیدا اے۔ لفظاں دی چون دا خیال وی ضروری اے۔ نعت گو آپ دی محبت دے نال نال حضور ﷺ دی اطاعت دیاں شرطیں پوریاں کر دا ہووے۔ مقام محبوبیت آپ دی سیرت تے عمل کیتیاں بغیر نہیں مل سکا۔ بے عملاں نوں حضور پاک ﷺ دی محبت نہیں لہھ سکا۔ ذکر رسول، فکر رسول، توں بغیر رنگ نہیں پیدا کر دا۔ ایس گل نوں جانن لئی قرآن مجید دے اسلوب سیرت تے گہری نظر ہونی چاہیدی اے۔

پنجابی زبان وچ نعت دی روایت بہت ڈونگھی اے۔ بابا فرید گنج شکر، بابا نانک، عبدی تے نوشہ گنج بخش دے نال ایس نعت دے پڑا پہلا پڑاؤ نیں۔ پنجابی شاعری جیہدے وچ دینی ادب تے تصوف دا ڈونگھا چسکا ہے۔ ایہدی ہر صنف تے ایہدے ہر مجموعے دا ڈونگھا ہمیشہ توں حمد تے نعت نال بچھیا اے۔ ایس ایہ گل من لینے آں کہ پنجابی نثروچ سیرت دا بیان بہت تھوڑا، پر ایہ کسر ساڈے لکھاریاں نے ہر دور وچ نظم راہیں پوری کر دی اے۔ اک تحقیق موجب میں ایہ گل کرن ج حق بجانب آں کہ پنجابی وچ گھٹو گھٹ تن ہزار توں زائد شاعراں نے نعت آکھی

اے۔ ایہ نعت بھاویں دینی ادب وچ منظوم تفسیراں وچ ہووے تے بھاویں پنجابی مجموعیاں دے ڈھلے شعر اں راہیں بیان ہوئے۔ پنجابی دی کوئی منظوم ادبی کھیچل نعت دے وجود توں خالی نہیں۔ ہزاراں شاعراں دا کلام ساڈی سنا نبھ نہ ہون پاروں ضائع تے برباد ہو چکیا۔

ویہویں صدی عیسوی وچ پنجابی صحافت نے اپنا رنگ جمایا تے ایہدے وچ بوہت سارے رسالے مختلف علاقیاں وچوں شائع ہوئے ایہناں رسالیاں وچ ہمیش توں حمد تے نعت دے پھل ایس چنگیر دی زینت بن دے رہے۔ خیر ہوئی ہوئی نعت دے خاص نمبر وی شائع ہون لگ پئے۔ ساڈے دوست تے سچے ادیب راجا رشید محمود ہوراں نے عجیب عشق دا کرشمہ دیکھیا کہ خاص نعت دے ناں نال اک رسالہ چھاپنا شروع کیتا جیہدے وچ اردو پنجابی دے ہر شاعروں جگہ دتی اے۔

حضور ﷺ دے عاشقاں دی ایس صفحہ وچ اک بندہ اوہ وی نظر آندا اے جیہد اناں ”اقبال زخمی“ اے۔ اوہنے اچ توں ویہہ سال پہلاں ”لکھاری“ دے ناں نال اک کتاب لڑی شروع کیتی جیہنے اللہ پاک دے فضل نال ہن اک اچے تے سوچ جے مہینہ وار رسالے دی شکل اختیار کرائی اے۔ 1983ء وچ کتاب لڑی دی مہینہ بجھی تے فروری 1983ء وچ ای کتاب لڑی دا خاص شمارا نعت نمبر شائع ہویا۔ جیہدے وچ پروفیسر حفیظ تائب ہوراں دا اک بھرواں مضمون ”پنجابی نعت تے اک ترویجی جہات“ دے عنوان نال لکھیا۔ تے اخیر لے سارے حصے وچ پنجابی نعتاں دی سوغات دی باشنا کھنڈ کے ساہواں نوں مہکا رہی اے۔ نومبر 1985ء وچ لکھاری دا اک ایڈا بھرواں نعت نمبر شائع ہویا جیہنے سورج دے چکارے وانگر پنجابی نعت دا نور دور دور تک وکھیر دتا۔ ایہدے وچ نعتاں توں اڈ تحقیقی تے تنقیدی مضمون وی شائع ہوئے۔ ساڈے تن سونگیاں تے کھلریا ایہ نعت نمبر اچ وی پنجابی نعت دی تاریخ وچ اک حوالے دی دستاویز اے۔

لکھاری دا تریجا نعت نمبر اکتوبر 1989ء وچ شائع ہو ہویا جیہدا پہلا مضمون

میرے مرحوم دوست مقصود ناصر پہ دھری ہوراں لکھیسی، تحقیقی تے تنقیدی مضموناں توں بعد نعتاں دا پراگا پیش کیتا گیا اے۔

اقبال زخمی دے سینے وچ چپ رسول ﷺ دا اک دیو اسدا جگ دار ہیا اے۔ پرائس دیوے دی لاٹ 1998ء ایہناں نوں زمانے دے انھیریاں چوں کڈھ کے حرین شریفین دی زیارت تے حج لئی حجاز دی سرزمین تے لے گئی۔ اگلے سال فیر تڑپ دے زخمی نے عمرہ ادا کیتا تے واپسی تے ایس عقیدت دا ایہ ثبوت دتا پئی مدینہ یا مدینے دی ردیف نوں کھ رکھدیاں جون 2001ء وچ چوتھے نعت نمبر داشوق پورا کرن دا ساماں کیتا۔ زخمی ہوراں دی اپنی نعت وی عجیب من کھویں تے مستانی سی۔

صبح مدینے، شام مدینے دم دم پڑھاں سلام مدینے

لکھاری دے ایس چوتھے نعت نمبر وچ 127 شاعراں دا اک حصوں ردیف وچ کلام جمع کیتا گیا۔ فیر زخمی ہوراں نے ایسے نعتاں دے پراگے نوں کتابی شکل وچ چھاپ دتا، جیہڑا حشر دیھاڑے تک پنجابی نعت گوئی وچ اک نشان بنیا رہوے گا۔

نعت گوئی دی ایس محبت نے زخمی ہوراں نوں نوں نوں توں نوں رستے بھادتے تے اوہناں اک نوں نعت نمبر لئی ہوکا ماریا کہ شاعر جمن ہن ”یا رسول اللہ“ دی اوکھی ردیف وچ اپنیاں نعتاں پیش کرن ایس ہوکے نوں سن کے 130 توں زائد شاعراں نے اپنا مخصوص ردیف وچ کلام پیش کر دتا۔ ”لکھاری“ دا ایہ نعت نمبر مئی 2003ء نوں چھاپے چڑھیا تے ہن اگست 2003ء کجھ ہور وادیاں دے نال ایہ کتابی شکل وچ اک مستقل سرمائے دی شکل تے رنگ روپ نال پیش کیتا جا رہیا اے۔ اوہناں دیاں پنجابی نعت دے روپ نوں ہنگارن دیاں ایہ ساریاں کوششاں سلاہن جوگ نیں۔ پر مینوں لگ دا کہ حضور پاک ﷺ دی محبت تے عقیدت دا جیہڑا سوما اوہناں دے دل تے دماغ وچ بھٹیا اے ایہ اجے بڑے رنگ دکھائے دا۔

دیہویں صدی عیسوی دی اخیرلی چوتھائی وچ پنجابی نعت نے اپنا بہت سارا زور تے

ذوق دکھایا اے۔ ایہ زمانہ تے دور خاص گھنکی مہارتاں تے مادیت دے کھو بے دازمانہ اے۔
 ایہدے وچ مغرب دی انھی انھیری نے ساریاں قوماں نوں صراط مستقیم توں ہٹان دازور لایا
 ہو یا اے۔ ایمان دی کھیتی، عشق رسول دے پانی باجھوں بخر ہو رہی سی پر نعت گوئی دی ایس
 پھوار نے لہنوں فیر گل و گلزار بنا دتا اے۔ پنجابی نعت دے ایس فروغ وچ جیہڑے سینکڑاں
 شاعران نے حصہ لیا اے اوہناں دی ایہ کوشش ایس دھرتی تے سلاہن جوگ اے تے حشر
 دیھاڑے ایہ اوہناں دی شفاعت داسامان اے۔ میں ایس موقعے دی نسبت نال اپنے شاعر
 بھراواں نوں ایہ عرض کرنا چاہنا آں کہ آپ دے فضائل، شمائل تے اوصاف دا بیان شعراں
 راہیں بڑا ضروری اے پر ہن زمانے تے لوکاں دی ایہ لوڑ اے کہ آپ ﷺ دے پیغام دی تبلیغ
 شعراں راہیں عام کیتی جاوے تے آپ دی باکمال سیرت نوں کھ رکھ کے نعت دے مضموناں دا
 نواں کھلاں پیدا کیتا جائے۔ مینوں امید اے کہ ایس لوڑ لئی اقبال زخمی ہو رہی نعت نمبران دے
 نال نال ہن پنجابی وچ سیرت نمبران داوی مڈھ نمھن گے۔ نعت بے شاعری دا دل اے تے
 سیرت اوہدا داغ اے۔ دل تے دماغ دوواں دی صحت تے سلامتی دی لوڑ اے۔ لکھاری دے
 ایس نمبر دی کتابی اشاعت تے میں اقبال زخمی ہو راں نوں پوری پنجابی زبان بولن والیاں دی
 طرفوں سلام پیش کرنا آں۔ مینوں امید اے کہ ایس نعتیہ مجموعے دا اچھا استقبال کیتا جاوے گا۔

انشاء اللہ العزیز

پروفیسر عبدالجبار شاہ

ڈائریکٹر پنجاب پبلک لائبریری

۱۶ جولائی ۲۰۰۳ء

صلی اللہ علیہ وسلم

ایہ حسرت اے مدینے میں وی آواں یا رسول اللہ ﷺ
 ہرے گنبد دیاں ماناں میں چھاواں یا رسول اللہ ﷺ
 تہاڈا در اوہ دروازا اے جس تے منکتیاں وانگر
 شہنشاہواں نے دتیاں نہیں صداواں یا رسول اللہ ﷺ
 مرے لوں لوں دے اندر تاہنگ اے دیدار وی مولا
 کدی مقبول ہوں ایہ دعاواں یا رسول اللہ ﷺ
 تہاڈے تے مرے سینے دا اک اک داغ روشن اے
 دکھاواں جے تہانوں کیہ دکھاواں یا رسول اللہ ﷺ
 ایہ دلدی ڈولدی بیڑی کنارے تائیں جا لگے
 نظر اک مہر وی قربان جاواں یا رسول اللہ ﷺ
 سناں جے تے سناں میں سوہنی سیرت دے سدا نغمے
 جے گاواں تے تہاڈے گیت گاواں یا رسول اللہ ﷺ
 سلاماں تے دروداں نال بس میں لالواں یاری
 مقدر کیوں نہ انج اپنا جگاواں یا رسول اللہ ﷺ
 آفتاب احمد نقوی



ﷺ

ایہ حسرت ہے مدینے نوں میں جاواں یا رسول اللہ ﷺ
 تے سب دکھڑے تہانوں میں سناواں یا رسول اللہ ﷺ
 کدی آواں کدی جاواں رہواں بس پھیریاں پاندا
 تے ساری عمر میں انج ہی لنگھاواں یا رسول اللہ ﷺ
 مدینے دی میں گلیاں وچ پھراں تیرا گدا بن کے
 تے رحمت نال جھولی بھر کے آواں یا رسول اللہ ﷺ
 اوہ روئے پاک دی جالی جنہوں چم چم کے نہ رجاں
 میں نعمتاں تیریاں اوتھے سناواں یا رسول اللہ ﷺ
 میں خاک پاک چم چم کے جو لاواں نال اکھیاں دے
 تے تھاں تھاں تے میں اپنا سر جھکاواں یا رسول اللہ ﷺ
 ترے در دے فقیراں دے قدم چماں زہے قسمت
 جو تیرے نیں دل اوہناں نال لاواں یا رسول اللہ ﷺ
 حسن تے وی کرو نظر کرم دی ہک جھلک آقا
 ایہ دولت دین دنیا دی میں پاواں یا رسول اللہ ﷺ

ابن صدیق محمد حسین

.....☆☆.....

صلی اللہ علیہ وسلم

تیرے ناں دے ڈگے وجے نیں ہر جا یا رسول اللہ ﷺ
ازل توں ای ترا چہ چا اے ہو یا یا رسول اللہ ﷺ

تسین اسلام دے گلشن بہاراں لے کے آئے او
تساں ذہناں نوں وی دتا اے مہکا یا رسول اللہ ﷺ

تھاڈے واسطے کیجے نیں پیدا دو جہاں حق نیں
تساڈے نور چکایا زمانا یا رسول اللہ ﷺ

دنے راتیں تھاڈا ذکر میں کردا رہواں آقا
مری بیڑی نوں مل جاوے کنارا یا رسول اللہ ﷺ

تساں نے دان دتا سی جیویں رومی تے جامی نوں
کرو مینوں عطا مڑ فیض اوہوا یا رسول اللہ ﷺ

کدوں تیکر سہواں گا دوریاں دے دکھ یا حضرت
بلا لو اثر نوں وی ہن خدارا یا رسول اللہ ﷺ
اثر انصاری فیض پوری

صلی اللہ
علیہ وسلم

تہاڈی سوئی عادت توں میں صدقے یا رسول اللہ ﷺ
تہاڈی خاص رحمت توں میں صدقے یا رسول اللہ ﷺ

دعاواں ویریاں نوں وی دنے راتیں پئے دیو
تہاڈے پیار چاہت توں میں صدقے یا رسول اللہ ﷺ

تسیں مختار او جگ دے تے پتھر ڈھڈھ تے بندھے او
تہاڈی اس قناعت توں میں صدقے یا رسول اللہ ﷺ

بھائییاں نہیں اسانوں جس سمھے نیکی دیاں راہواں
اوہ چانن رنگی سیرت توں میں صدقے یا رسول اللہ ﷺ

جہڑی رنگن چج رنگیا اے تسان سارے صحابہ نوں
تہاڈی اوس رنگت توں میں صدقے یا رسول اللہ ﷺ

زمانے وچ تسان ونڈی اے سانجھی پیار دی دولت
تہاڈی ایس رحمت توں میں صدقے یا رسول اللہ ﷺ

احسان اللہ طاہر

صلی اللہ علیہ وسلم

تری کمبلی دیاں ٹھنڈیاں میں چھاواں یا رسول اللہ ﷺ
 تری رحمت دیاں ہر سو گھٹاواں یا رسول اللہ ﷺ
 مدینے دے گلی کوچے میں ویکھاں جی بڑا کروا
 میں ہر دم منگناواں ایہ دعاواں یا رسول اللہ ﷺ
 کدے تشریف لے آؤ مری نظراں دے ویہرے وچ
 میں سوہنی دید نال اکھیاں سجاواں یا رسول اللہ ﷺ
 خیالاں وچ کدے تکناواں تیرے سوہنے روضے نوں
 کدی جالی نوں سینے نال لاواں یا رسول اللہ ﷺ
 مری نیندر اڈیکے روز تیری دید دے سفنے
 بچھا کے اکھیاں تکنا ہاں میں راہواں یا رسول اللہ ﷺ
 جدائیاں دے ایہ موسم سوہنیا! کد ختم ہون گے
 میں کد تک ہجر دے صدے اٹھاواں یا رسول اللہ ﷺ
 جہنم دا میں ڈر بھل جاونا جد یاد کرناواں
 تری رحمت دیاں مٹھیاں اداواں یا رسول اللہ ﷺ
 کدے سد لو مدینے وچ جلیل ہجر دے مارے نوں
 مکا چھڈو ایہ ہن لمیاں سزاواں یا رسول اللہ ﷺ
 احمد جلیل



صلی اللہ
علیہ وسلم

تھاڈا ناں ای ایڈا اے رسیلہ یارسول اللہ ﷺ
کہ مجمع ہوندا جاندا اے نشیلا یارسول اللہ ﷺ

ترا رتبہ اے دو جگ توں جلیلہ یا رسول اللہ ﷺ
خدا تک پہنچنے دا اک وسیلہ یا رسول اللہ ﷺ

اوہ تیرے خلق دے پاروں محبت دا نشاں بنیا
جیہڑا دشمن سی جاناں دا قبیلہ یارسول اللہ ﷺ

کدوں تک غم دیاں شاں رہوے گا شادا ایہ سہندا
ایہ ہن ہو گیا جشہ اے نیلا یارسول اللہ ﷺ

محمد احمد شادا

.....☆☆.....

111222

صلی اللہ علیہ وسلم

سدا دا جھورنا مکے خدارا یا رسول اللہ ﷺ
 نظارے باجھ ہن نہیں جے گزارا یا رسول اللہ ﷺ
 وچھوڑے دے غماں دا ہے سمندر ماردا ٹھاٹھاں
 وصالاں دا ملے چھیتی کنارا یا رسول اللہ ﷺ
 میں چم لیناواں اکھیاں میٹ کے خاکِ مدینہ تے
 عطا ہووے کسی صورت نظارا یا رسول اللہ ﷺ
 بہت میلاد تے ہوندی اے سنیا نور دی بارش
 محمد ﷺ نام عرشاں دا دلارا یا رسول اللہ ﷺ
 چکی پھردی اے بس اکو تہاڑے شوق دی گرمی
 شفاعت آپ جی دی ہے سہارا یا رسول اللہ ﷺ
 چراں توں چیک رہی اے پاک دھرتی شردے نرنے وچ
 ہدایت دا دوو ہن تاں اشارا یا رسول اللہ ﷺ
 عرب دا چن تے کہنے آں اسیں سب پیار تھیں اختر
 ایہ پاکستان وی اے گھر تمہارا یا رسول اللہ ﷺ
 حاجی اختر حافظ آبادی



صلی اللہ
علیہ وسلم

کدے سدے مدینے میں وی آواں یا رسول اللہ ﷺ
جو دل تے ہجر وچ گزری سناواں یا رسول اللہ ﷺ

نہ دل نوں چین آؤندا اے نہ اکھیاں وچ رہی نیندر
شدائیاں وانگ تھکدی ہاں میں راہواں یا رسول اللہ ﷺ

سنیہے ہتھ راہیاں دے میں گھلے واسطے دے دے کے
کرو میں کملی کوچھی ول ۴ نگاہواں یا رسول اللہ ﷺ

انہاں دے لیکھ چنگے نہیں جو رہندے وچ مدینے دے
بلاویں تے میں لیکھ اپنے جگاواں یا رسول اللہ ﷺ

ایہ حسرت دل وچ رہندی اے مرے دن رات اختر شاہ
زیارت پاک روئے دی میں پاواں یا رسول اللہ ﷺ

اختر شاہ



صلی اللہ علیہ وسلم

کرم دی اک نظر ہووے خدارا یا رسول اللہ ﷺ
 مری کشتی نوں مل جائے کنارا یا رسول اللہ ﷺ
 لوواں بوسے میں پھر آ کے مدینے دی ہواواں دے
 کراں دم دم میں روضے دا نظارا یا رسول اللہ ﷺ
 ختم ہووے ہنیری رات روشن کر دیہو راہواں
 مرا چمکا دیہو چھیتی ستارا یا رسول اللہ ﷺ
 بھلا کیوں ستاون مشکلاں تے اوکڑاں مینوں
 میں ملیا آپ سوہنے دا دوارا یا رسول اللہ ﷺ
 میں چھالاں ماردا جنت دے دروازے چوں لنگھاں گا
 بس اک چھوٹا جہیا ہووے بلارا یا رسول اللہ ﷺ
 مچائی جیہڑی مستی عشق دی دل وچ مدینے نے
 نہ ہوندا اوس دے بن ہن گزارا یا رسول اللہ ﷺ
 میں اختر ویکھدا اپنے پھیرے نور دے جلوے
 ذرا مینوں وی مل جائے سہارا یا رسول اللہ ﷺ
 اختر ہاشمی



ﷺ

تسین محبوب ربی او پیارے یا رسول اللہ ﷺ
 اوہدی مخلوق دے کلمے سہارے یا رسول اللہ ﷺ

ترے اچے مقاماں دی گواہی دیوندے آقا
 پڑھاں قرآن دے جد وی سپارے یا رسول اللہ ﷺ

انہاں اکھاں نوں دنیا دا کوئی منظر وی پوہندا نہیں
 مدینے دے جہاں ویکھے عنظارے یا رسول اللہ ﷺ

ازل توں ابد تک دنیا دے جنے وی کھلارے نیں
 ترے ای واسطے رب نے کھلارے یا رسول اللہ ﷺ

بشارت دیوندے آئے ترے آون دی سمھے ای
 نبی جنے وی اللہ نے اتارے یا رسول اللہ ﷺ

ہمیرے غم دے جس ویلے نیں گھیرا پاوندے اس نوں
 ترا ارشد تے تینوں ای پکارے یا رسول اللہ ﷺ
 ارشداقبال ارشد

صلی اللہ علیہ وسلم

کدی بن کے پراؤنا یا رسول اللہ ﷺ
مری کٹیا وساؤنا یا رسول اللہ ﷺ

میں اوگنہارتے مسکین دے ولے
کرم دی جہات پاؤنا یا رسول اللہ ﷺ

نزع دے وقت جد تکلیف ہووے گی
تسین درشن کراؤنا یا رسول اللہ ﷺ

شیر و شیر دے صدقے مینوں آقا
ہرا گنبد وکھاؤنا یا رسول اللہ ﷺ

جے لیکھاں وچ کتے لکھیا مدینہ نہیں
مرے سفنے چ آؤنا یا رسول اللہ ﷺ

میں ہر پل نال کراں شاہد ایہ بنتی
مری بگڑی بناؤنا یا رسول اللہ ﷺ

ارشاد شاہد

صلی اللہ علیہ وسلم

ترا ہی نام میں ہر دم چناراں یا رسول اللہ ﷺ
مقدر اس طرحاں اپنا سنواراں یا رسول اللہ ﷺ

معطر جسم اطہر دی میں خوشبو یاد کرنا واں
مرے ویٹھے جدوں آون بہاراں یا رسول اللہ ﷺ

ہنگورے ملدے رہندے نیں مینوں مشکل کشائی دے
تیری میں آل نون جد وی پکاراں یا رسول اللہ ﷺ

کتے ”ڈھل“ نون کتے ”بل“ نون تیری درکار ہے نصرت
بڑے اتھرو وگائے نیں چناراں یا رسول اللہ ﷺ

تسین راہبڑ تسین مرشد تسین پیر شریعت او
کسے نون ہور میں کاہنوں پکاراں یا رسول اللہ ﷺ

میری ایہ آخری خواہش ہے آقا میں ترے درتے
بقایا زندگی اپنی گزاراں یا رسول اللہ ﷺ
حکیم ارشد شہزاد

ﷺ

ترے باجھوں نہیں کوئی سہارا یا رسول اللہ ﷺ
 نہ کر دیناں مرا کدھرے وسارا یا رسول اللہ ﷺ

سھے عرشاں دیاں راہواں سجاٹیاں آپ رب اکبر
 کیڈا سوہنا توں اللہ وا دلارا یا رسول اللہ ﷺ

تری چاہت دے لئی سوہنا میں نت قرآن پڑھدا ہاں
 ذکر تیرا جیہڑا ویکھاں سپارا یا رسول اللہ ﷺ

تری ساہواں دی خشبو توں فضاواں مہکیاں سھے
 جدھر ویکھاں ادھر تیرا نظارا یا رسول اللہ ﷺ

ترا کھرو گناہ دے بھار پٹھاں دبا جاندا اے
 توںہاں محشر دے اندر وی ہیں چارا یا رسول اللہ ﷺ
 محمد اسحق کھریل

.....☆☆.....

صلی اللہ علیہ وسلم

عطا نعتاں دا کر دیو خزینہ یارسول اللہ ﷺ
 کہ نور و نور ہو جاوے ایہ سینہ یارسول اللہ ﷺ
 ہے ایہو چاء مرے دل دا نہ منگاں ہور کجھ آقا
 سکھاؤ نعت آکھن دا قرینہ یارسول اللہ ﷺ
 ایہ سمجھاں گا کہ ہو آیاواں میں خلد بریں وچوں
 جے دیکھاں آپ دا مکہ مدینہ یارسول اللہ ﷺ
 تاں دی اک نظر نے عکرمہ دی زندگی بدلی
 بناؤ ایس کجھ نوں وی نگینہ یارسول اللہ ﷺ
 پھراں میں وانگ جھلیاں دے تہاڈے شہر وچ آکے
 ہے ایہو آرزو میری درینہ یارسول اللہ ﷺ
 جدوں وی موتیے 'زرگس' دا کدھرے ذکر چھڑ دا اے
 تہاڈا یاد آ جاوے پسینہ یارسول اللہ ﷺ
 جدوں آکے میں روضے پاک تے چماں گا جالی نوں
 اوہ کیمڑا سال ہووے گا مہینہ یارسول اللہ ﷺ
 کرم دی جہات جے پاؤ 'بھنور وچ کھاوندا ڈولے
 مرا وی پار لگ جاوے سفینہ یارسول اللہ ﷺ

اسیر سوہلوی



ﷺ

مدینے شہر دا رستا دکھا دے یا رسول اللہ ﷺ

لگے نہیں روگ جو مینوں مٹا دے یا رسول اللہ ﷺ

خورے کیمڑی جگہ جا کے اوہ گوڑھی نیند پئے مان

مرے تے نصیباں نوں جگا دے یا رسول اللہ ﷺ

مری آساں دی کھیتی وی تے سکدی جا رہی آقا

خدارا رحمتاں دا مینہ وسا دے یا رسول اللہ ﷺ

دنے راتی ترا اصغر دعاواں منگدا رہندا

کدی آکے ایہدا ویہڑا سجا دے یا رسول اللہ ﷺ

اصغر ڈار

صلی اللہ
علیہ وسلم

کدی وچ خواب دے ہووے نظارا یا رسول اللہ ﷺ
 چمک جاوے مری قسمت دا تارا یا رسول اللہ ﷺ
 کسے نوں مان دنیا تے کسے نوں ہے عبادت تے
 تے مینوں صرف تیرا ہے سہارا یا رسول اللہ ﷺ
 گناہاں دی گھسن گھیری دے وچ گھیرے پئی کھاوے
 نیری کشتی نوں مل جاوے کنارا یا رسول اللہ ﷺ
 حسین ابن علیؑ دا واسطہ مینوں بچا لینا
 جدوں ہووے گا عملاں دا متارا یا رسول اللہ ﷺ
 ایہ عرش و کرسی و لوح و قلم تے لا مکاں سارے
 تری ہی ذات لئی سارا پسارا یا رسول اللہ ﷺ
 حشر اندر دیر احمد تے آ کے انبیاء سارے
 عرض کرسن کرو امت دا چارا یا رسول اللہ ﷺ
 عرش توں فرش تک سارا زمانہ جان دا اصغر
 خدا تینوں خدا نوں توں پیارا یا رسول اللہ ﷺ
 صوفی اصغر علی اصغر



صلی اللہ علیہ وسلم

سنو جے میرے دکھڑے تے سناواں یا رسول اللہ ﷺ
 جے آکھوتے مدینے میں وی آواں یا رسول اللہ ﷺ
 میں اپنے شوق نوں ویکھاں کہ اپنے آپ نوں ویکھاں
 میں کیہڑے مان تے گھر وچ بلاواں یا رسول اللہ ﷺ
 بڑا چا اے زیارت دا بڑی حسرت اے ویکھن دی
 کدی آووتے اکھاں تے بٹھاواں یا رسول اللہ ﷺ
 کدوں صورت دکھاوو گے کدوں حسرت مٹاوو گے
 کتے ویکھن توں پہلوں مر نہ جاواں یا رسول اللہ ﷺ
 تساڈے ذکر وچ گزری اے ساری زندگی میری
 تساڈے عشق وچ دنیا توں جاواں یا رسول اللہ ﷺ
 میں نظراں نیویاں کر کے پھراں میدان محشر وچ
 خدا دے سامنے کیہ مونہہ دکھاواں یا رسول اللہ ﷺ
 بناں دیدار نہیں دارو کوئی اعظم دے درواں دا
 میں کر کر ویکھیاں لکھاں دواواں یا رسول اللہ ﷺ
 اعظم چشتی

.....☆☆.....

ﷺ

تساں دے بوہے تے جھکدی اے عظمت یا رسول اللہ ﷺ
تساں دے صدقے ای کھاندی اے خلقت یا رسول اللہ ﷺ
تساں داناں لیاں مٹ جائے کلفت یا رسول اللہ ﷺ
تے نکل جاندی اے سرتوں ہر مصیبت یا رسول اللہ ﷺ
خدا دیندا اے سب نوں پر دواندا تہاڈے ہتھوں اے
جہاناں لئی تساں دی ذات رحمت یا رسول اللہ ﷺ
جیہدا جیوندا اے دل جیوندا اے تہاڈی نال الفت دے
حیاتی دا سبب اے تہاڈی نسبت یا رسول اللہ ﷺ
جو تہاڈا نہیں خدا دی سونہہ خدا دا کجھ نہیں لگدا
محبت رب دی اے تہاڈی محبت یا رسول اللہ ﷺ
تساندی یاد میری جان دی وی جان اے آقا
تساندا ذکر اے میری عبادت یا رسول اللہ ﷺ
تساں دے بعد بوہا رب نے ڈھو جھڈیا نبوت دا
ازل تک ہن تساندی اے شریعت یا رسول اللہ ﷺ
ایہ برہوں سڑدیاں اکھیاں ' مدینے پاک آٹھارے
جے اس کرماں سڑے نوں دیہو اجازت یا رسول اللہ ﷺ
خدا دے واسطے بخشو زیارت اپنے انور نوں
کرو عاجز کینے تے عنایت یا رسول اللہ ﷺ
پروفیسر افضل احمد انور

ﷺ

کدوں مکن گیاں خورے جدائیاں یارسل اللہ ﷺ
 میں آساں حاضرى لئی فیر لائیاں یارسل اللہ ﷺ
 ساڈے کرم تھیں کئی وار ڈٹھا سبز گنبد نوں
 مری اکھیاں نہیں حالے وی تھائیاں یارسل اللہ ﷺ
 تسیں او کرم فرماندے تے مڑ آوناں در تے
 مری عمراں دیاں ایہو کمائیاں یارسل اللہ ﷺ
 اکھیاں چھوڑ کے مینوں نہیں ٹر گئے قافلے والے
 میں اتھے رہ گیا دیندا ڈھائیاں یارسل اللہ ﷺ
 اوہدے توں ودھ کے ہور کیمہرا مقدر والا ہووے گا
 مدینے جا کے جس نعتاں سنائیاں یارسل اللہ ﷺ
 بڑے خوش بخت نہیں اوہ لوک اس واری وی جہاں نے
 مدینے جان لئی نکلاں کٹائیاں یارسل اللہ ﷺ
 خورے اکوار فر مڑ کے بلاوا آ گیا زخمی
 مینوں جمن پئے دیندے ودھائیاں یارسل اللہ ﷺ

اقبال زخمی

صلی اللہ
علیہ وسلم

لگے مینوں تیرا ناں ای پیارا یا رسول اللہ ﷺ
ہے سب ناواں چوں ناں تیرا نیارا یا رسول اللہ ﷺ

خدا دے نور دی بارش سدا وسدی ترے در تے
کراں آکے میں وی اوہدا نظارا یا رسول اللہ ﷺ

ترے در تے روزانہ ای ہزاراں لوک آوندے میں
ترا ویکھاں کدی میں وی دوارا یا رسول اللہ ﷺ

خدا دی اس خدائی وچ تساڈا نام کافی اے
بنے جیہڑا دکھی دل دا بہارا یا رسول اللہ ﷺ

دنے راتی ایہ نعتاں تیریاں لکھدا تے پڑھدا اے
ایہو ساجد دا ہر ویلے ہے کارا یا رسول اللہ ﷺ

اقبال ساجد



صلی اللہ
علیہ وسلم

مرے سرتوں ایہ ٹل جاون بلاواں یارسول اللہ ﷺ
 وسیلہ آپ دا جس دم میں چاہواں یارسول اللہ ﷺ
 مری اکھیاں بچ وں جاوے اوہ ساوا نور دا گنبد
 مقدر وچ کرو میرے اوہ تھاواں یارسول اللہ ﷺ
 جتھے عرشوں فرشتے وی سلامی آن دیندے نیں
 او سے درتے ایہ دل اپنا جھکاواں یارسول اللہ ﷺ
 تسیں سایا او شفقت دا تسیں رحمت جہاناں وی
 عطا ہوون کرم پاروں رواواں یارسول اللہ ﷺ
 ہنیرے چار پاسے توں پئے یلغار کردے نیں
 تہاڈے نور تھیں ایہناں نوں ڈھاواں یارسول اللہ ﷺ
 مرے دل دی ایہ سدھراے مرے دل دی تمنا اے
 سدا بروا تہاڈا ای سداواں یارسول اللہ ﷺ
 طلب میری تے اپنی اے ملن مینوں وی ویکھن نوں
 مبارک پیاریاں اوہو فضاواں یارسول اللہ ﷺ
 محمد اقبال نجمی



صلی اللہ
علیہ وسلم

مرا دل کروا میں روضے تے آواں یا رسول اللہ ﷺ
میری جو آرزو دل دی سناواں یا رسول اللہ ﷺ

تسین دلدار رب دے او تسین غمخوار سب دے او
تساں باتھوں کسے در تے نہ جاواں یا رسول اللہ ﷺ

جتنے راتاں نوں روندے رہے جتنے اجڑ چھوندے رہے
خدا دی سونہہ مقدس نہیں اوہ تھاواں یا رسول اللہ ﷺ

تساں دی ذات دے صدقے بنے کون و مکاں آقا
تساں دا نام چم اکھیاں تے لاواں یا رسول اللہ ﷺ

سے مکاں خدا خود وی دروہ پاک اے پڑھدا
تائیں نعتاں صبح شامی سناواں یا رسول اللہ ﷺ

کرو نظر کرم دانش دے سارے روگ مک جاون
میں رو رو کے پیا منگاں دعاواں یا رسول اللہ ﷺ
محمد اکرم دانش

صلی اللہ علیہ وسلم

تسین آئے تے کھڑ پیاں بہاراں یا رسول اللہ ﷺ
 دلاں دا چین پایا بے قراراں یا رسول اللہ ﷺ
 جہاں وچ بیٹھ کے آقا تاں امت دا غم کھادا
 زیارت گاہ بن گیاں اوہ غاراں یا رسول اللہ ﷺ
 تسین یسین تے طہ منزل تے مدثر ہو
 میں کبھڑا کبھڑا ناں لے کے پکاراں یا رسول اللہ ﷺ
 مرے دل نے خبر دتی اے اج سرکار آؤنا اس
 میں کیوں اپنی کلی نوں سنواراں یا رسول اللہ ﷺ
 ایہ خوش بختی مرے حصے وچ آوے جے میں وی اکدن
 مدینے جا کے اپنی جان واراں یا رسول اللہ ﷺ
 تسین ہو حاضر و ناظر مرے دل وی نگہ کرنا
 مصیبت وچ جدوں وی میں پکاراں یا رسول اللہ ﷺ
 سدا جتھے خدا دی رحمتاں نوں پیار آؤندا اے
 مبارک بن گیاں اوہ رہواریاں یا رسول اللہ ﷺ
 رضا دکھاں دے صحرا وچ کدے دا پیا ترخدا اے
 خدا دا واسطہ موڑو مہاراں یا رسول اللہ ﷺ

محمد اکرم رضا

صلی اللہ
علیہ وسلم

مرے وگڑے نصیبیاں نوں بناؤ یا رسول اللہ ﷺ
کدی مینوں وی روئے تے بلاؤ یا رسول اللہ ﷺ

اوہ ہووے کچ توں ہیرا سمندر بوند توں ہووے
تسیں مینہ اپنی رحمت دا جے پاؤ یا رسول اللہ ﷺ

کوئی نہ اک دے بوٹے نوں پھل لگن چنبیلی دے
پتے نم نوں لگن جے چاہو یا رسول اللہ ﷺ

حشر دے دن جدوں مینوں گناہواں گھیریا آقا
دہائی دیوندا آساں بچاؤ یا رسول اللہ ﷺ

کروڑاں خلق دی پتی اے لکھاں نے طہورا دی
مرا ساغر اے خالی پلاؤ یا رسول اللہ ﷺ
اکرم ساغر



ﷺ

ہے چلی آپ دے گھر چوں حلیمی یا رسول اللہ ﷺ
تھاڑی گلاں دی خشبو اے دھیمی یا رسول اللہ ﷺ

تسیں کوہ طوروں اگے عرشاں تے جا کیتیاں گلاں
تساں تے ناز کر دی اے کلیسی یا رسول اللہ ﷺ

جو چھائے رحمتاں بن بن کے باطل دے ویرانے تے
تساں نے بھن وگائے بت قدیمی یا رسول اللہ ﷺ

یتیمیاں نوں تساں ونڈی محبت کہ یتیمیاں نوں
کدے محسوس نہ ہوئی یتیمی یا رسول اللہ ﷺ

میں اکرم مندا ہاں گندا ہاں عاصی ہاں میں پاپی ہاں
کریمی یا رسول اللہ ﷺ رحیمی یا رسول اللہ ﷺ

اکرم سعید

ﷺ

گنہگاراں نوں ہے تیرا سہارا یا رسول اللہ ﷺ
 ترے باجھوں نہیں ہونا گزارا یا رسول اللہ ﷺ
 ترے باجھوں کبھڑا ونڈوا خزانے میرے مولیٰ دے
 فقیراں نے ترا ملیا دوارا یا رسول اللہ ﷺ
 نہ جن سورج فلک ہوندے نہ ایہ جن و ملک ہوندے
 تری خاطر ایہ ہے سارا پسارا یا رسول اللہ ﷺ
 ایہ تن من آپ دی خاطر اے دل وی آپ دا شیدا
 تساڈی دید سب مرضاں دا چارا یا رسول اللہ ﷺ
 ہزاراں عیب وچ میرے تے لکھاں شان وچ تیرے
 نہیں تینوں گنہگاراں دا بھارا یا رسول اللہ ﷺ
 مرے طاہر دے لچ پالا توں ای امت دا رکھوالا
 مری کشتی نوں مل جاوے کنارا یا رسول اللہ ﷺ
 نظارا تیرے روضے دا شفاعت ہے جیلانی دی
 بناں ڈٹھیاں نہ مر جاوے وچارا یا رسول اللہ ﷺ
 سید محمد اکرم شاہ جیلانی



ﷺ

بلاو مینوں وی اپنے دوارے یا رسول اللہ ﷺ
 میں دیکھاں پاک روضے دے نظارے یا رسول اللہ ﷺ
 ایہ دل وچ تاہنگ اے میرے مدینہ شہر دیکھاں میں
 میرے دل ہون رحمت دے اشارے یا رسول اللہ ﷺ
 میں چماں نال اکھیاں دے سنہری جالیاں جا کے
 بناں تیرے کبھڑا قسمت سنوارے یا رسول اللہ ﷺ
 میں دیوانہ تیرے در دا میں آقا تیرا شیدائی
 مری دھڑکن تیرا ای ناں پکارے یا رسول اللہ ﷺ
 جے کھاون لئی ملن مینوں تیرے دربار دے ٹکڑے
 مرے ہوون بڑے چنگے گزارے یا رسول اللہ ﷺ
 میرے آقا تیرے باجھوں میرا کوئی نہیں دروی
 میں جیواں بن تیرے کس دے سہارے یا رسول اللہ ﷺ
 میرے لچپال آقا تیریاں قداماں وی دھوڑ اتوں
 قلندری لکھ واری جان وارے یا رسول اللہ ﷺ

محمد اکرم قلندری

صلی اللہ
علیہ وسلم

منور نور تیرے توں زمانہ یارسول اللہ ﷺ
 ترا دربار رحمت دا خزانہ یارسول اللہ ﷺ
 ہے کعبہ ودھ خدائی توں تے ودھ کعبے توں عرش اعظم
 ترا عرشاں توں افضل آستانہ یارسول اللہ ﷺ
 رہے کر دے تے کر دے پئے تے کر دے حشر تائیں راہسن
 تری چوکھٹ تے سجدہ عاشقانہ یارسول اللہ ﷺ
 گدائی آپ دے در دی ہے افضل بادشاہی توں
 ترے نعلین ہی تاج شہانہ یارسول اللہ ﷺ
 خدا دے پیش ہوں لئی سند روزے نمازاں نہیں
 ترا ہی نام بخشش دا بہانہ یارسول اللہ ﷺ
 ایویں حاضر تے ناظر دے پے جگ وچ شور مچدے ہن
 ترے باجھوں تے ہے دل وی ویرانہ یارسول اللہ ﷺ
 سواہی آپ دے در دے سکندر بن و بنج ارج وی
 بڑا لچپال ہے تیرا گھرانہ یارسول اللہ ﷺ
 ترے اسم مبارک دا لباں تے ورد جاری رہے
 ہووے دنیا توں راہی جد روانہ یارسول اللہ ﷺ

اللہ دوتا راہی



ﷺ

دنے راتیں میں تیرے گیت گھاواں یا رسول اللہ ﷺ
میں چم چم ناں ترا اکھیاں نوں لاواں یا رسول اللہ ﷺ

جو اک اک وصف دتا سی خدا نے دو جے نبیاں نوں
ترے وچ وصف اوہ سارے میں پاواں یا رسول اللہ ﷺ

جہاں توں ہو کے توں عرشاں تے جا کے سیر کیتی سی
اوہ تارے بن کے لشکن ارج وی راہواں یا رسول اللہ ﷺ

مڑے سورج تے چن ٹٹ جاوندا تیرے اشارے تے
خدا نوں تیریاں بھاون اداواں یا رسول اللہ ﷺ

جے توں چاہویں تے رب قبلے دارخ وی موڑ دیندا اے
اوہ من لئے توں کریں جس دم دعاواں یا رسول اللہ ﷺ

گیا بس طور تے موسیٰ تے اوہ وی تنکیاں پیریں
توں عرشاں تے گیا پا کے کھڑاواں یا رسول اللہ ﷺ

محمد الیاس جسٹس

صلی اللہ
علیہ وسلم

دکھاؤ مینوں وی سوہنا مدینہ یا رسول اللہ ﷺ
کرو روشن کدی میرا وی سینہ یا رسول اللہ ﷺ

مدینے دی جدائی وچ اے دل دن رات روند اے
کدوں آوے گا اوہ دن تے مہینہ یا رسول اللہ ﷺ

ترے در تے گیا جیہڑا کدے خالی نہیں آیا
مری قسمت دا لشکاؤ ہمگینہ یا رسول اللہ ﷺ

میں کد تک ظلمتاں وچ ٹھوکراں کھاواں مرے آقا
کدے مینوں وی بخشو چشم بینا یا رسول اللہ ﷺ

تلاطم کفر دے آقا بہت مونہہ زور ہوئے نہیں
بچاؤ آن کے میرا سفینہ یا رسول اللہ ﷺ

ہنر جے نعت آکھن دا امین انجم نوں آ جاوے
مناوے نعتاں پڑھ پڑھ کے شبینہ یا رسول اللہ ﷺ
محمد امین انجم

ﷺ

ڈراون رات دن مینوں خطاواں یا رسول اللہ ﷺ
 کرم دی کر دیہو میں تے نگاہواں یا رسول اللہ ﷺ
 کسے وی ہور جنت دی بھلا فر لوڑ کیہ مینوں
 تسیں جے دے دیہو در تے پناہواں یا رسول اللہ ﷺ
 مدینے آن دا مینوں شرف بخشو مرے آقا
 میں گجرے نعت دے گنھ کے لیاواں یا رسول اللہ ﷺ
 جدوں بولو تاں لگدا اے خدا اے بولدا آقا
 تبسم آپ دا ٹالے بلاواں یا رسول اللہ ﷺ
 سری عیباں بھری جندڑی تے پاؤ جہات رحمت دی
 تے روزِ حشر وی ہسدا میں جاواں یا رسول اللہ ﷺ
 تہاڈا در جے مل جاوے تے کوئی غم نہیں رہندا
 وسیلے ایس دے ہر غم بھلاواں یا رسول اللہ ﷺ
 ایہو اک التجا اے روزِ محشر عاصی بابر دی
 ثنا خاناں جج بولے میرا ناواں یا رسول اللہ ﷺ

امین بابر

ﷺ

میں ایسے آس تے ایہ دن گزارے یا رسول اللہ ﷺ
 مرے لیکھاں سچ ہوں گے نظارے یا رسول اللہ ﷺ
 تسیں او مرکز علم و ہنر او دین و دنیا دے
 تہاتھوں سچ نیں سمھے ادارے یا رسول اللہ ﷺ
 توں اوہناں دا ہیں خادم حشر دا تینوں ہے ڈر کاہدا
 ہر اک دیندا اے مینوں ایہو لارے یا رسول اللہ ﷺ
 تساں دے اک اشارے نال سورج پرت آؤندا اے
 تہاڈی ٹھوکراں وچ نیں ستارے یا رسول اللہ ﷺ
 گناہاں دی سفارش لئی تہاڈی آس کافی اے
 کراں کیہ ہور ایڈوں ودھ کے چارے یا رسول اللہ ﷺ
 تہانوں اپنے ورگا جان دے نیں انھے عقلاں دے
 کیہ جانن آپ دی عظمت وچارے یا رسول اللہ ﷺ
 خیال اکھیاں تے دل نوں اوس ویلے ٹھنڈ پینی اس
 میں جد ویکھاں گا خضریٰ دے منارے یا رسول اللہ ﷺ

امین خیال

صلی اللہ علیہ وسلم

کیویں ہجراں دیاں رتاں گزاراں یا رسول اللہ ﷺ
 مرے نیناں دیاں وگن جھلاراں یا رسول اللہ ﷺ
 تاں دے باجھ نہیں ہر سو سے ویرانیاں والے
 تسیں آؤ تے آ جاون بہاراں یا رسول اللہ ﷺ
 کدوں طیبہ دے سفریاں دا اذن ہوسی نماں نوں
 میں دم دم نال تڑپاں تے پکاراں یا رسول اللہ ﷺ
 مقدر نہیں مرے ایوب دے وانگوں مگر فر وی
 میں گھر اپنا سجاواں تے سنواراں یا رسول اللہ ﷺ
 ایہ کیہ اولاد تے دولت تے کیہ ایہ جندڑی میری
 تاں دی ذات توں ہر چیز واراں یا رسول اللہ ﷺ
 مری روح تے رہوے چھایا تاں دی یاد دا موسم
 تاں دے عشق تھیں دل نوں نکھاراں یا رسول اللہ ﷺ
 وچھنی کونج دے وانگوں رہوے کرلاوندا انور
 مدینے جانڈیاں جس وقت ڈاراں یا رسول اللہ ﷺ

انوراداس

صلی اللہ علیہ وسلم

سہارا آپ دا ہر ویلے چاہواں یا رسول اللہ ﷺ
 مرے دل وی کدے پھیرو نگاہواں یا رسول اللہ ﷺ
 ترے صدقے ملی سب نوں حیاتی عربیا ڈھولا
 تیرا احسان کیہ کیہ میں گناواں یا رسول اللہ ﷺ
 منو حاکم نبی نوں سب جدوں کوئی معاملہ ہووے
 خدا دا حکم اے سب نوں سناواں یا رسول اللہ ﷺ
 توں قاسم این توں قاسم این توں قاسم این توں قاسم این
 میں وی صدقہ شہہ کر بل دا پاواں یا رسول اللہ ﷺ
 ترے باجھوں کیہرا دردی حیاتی وچ ممائی وچ
 تری میں قبر دے وچ دید پاواں یا رسول اللہ ﷺ
 جتھے لائیاں تہاں تلیاں کراں سجدے میں اس تھان تے
 میں وی اکھاں دے نال ویکھاں اوہ تھواں یا رسول اللہ ﷺ
 نہ مکدے پنڈھ دوری دے میرے لیکھاں چوں غمخوارا
 ہجر دے نت میں صدے اٹھاواں یا رسول اللہ ﷺ
 مرے دل دا دھوو شیشہ کرم دی جھات اک پا کے
 تری تصویر فیر دل وچ بٹھاواں یا رسول اللہ ﷺ
 مرے جیہے عاصیاں دی توں سدا کیتی اے لہجائی
 میں وی سب غم زمانے دے بھلاواں یا رسول اللہ ﷺ
 میں پاپی تے نکما ہاں ایہو میرا اے سرناواں
 ترا در چھوڑ کے کتھے میں جاواں یا رسول اللہ ﷺ
 کدی عنصر نوں سد آقا سبز گنبد دی چھاں تھلے
 میں تینوں زخم دل والے دکھاواں یا رسول اللہ ﷺ

انصر عقیل حیدری

ﷺ

مرا قبلہ تے کعبہ اے مدینہ یا رسول اللہ ﷺ
 تری چاہت عبادت دا قرینہ یا رسول اللہ ﷺ
 مرے لچپال رکھ لینا بھرم میری محبت دا
 پس مردن بنے طیبہ دینہ یا رسول اللہ ﷺ
 مینوں کیہ لوڑ تھناں دی تے تاج بادشاہی دی
 تری الفت دا کافی اے خزینہ یا رسول اللہ ﷺ
 بہاراں پھل تے کلیاں تیری مسکان دا صدقہ
 مشک عنبر تے نیں تیرا پسینہ یا رسول اللہ ﷺ
 تیری چاہت دا کعبہ اے میرے دل دی زمین اتے
 ترے ناواں دا پڑھنا ہاں شبینہ یا رسول اللہ ﷺ
 کرم دے نال میرا وی گناہواں دے سمندر چوں
 کنارے لا دیہو اللہ سفینہ یا رسول اللہ ﷺ
 بلا لو در تے انور نوں کتے نہ موت آ جاوے
 تساڈے در دا بردا ایہ دیرینہ یا رسول اللہ ﷺ

ایم انور بھٹی اختر آبادی

صلی اللہ
علیہ وسلم

بناں تیرے میں کس در ہو جاواں یا رسول اللہ ﷺ
 میں دکھڑے ہو۔ کس اگے سداواں یا رسول اللہ ﷺ
 میں کیوں غیراں دے جاواں کاسنوں غیراں توں منگاں میں
 گدا تیرے ای در دا میں سداواں یا رسول اللہ ﷺ
 ڈراونی رات جھکھڑ، مینہ ہنیری ڈولدی بیڑی
 نہ چپو کوئی ما بھی اے نہ ”لاواں“ یا رسول اللہ ﷺ
 نہ کوئی در ترے باجھوں نہ کوئی تھاں نہ تھتھا اے
 مرا تھاں ای نہیں کوئی، نتھاواں یا رسول اللہ ﷺ
 مکن دنیا دے غم سارے تے عقیبی دا وی ڈر لےھے
 نجف کربل مدینے جے میں جاواں یا رسول اللہ ﷺ
 تمنا مال و دولت دی نہ شہرت دی غرض مینوں
 مدح خواں تیرے در دا میں سداواں یا رسول اللہ ﷺ
 کسے نوں لسن ترانسی تے کسے نوں دعوتاں دیندا
 کرے تیرے لئی خالق اداواں یا رسول اللہ ﷺ
 جے اپنی شان برہانی دی مولا معرفت دے دو
 تے شاہاں نوں نہ خاطر وچ لیاواں یا رسول اللہ ﷺ
 بناں شبیر دے غم دے نہ ہووے غم کوئی مینوں
 کرے انور دا ہر ساہ ایہ دعاواں یا رسول اللہ ﷺ
 انور علی بھی

صلی اللہ
علیہ وسلم

میں امتی آپ دا منگاں سہارا یا رسول اللہ ﷺ
 میں بیکس ہاں نکماتے نکارا یا رسول اللہ ﷺ
 میں جگ وی طلب اندر گوڈے گوڈے کھب گیا آقا
 میں سن دا نہیں موذن دا پکارا یا رسول اللہ ﷺ
 میری سستی میری کاہلی نے بیڑا غرق کجیا اے
 کویں ہوسی قبر وچ جا گزارا یا رسول اللہ ﷺ
 تاں دے کرم دی جے تھوڑ رہی تے لٹ جاواں گا
 میری کشتی نوں ملنا نہیں کنارا یا رسول اللہ ﷺ
 تسیں نہیں موڑ دے خالی کدی در آئے منگتے نوں
 میں وی ہاں فیض دا طالب وچارا یا رسول اللہ ﷺ
 تاں دی منگدا شفقت شفاعت دا وی طالب ہاں
 نہ ہووے بریاں وچ ایہدا شمارا یا رسول اللہ ﷺ
 تاں دی نعت میں لکھاں تاں دے گیت میں گاواں
 ہووے مقبول نذرانہ خدارا یا رسول اللہ ﷺ
 کدے آزاد نوں وی بارگاہ وچ حاضری بخشو
 کراں دربار اقدس دا نظارا یا رسول اللہ ﷺ
 ایم اے آزاد کھوکر

صلی اللہ علیہ وسلم

میتوں رہندی اے سک تیری گھنیری یا رسول اللہ ﷺ
ہجر تیرے نے جند میری اے گھیری یا رسول اللہ ﷺ

بیشک عملوں وی خالی آتے کچھ وی نہیں مرے ملے
مرے عیبوں تیری رحمت ودھیری یا رسول اللہ ﷺ

کروڑاں فیض پاؤندے نہیں ترے دربار عالی توں
تری دستار تاجاں توں، اچیری یا رسول اللہ ﷺ

عرش والے فرش والے سمھے تیرے سلامی نہیں
اچیری شان نبیاں توں ہے تیری یا رسول اللہ ﷺ

ذکر تیرا بلند کیتا، ہے ایہ فرمان اللہ وا
خدا نوں وی تیری الفت چنگیری یا رسول اللہ ﷺ

جہاں پتھراں نوں تکیا اے تساں الماس بن گئے نہیں
نظر کافی مری زندگی نوں تیری یا رسول اللہ ﷺ
بشیر الماس بائی

ﷺ

مری ایہ آس مدتاں دی پچاؤ یا رسول اللہ ﷺ
رکھی اے سانجھ مدتاں دی بلاؤ یا رسول اللہ ﷺ

بڑے گزرے نیں میرے دن مہینے سال اوکھے ایہ
مرے دن آخری دسدے بلاؤ یا رسول اللہ ﷺ

ہے چڑھدا دن اڈیکاں وچ تے آخر شام پے جاندی
ایہ لانبو ہجر دی اگ دا بجھاؤ یا رسول اللہ ﷺ

میں سدھراں دل دے وچ رکھ کے پیا ویلا ٹپانا واں
کے منزل تے مینوں وی پہنچاؤ یا رسول اللہ ﷺ

تھاڈے در تے سائل آ کدی خالی نہ جاندے نیں
تے صدقہ دے کے بھکھے نوں رجاؤ یا رسول اللہ ﷺ

بڑی کاوش چ لنگھے نیں مرے دن سال اے کاوش
شمس ہن کامیابی دا چڑھاؤ یا رسول اللہ ﷺ
حکیم پیر محمد کاوش

صلی اللہ
علیہ وسلم

دکھاں درداں دا مارا ہاں کرم کر یا رسول اللہ ﷺ
 رو رو کروا گزارا ہاں کرم کر یا رسول اللہ ﷺ
 گداگر بن محبت دا تیڈے در دے پنہاں کھڑے
 تیڈا منگتا بھکارا ہاں کرم کر یا رسول اللہ ﷺ
 گناہواں وی ہے سر گٹھڑی بھری جھولی خطاواں توں
 تینوں وت وی گوارا ہاں کرم کر یا رسول اللہ ﷺ
 بھنی کشتی ہے عملاں دی پھسی بھنوراں طوفاناں وچ
 تیڈا منگدا سہارا ہاں کرم کر یا رسول اللہ ﷺ
 جڈاں ڈہدا اڈائیں دھکڑے تے دھوڑے ہن غریباں لئی
 سارے جگ توں نکارا ہاں کرم کر یا رسول اللہ ﷺ
 چمباں روضے دی جالی نوں ڈیواں جھاڑو میں پلکان دے
 ڈہدا سفنے نظارا ہاں کرم کر یا رسول اللہ ﷺ
 تیڈا ملنا آ خواہاں وچ مینوں محسوس ہو یا اے
 تینوں کتنا میں پیارا ہاں کرم کر یا رسول اللہ ﷺ
 تیڈا پرویز رو رو کے خطاواں توں منگے معافی
 ملی بیٹھا دوارا ہاں کرم کر یا رسول اللہ ﷺ
 پرویز جھمٹ

صلی اللہ
علیہ وسلم

مری بھنگی ہوئی سوچاں دی منزل یا رسول اللہ ﷺ
 مرے احساس دی کشتی دا ساحل یا رسول اللہ ﷺ
 اوہ کیویں چاکری کر لے کے سلطان دے در دی
 تساں دے پاک در دا جیہڑا ساک یا رسول اللہ ﷺ
 ایہ تارے چن تے سورج سبھی راہی ترے در دے
 ہمیشہ توں ہر اک شے دی اے منزل یا رسول اللہ ﷺ
 تہاڈی ذات ای تخلیق عالم دا سبب ٹھہری
 توں جانِ جانِ میری روح تے دل یا رسول اللہ ﷺ
 میں اپنے آپ توں آقا لکا کے مونہہ پھروا ہاں
 ایہ وی ڈر دا نہ آکھاں خواب وچ مل یا رسول اللہ ﷺ
 کثافت جس طرحاں کرناں دا رستا روک لیندی اے
 میں اپنی راہ وچ ہاں آپ حائل یا رسول اللہ ﷺ
 تہاڈا نام لینا کس طرحاں تنویر چمڈ دیوے
 تہاڈا پیار رگ رگ وچ ہے شامل یا رسول اللہ ﷺ
 ڈاکٹر تنویر احمد (گولڈ میڈلسٹ)



صلی اللہ
علیہ وسلم

تڑپدے میں غماں دکھاں دے مارے یا رسول اللہ ﷺ
 ساڈے باجھ ہوندے نہیں گزارے یا رسول اللہ ﷺ
 کسوتے میں بڑے ہی لیکھ ساڈے وی سوارو چا
 تساں دنیا دے وگڑے کم سوارے یا رسول اللہ ﷺ
 تساڈی یاد دے لیکھے چا لائے نہیں ' خدا دی سونہہ
 امیں آندے سی جیہڑے سناہ اڈھارے یا رسول اللہ ﷺ
 بناں شفقت تساڈی دے ' کویں لاپینے ' سراں اُتے
 غماں نے چاڑھ دتے نہیں جو بھارے یا رسول اللہ ﷺ
 بڑے مر مر کے ' محنت کر کے چھتے نہیں
 کوئی ظالم نہ ڈھا دیوے ایہ ڈھارے یا رسول اللہ ﷺ
 فلسطینی وی روندے نہیں تے افغانی وی روندے نہیں
 سنو پے پاندے نہیں ہاڑے ' وچارے یا رسول اللہ ﷺ
 ہے کس نوں تاب سننے دی کہ بت سبھے ای بولے نہیں
 بخاری آپ بن کس نوں پکارے یا رسول اللہ ﷺ

تنویر بخاری

صلی اللہ علیہ وسلم

کرم ہووے ترے درتے میں آواں یارسول اللہ ﷺ
کراں دن رات بس ایہو دعاواں یارسول اللہ ﷺ

میں اوگن ہار ہاں آقا میں بد کردار ہاں آقا
مینوں رحمت دیاں دینا پناہواں یارسول اللہ ﷺ

مری بگڑی سنور جاوے مری دنیا بدل جاوے
ترے گنبد دیاں مل جان چھاواں یارسول اللہ ﷺ

مری اوقات توں ودھ کے عطا ہویا کرم تیرا
ترا میلاد فیر کیوں نہ مناواں یارسول اللہ ﷺ

مسلماناں دے حال زار تے لہ کرم کرنا
میں عاجز واسطہ ہتھ بنھ کے پاواں یارسول اللہ ﷺ

جاوید اقبال

.....☆☆.....

صلی اللہ
علیہ وسلم

ایہ دل تیری نہ سہ سکدا جدائی یا رسول اللہ ﷺ
مری رو رو کے پئی جاندی بینائی یا رسول اللہ ﷺ

کدوں آؤسی مبارک سینہ جدوں مینوں بلاؤ گے
کدوں اس قید چوں مجلسی رہائی یا رسول اللہ ﷺ

مری ساری جوانی جو کہ عیناں وچ گزر گئی اے
نہ کیتی نیک میں کوئی کمانی یا رسول اللہ ﷺ

انہاں ہتھاں تے پیراں نے گواہ میرے تے ہونا اے
مری کس پیش کرنی اے صفائی یا رسول اللہ ﷺ

مری آساں امیدیاں دی وی بھر دیو کدی جھولی
چمک پئے ہن تے ہتھاں دی لکھائی یا رسول اللہ ﷺ

جاویداقبال خاں نیازی



صلی اللہ علیہ وسلم

جیہڑی وی جیبھ تے ہے ذکر جاری یا رسول اللہ ﷺ
 لگے رب نوں وی اوہو ای پیاری یا رسول اللہ ﷺ
 پئے مہکن پھل دروداں دے صلوتاں تے سلاماں دے
 کھڑی من دی رہوے کوئل کیاری یا رسول اللہ ﷺ
 مرا من لوچدا اے سینے دم دم تاہنگ رہندی اے
 مدینے لئی کراں میں دی تیاری یا رسول اللہ ﷺ
 مری روح وی اڈن دے لئی بڑا چوکھا مچدی اے
 ایہ پنچھی جد وی بھردے نیں اڈاری یا رسول اللہ ﷺ
 قلم نوں بخشو توفیقاں تہاڈی ای ثناء لکھے
 ثناء جو جگ نوں لگے ڈھیر پیاری یا رسول اللہ ﷺ
 جو نفرت تے کدورت دی بلی ڈھانڈی بجھاؤ پھر
 تہاڈی مہر نے نت اگ ٹھاری یا رسول اللہ ﷺ
 تسیں شفقت کریندے جے تے جاگاں لگدیاں نیں فر
 تے بختاں نوں مل جاوے بیداری یا رسول اللہ ﷺ

ہجر دے کٹھیاں نوں دیندے جے شربت وصالاں دا
 کرم دی بات ساری آوے واری یا رسول اللہ ﷺ
 ایہ ڈر رہندا اے ساہواں دی کتے ڈوری نہ ٹٹ جاوے
 بخش دیہو استقامت ڈھیر ساری یا رسول اللہ ﷺ
 ودھاؤ حوصلہ جیون دا ہمت ہار بیٹھی جے
 تہانوں چوکی اے امت پیاری یا رسول اللہ ﷺ
 چوہیرے کافراں نے اج فر یلغار کیتی اے
 کوئی بھیجو عمر بوڑھ غفاری یا رسول اللہ ﷺ
 حسن نوں سرخرو مولا تمہیں کرنا تسیں کرنا
 گناہواں دی ایہ پنڈھ ڈھیر بھاری یا رسول اللہ ﷺ

پروفیسر حسن ملک

.....☆☆.....

صلی اللہ علیہ وسلم

مدینے شہر مینوں وی بلاؤ یارسول اللہ ﷺ
 مرے ناویں دی چٹھی وی تے پاؤ یارسول اللہ ﷺ
 مرے جتے دی وگن وچ ہنیرے ای ہنیرے نیں
 ایہ پردے ظلمتاں دے سبھ ہٹاؤ یارسول اللہ ﷺ
 مرے بختاں دی تختی دے مقدر سور جاون گے
 تسیں جے پورنے رحمت دے پاؤ یارسول اللہ ﷺ
 تساں جو درد کیتا اے عطا رومی تے جامی نوں
 مرے سینے چ درد اوہو جگاؤ یارسول اللہ ﷺ
 مرے ہونٹھاں دے انبر توں درودی بارشاں ون
 مری نس نس چ ساہواں وچ سماؤ یارسول اللہ ﷺ
 تسیں کونین دے وارث تسیں حاجت روا سب دے
 مری اس جھوک اُجڑی نوں وساؤ یارسول اللہ ﷺ
 تساں دا نور سورج ' چن ' ستارے ' کہکشاواں وچ
 میں ذرے نوں وی سورج اج بناؤ یارسول اللہ ﷺ
 تھلاں داساڑ سوکا آ گئے جھکھڑ چوہہواں طرفوں
 خدارا میرے گلشن نوں بچاؤ یارسول اللہ ﷺ
 تصور سبز گنبد دا حقیقت وچ بدل جاوے
 کرم اپنے حفیظ اتے کماؤ یارسول اللہ ﷺ

ڈاکٹر حفیظ احمد

صلی اللہ
علیہ وسلم

بنی اے جان تے بھاری مصیبت یا رسول اللہ ﷺ
لوو ساراں کہ وگڑی اے طبیعت یا رسول اللہ ﷺ

تھاڈے واسطے دے نال کرناں عرض رب اگے
کہ ویکھاں چھیتی میں صحت دی صورت یا رسول اللہ ﷺ

طریقہ صبر پچھوں شکر والا بھل دا جاندا اے
میں قائم رکھ سکاں کجھ تھاڈی سنت یا رسول اللہ ﷺ

ہے منزل ڈاہڈی اوکھی پیر نہ تھڑکے کتے میرا
ہمیشہ نال ہووے تھاڈی رحمت یا رسول اللہ ﷺ

معافی رب دے کولوں لے دیا جے اپنے نائب نوں
ہوئی یاں ہوسی اس کولوں جو غفلت یا رسول اللہ ﷺ

پروفیسر حفیظ نائب

ﷺ

مرے دل وی جے ہو جاون نگاہواں یا رسول اللہ ﷺ
میں سترے لیکھ اپنے سب جگاواں یا رسول اللہ ﷺ

نہ رتے دی نہ دولت دی نہ جنت دی طلب مینوں
جے پاواں سبز گنبد دیاں چھاواں یا رسول اللہ ﷺ

میں تڑی نوں جے گل لاویں تاں جاگن بھاگ میرے وی
مراداں دل دیاں فر میں وی پاواں یا رسول اللہ ﷺ

وٹا کے بھیس جوگی دا براگن گل چچ پا لفی
ترے ہی نام دی مانگت سداواں یا رسول اللہ ﷺ

نصیباں وچ جے ہووے روز چماں جالی روضے وی
میں چم چم خاک اکھیاں نال لاواں یا رسول اللہ ﷺ

کدے سفری دیوانے تے نگاہ کرم ہو جاوے
عمر ساری رہوے لکھدا ثناواں یا رسول اللہ ﷺ

حمید سفری

صلی اللہ علیہ وسلم

جو تیرے عشق دے پنجرے تڑپے یا رسول اللہ ﷺ
 نہ دنیا تے کسے کولوں چھڑتے یا رسول اللہ ﷺ
 اوہ بخشے جان گے سارے تساں دے اک اشارے تے
 حشر دے روز جو عاصی پھڑتے یا رسول اللہ ﷺ
 زمانے دی اوہ ہر نعمت تھیں مالا مال ہوندے نیں
 تساں دے عشق وچ جیہڑے لٹیچے یا رسول اللہ ﷺ
 انہاں نے پا لیا اے رازِ مر کے امر ہوون دا
 جو تیرے عشق دے اندر کھڑتے یا رسول اللہ ﷺ
 مٹے جو عشق وچ تیرے رہے قائم اوہ دنیا تے
 انہاں دے نام جگ توں نہ مٹیچے یا رسول اللہ ﷺ
 میں اس دنیا دی ہٹی وچ کیتی وکری گناہواں دی
 نہ دو سکے وی عملاں دے وٹتیچے یا رسول اللہ ﷺ
 بڑے اوہ بھاگاں والے نیں جو اس واری وی جاون گے
 جہاں دے ٹکٹ طیبہ دے کٹیچے یا رسول اللہ ﷺ
 دھاڑے حشر دے اپنے نظامی نوں دا بھرم رکھنا
 ایہدے عملاں دے جدکھاتے پٹیچے یا رسول اللہ ﷺ

عبدالحمید نظامی

صلی اللہ علیہ وسلم

التجا میری ہوگئی بڑی دیری جھولی خیر پاؤ یا رسول اللہ ﷺ
 گم سم دماغ تے دل ہو یا کاری ضرب لاؤ یا رسول اللہ ﷺ
 بنے دل سمندر دریا دردی پردے سب چاؤ یا رسول اللہ ﷺ
 تن من چائن جائے بن حنفی یا بلاؤ یا آؤ یا رسول اللہ ﷺ

محمد عنیف حنفی

ایہ چومصرعہ لکھ کے میں اقبال زخمی ہو راں نوں لکھاری دے

نعت نمبر ۵ ”یا رسول اللہ“ نمبر لئی گھل دتا۔ حالے ایہ نمبر چھپیا

وی نہیں سی جے سرکار ﷺ نے مدینہ پاک بلا لیا تے میں عمرا

کر کے آ گیا

(حنیف حنفی)

صلی اللہ
علیہ وسلم

بلاؤ تے میں در تیرے تے آواں یا رسول اللہ ﷺ
ترے در دے میں ٹکڑے فیر کھاواں یا رسول اللہ ﷺ

تساڈے جہاں تھاواں تے قدم سرکار لگے سن
میں ویکھاں گا اوہ تھاواں نال چاواں یا رسول اللہ ﷺ

اوہ جیہڑی غار دے اندر سی، ڈنگ صدیق نے کھاوے
وکھا دیوہ مینوں وی تے اوہ تھاواں یا رسول اللہ ﷺ

ترے در تے مرے آقا میں وی ہن آونا چاہواں
میں روضے سامنے نعتاں سناواں یا رسول اللہ ﷺ

ترے در مہر علیؑ آیا کدے غوثِ جلیؑ آیا
مقدر وچ مرے ہوں اوہ تھاواں یا رسول اللہ ﷺ

کرو صابر دی پوری آرزو آقا ، کرو پوری
دنے راتیں ایہ دیندا اے صداواں یا رسول اللہ ﷺ

محمد حنیف صابر

ﷺ

تیرے صدقے ترے جاواں میں واری یا رسول اللہ ﷺ
 میں بیکس ہاں تیرے در دا بھکاری یا رسول اللہ ﷺ
 مریاں ایہو دعاواں نہیں تے ایہو التجاواں نہیں
 عمر گزرے ذکر تیرے سچ ساری یا رسول اللہ ﷺ
 حلیمہ گود وچ لے کے پئی سوہنے ٹوں کہندی سی
 میں واری یا رسول اللہ ﷺ میں واری یا رسول اللہ ﷺ
 اوہ راہواں بن گنیاں جنت اوہ تھاواں لگ پیاں مہکن
 تری جتھوں وی گزری اے سواری یا رسول اللہ ﷺ
 ادب دینال جگا کے تے کرے جبریل پیا عرضاں
 کرو عرشاں ولے جلدی تیاری یا رسول اللہ ﷺ
 نظارے سبز گیند دے نصیباں وچ بے ہو جاون
 میں دیواں نال پکاں دے بہاری یا رسول اللہ ﷺ
 ہجر اند پیا تڑنے نمانا قادری آقا
 ہری کرنا امیدیاں دی کیاری یا رسول اللہ ﷺ

حنیف قادری

صلی اللہ علیہ وسلم

غماں فکراں دی نہیری فیر جھلی یا رسول اللہ ﷺ
 بچا لینا مری آساں دی کلی یا رسول اللہ ﷺ
 مری جند پھس کے دنیا دے بکھیریں آکھدی پئی اے
 میں بھلی یا رسول اللہ ﷺ میں بھلی یا رسول اللہ ﷺ
 سنوارو آپ ایہناں نوں نکھارو آپ ایہناں نوں
 نہ لگ جاوے مرے بختاں نوں الی یا رسول اللہ ﷺ
 سمائی وائنا سارے جہاں وچ خیر و برکت دی
 تری وائیل دی جد زلف کھلی یا رسول اللہ ﷺ
 مدینے پاک دے صدقے مری قسمت دیوچ کرنا
 مدینے دی ہوا پانی تے گلی یا رسول اللہ ﷺ
 کرم فرماونا تے دید دی خیرات دے جانا
 جدوں سرہیوں مری اکھیاں چ پھلی یا رسول اللہ ﷺ
 قیامت تیک دی نیندر جدوں سوویں ترا نازش
 بقیع دی خاک دی مل جائے جلی یا رسول اللہ ﷺ

محمد حنیف نازش

صلی اللہ علیہ وسلم

میں تیرا ہاں میں تیرا ہاں میں تیرا یارسول اللہ ﷺ
مرے ولے کدی پاؤ ہاں پھیرا یارسول اللہ ﷺ

ابو ایوب دے وانگوں مینوں وی ناز ہووے گا
مری کٹیا چج ہو جائے جے ڈیرا یارسول اللہ ﷺ

ترے چانن دی مینوں تے بڑی ہی لوڑ رہندی اے
تسیں بخشو تے مک جاندا ہمیرا یارسول اللہ ﷺ

نہ ملیا اے مینوں آقا تیرے جیسا زمانے تے
چویں کوٹیں میں پھر ڈٹھا پھیرا یارسول اللہ ﷺ

میرے مرشد دی نسبت دا میرے اتے کرم ہويا
قلم کروا ثنا خوانی ہے میرا یارسول اللہ ﷺ

تری رحمت دا اک قطرہ جے مل جاوے کینے نوں
تاں پھر خاکی دا ہر پاسا چنگیرا یارسول اللہ ﷺ

خالد جاوید خاکی

صلی اللہ
علیہ وسلم

کرو ہن دور دکھاں دے ہنیرے یا رسول اللہ ﷺ
 تے ویکھاں میں وی خشیاں دے سویرے یا رسول اللہ ﷺ
 تیری فرقت جدائیاں وچ میں اپنا حال کیہ دساں
 گلے رو رو کے اکھیاں دے ہنیرے یا رسول اللہ ﷺ
 بنا کے پیر پلکاں دے میں اوتھوں وی گذر جاواں
 جہاں تھاواں میں چھے پیر تیرے یا رسول اللہ ﷺ
 مقدر والڑے نہیں اوہ تے بختاں دے سکندر نہیں
 جہاں لائے نہیں تہاڑے کول ڈیرے یا رسول اللہ ﷺ
 کھلو کے آپ دے پچھے نبی کہندے سی اقصیٰ وچ
 تسیں او سارے نبیاں توں اگیرے یا رسول اللہ ﷺ
 چمک دے نہیں ذوالے فلک دے بن کے ستارے اوہ
 جیہڑے اتھرو تاں غاراں وچ کیرے یا رسول اللہ ﷺ
 ساڈے نور دی جاوے نہ جھلی تاب چن توں وی
 کرم کیتے تاں چن تے ہتھیرے یا رسول اللہ ﷺ

حاجی دلشاد چن

.....☆☆.....

ﷺ

کرم اپنے تھیں بھر دے میری جھولی یا رسول اللہ ﷺ
ترے قدماں توں جند اپنی میں گھولی یا رسول اللہ ﷺ

ایہ سارے جگت دے اپنے پرانے توڑ کے رشتے
اج آئی تیرے درتے تیری گولی یا رسول اللہ ﷺ

نہ کوئی وی محبت ونددا ڈٹھا ترے باجھوں
میں اک اک جوہ زمانے دی پھرولی یا رسول اللہ ﷺ

ترے مٹھڑے تے پیارے بول موہ لیندے دلاں تائیں
ہے سمھناں تھیں نیاری تیری بولی یا رسول اللہ ﷺ

کرم دی اک نظر آقا مدینے دے مسافر تے
بھراں میں آکے پنڈ تیرے گھڑولی یا رسول اللہ ﷺ

نظر تیری دے صدقے بیڑی راجے دے مقدر دی
غماں دے بحر اندر وی نہ ڈولی یا رسول اللہ ﷺ

راجا رسالو

صلی اللہ
علیہ وسلم

تہاڈے درتے چھاں رحمت دی سسنگھنی یا رسول اللہ ﷺ
گناہواں دی اے راہ وچ ریت تتی یا رسول اللہ
تہاڈے ذکر وچ سدہ دی منزل رہ گئی کچھے
جے میرے خیال نے ماری اڈاری یا رسول اللہ ﷺ
تسیں مدوح یوسف دے تہاڈا مدح خواں میں وی
ہے میرے کول اپہ نعتان ای اتی یا رسول اللہ ﷺ
کدے مونہہ دا سواد اپنا تے کوڑا ہو نہیں سکدا
تہاڈی نعت دی سچی اے مشری یا رسول اللہ ﷺ
محبت دی نظر سی کیمرہ سی قلب میرے دا!
تہاڈے لطف دی تصویر کھی یا رسول اللہ ﷺ
حدیثاں وچ تے ڈلھکاں مار دا اے سچ دا ہیرا
تہاڈی بات حکمت وچ پرچی یا رسول اللہ ﷺ

راجا رشید محمود



صلی اللہ علیہ وسلم

کرم ہووے مدینے میں وی آواں یا رسول اللہ ﷺ
 کراں میں رات دن ایہو دعاواں یا رسول اللہ ﷺ
 کدوں در تے بلاؤ گے کدوں مکھڑا وکھاؤ گے
 کتے ویکھن توں پہلوں مر نہ جاواں یا رسول اللہ ﷺ
 جہاں راہواں توں محبوب خدا آندے تے جانڈے سن
 اوہ خوشبو دیندیاں نیں اج وی راہواں یا رسول اللہ ﷺ
 بڑا دل کروا اے آواں کدی اک وار روضے تے
 میں چم روضے دی جالی سینے لاواں یا رسول اللہ ﷺ
 تسیں محبوب رب دے او تسیں مطلوب سب دے او
 تہاڈا چھوڑ کے در کس تے جاواں یا رسول اللہ ﷺ
 میرے دل دی تمنا اے بڑی حسرت اے ویکھن دی
 میرے گھر آؤ تے پلکاں وچھاواں یا رسول اللہ ﷺ
 شہ بغداد دا صدقہ مینوں وی ہن عطا ہووے
 میں خالی جھولی لے کے تے نہ جاواں یا رسول اللہ ﷺ
 تہاڈا ذکر کرنا اے فقط مقصد حیاتی دا
 کدی رحمت دیاں ہوں نگاہواں یا رسول اللہ ﷺ
 حاجی رحمت علی رحمت

صلی اللہ علیہ وسلم

تساں دے روئے تے آواں بلاو یا رسول اللہ ﷺ
ترسدا ای نہ مر جاواں بلاو یا رسول اللہ ﷺ

تساں دے کرم دے باجھوں نہ گل کوئی وی بن دی اے
مرے پلے تے کجھ وی نہیں نہ گل کجھ میرے وس دی اے
کرو منظور ہن عرضاں بلاو یا رسول اللہ ﷺ
ترسدا ای نہ مر جاواں بلاو یا رسول اللہ ﷺ

خطا کار ہاں بڑا آقا تے ڈاہڑا ای گنہگار ہاں
تساں وی رحمتاں دا میں میرے آقا طلبگار ہاں
ہجروے وچ سدا ہنجو وگاواں یا رسول اللہ ﷺ

ڈاکٹر رشید احمد ارشد



صلی اللہ علیہ وسلم

جیہڑے ہندے نیں سچے جاوندے تل یارسول اللہ ﷺ
میں کھوٹا ہاں مرا کوڈی نہیں مل یارسول اللہ ﷺ

جے اک واری کرو نظراں تے میں انمول ہو جاواں
کرو نظر کرم جاواں نہ میں رل یارسول اللہ ﷺ

میں ہاں بے آسرا آقا ترے پینڈے بڑے اوکھے
لنگھاوے کون تده باجھوں مینوں پل یارسول اللہ ﷺ

کرو حل مشکلاں سائیاں ترے دربار میں آئی آں
گناہواں واڑے ورقے نہ دینا تھل یارسول اللہ ﷺ

ترسدیاں میریاں اکھاں ہجر دی اگ پئی بلدی
مرے ہنجواں نوں وگنوں پا دیہو تھل یارسول اللہ ﷺ

ایہ ملتانی ترا منگتا تے نالے آل دا چاکر
خطاواں معاف کر دیو ہوئی بھل یارسول اللہ ﷺ

محمد رشید ملتانی

صلی اللہ علیہ وسلم

میں اوگنہار تے عاصی وچارا یا رسول اللہ ﷺ
بناں تیرے نہیں ہو سکدا گزارا یا رسول اللہ ﷺ

اگر عاشق نوں کلی جے ملے آقا دی چوکھٹ تے
اوہ کیوں منگے گا جنت دا چوبارا یا رسول اللہ ﷺ

بڑے نہیں ہور لوکاں دے، سہارے ایس دنیا تے
تری رحمت اے بس میرا سہارا یا رسول اللہ ﷺ

میںوں وی جیوندیاں آقا بلاؤ اپنے روضے تے
کئی جاندے نہیں دوبارا سہ بارا یا رسول اللہ ﷺ

تری رحمت دی حد ناہیں کرم میرے تے ہو جاوے
میں ہاں بیکار سب نالوں نکارا یا رسول اللہ ﷺ

مری ہو جائیگی بخشش مرا ایمان پکا اے
جے ہو جاوے رفاقت نوں نظارا یا رسول اللہ ﷺ

رفاقت علی رفاقت سعیدی

صلی اللہ علیہ وسلم

تساں تے آکے مکی اے نبوت یارسول اللہ ﷺ
تساں ونڈی زمانے تے محبت یارسول اللہ ﷺ
اوہ تہاڈی ذات اے ونڈے گی جیہڑی حشر تک جان
نبی دیندے رہے ایہو بشارت یارسول اللہ ﷺ
نرا اسلام نہیں من دا تہاڈی اچ کرداری نوں
قسم کھاندی اے دنیا دی شرافت یارسول اللہ ﷺ
تساں اگے ادب پاروں جھکائے سر درختاں نے
تہاڈی پتھراں دتی شہادت یارسول اللہ ﷺ
فرق گورے تے کالے وچ مٹا دتا تساں آکے
نیاں ہويا جدوں لگی عدالت یارسول اللہ ﷺ
لیا بوسہ بڑی واری انہاں متھے مبارک دا
ملی غاراں دے پتھراں نوں سعادت یارسول اللہ ﷺ
خدا دی وحدانیت دا درس دتا تساں جگ نوں
کسے دوجے دی مکی اے شراکت یارسول اللہ ﷺ
ہجر پھنڈیا مرا جشہ مرے دل نوں نہ چین آوے
ملے مینوں حضوری دی اجازت یارسول اللہ ﷺ
کسے کولوں وی خوف اوہنوں نہیں ہو سکدا زمانے تے
تسلیں او رؤف دے سرتے سلامت یارسول اللہ ﷺ
رؤف شیخ

صلی اللہ
علیہ وسلم

سجائے ہیں اکھاں تے ستارے یا رسول اللہ ﷺ
 ملن ایہناں نوں طیبہ دے نظارے یا رسول اللہ ﷺ
 پھی اے ظلمتاں دے جھکھڑاں تے کھوپیاں اندر
 لگے امت دی ایہ بیڑی کنارے یا رسول اللہ ﷺ
 تہاڈے نام دے صدقے ملے تسکین دکھیاں نوں
 تسیں بے کس دے ہو واحد سہارے یا رسول اللہ ﷺ
 جو رلدے پے نیں نا قدری دی دھرتی تے زمانے دی
 ملن اوہناں نوں عرشاں دے ہلارے یا رسول اللہ ﷺ
 جو عاشق دور بیٹھے تڑفدے رہندے جدائی وچ
 بلاؤ اوہناں نوں اپنے دوارے یا رسول اللہ ﷺ
 دیہو خیرات اک نظر کرم دی منگتیاں نوں وی
 پکارن رات دن درواں دے مارے یا رسول اللہ ﷺ
 تہاڈی نعت دے اندر ایہدے سب رات دن گزرن
 ریاض ایہ جند تہاڈے ناں توں وارے یا رسول اللہ ﷺ

ریاض احمد قادری

ﷺ

ترے در جہا نہیں کوئی دوارا یا رسول اللہ ﷺ
بناں دیدار دے ہن نہیں گزارا یا رسول اللہ ﷺ

نہ تاج و تخت دی خواہش دعاواں منگ وا رہناں
نظر آوے سبز گنبد پیارا یا رسول اللہ ﷺ

ترے دربار تے پڑھدے ملائک تیریاں نعمتاں
تری تعریف کردا ہر سپارا یا رسول اللہ ﷺ

دیاں پلکاں دے سنگ جھاڑو تری گلیاں دے وچ آقا
مدینے مینوں وی سد لو خدا را یا رسول اللہ ﷺ

نہ پائی پیسہ پلے دے ترا توقیر بے بس اے
کراں کیویں میں روضے دا نظارا یا رسول اللہ ﷺ
ریاض توقیر



صلی اللہ علیہ وسلم

توں محسن دو جہانناں دا تے والی یا رسول اللہ ﷺ
 زمانہ اے ترے در دا سواں یا رسول اللہ ﷺ
 الم نشرح ترا سینہ تے وت وائل زلفاں ہن
 ترا رتبہ اے سب نبیاں توں عالی یا رسول اللہ ﷺ
 مٹایا آ جہالت نوں تری رحمت نورانی نے
 توں آ توحید دی شمع چا بالی یا رسول اللہ ﷺ
 ترے پاروں زمیں بن گئی زماں بنیا مکاں بنیا
 خدا گلشن دا وارث ہے توں مالی یا رسول اللہ ﷺ
 سبق دنیا نوں آ دتا شرافت دا صداقت دا
 تری ہر اک ادا ہے پئی نرالی یا رسول اللہ ﷺ
 نبی سوہنا۔ ترا ایہ امتی دیدار دا طالب
 مری آساں بھری جھولی کیوں خالی یا رسول اللہ ﷺ
 کدی اپنے مدینہ وچ بلا سوہنا بلا سوہنا
 ارم چمسی ترے روضے دی جالی یا رسول اللہ ﷺ
 ریاض حسین ارم



صلی اللہ علیہ وسلم

میں اک واری مدینے پہنچ جاواں یا رسول اللہ ﷺ
بنے شک فیر مک جاون ایہ ساہواں یا رسول اللہ ﷺ

تیرے قدماں دی آقا وھوڑ جے کر مینوں مل جاوے
میں اکھیاں واسطے سرمہ بناواں یا رسول اللہ ﷺ

میرے ورگا زمانے تے نہ کوئی دوسرا ہووے
جے مل جاون تیرے قدماں وچ تھاواں یا رسول اللہ ﷺ

میرا ایمان ہے کامل تسیں محفل وچ آؤندے او
میں تاہیوں نعت دی محفل سجاواں یا رسول اللہ ﷺ

ترے آقا غلاماں دے غلاماں دے غلاماں وچ
کدے آ جاوے میرا وی تے ناواں یا رسول اللہ ﷺ

بہت ہی پیاریاں تے سوہنیاں نعتاں لکھے زاہد
بلاؤ روضے تے آکے سناواں یا رسول اللہ ﷺ
زاہد صدیقی

صلی اللہ علیہ وسلم

تھاڈی شان کل نبیاں توں عالی یارسول اللہ ﷺ
 مرا ایمان ہے دو جگ دے والی یارسول اللہ ﷺ

مراداں پوریاں سکھے ای اوہدے دل دیاں ہوئیاں
 جہڑا وی بن کے آیا اے سواالی یارسول اللہ ﷺ

ہنیرے کفر دے دنیا دے اندر چھائے ہوئے سن
 تساں توحید وی شمع اپنے بانی یارسول اللہ ﷺ

مرے دل دی تمنا اے بڑے چہ دی مرے مولا
 کدوں چھاں گا روضے دی میں جالی یارسول اللہ ﷺ

جہے جو منگیا اے سر جھکا کے مل گیا اوہنوں
 گیا کوئی نہ تھاڈے در توں خالی یارسول اللہ ﷺ

میں تھاڈے نام توں قربان سو سو واری ہو جاواں
 دیہو ساغر نوں وی جذبہ بلالی یارسول اللہ ﷺ

ساغر بت

ﷺ

تھاڑے درتے جس گرون جھکائی یا رسول اللہ ﷺ
 ملی اوہنوں زمانے وج بڑائی یا رسول اللہ ﷺ
 کدی ٹریا نہیں جو آپ دے سمجھائے رستے تے
 اس اپنی زندگی ایویں گوائی یا رسول اللہ ﷺ
 تاں پاکیزگی دے نال عمر ایسی گذاری اے
 کسے اج تک نہیں انگل اٹھائی یا رسول اللہ ﷺ
 گواہی دے رہے نیں اج وی تاریخ دے ورے
 تاں ای راہ تے مخلوق لائی یا رسول اللہ ﷺ
 قیامت نوں وی ہونی ختم ناہیں اوں دی رونق
 تاں خلقاں دی جو محفل سجائی یا رسول اللہ ﷺ
 پئی دسدی اے صاف انبر تے سانوں دھوڑ نورانی
 تاں سب توں اچیری شان پائی یا رسول اللہ ﷺ
 کدی خالی رہے ساقی دا پلا ہو نہیں سکدا
 تھاڑی نعت اے ایہدی کمائی یا رسول اللہ ﷺ

ساقی گجراتی

.....☆☆.....

ﷺ

بھراں گھبرا کے غم توں جدوی ہاواں یا رسول اللہ ﷺ
 تری رحمت دیاں برن گھٹاواں یا رسول اللہ ﷺ
 ترے گلزار دی خوشبو وسا کے اپنے ساہواں وچ
 میں اپنے دل نوں گلدستہ بناواں یا رسول اللہ ﷺ
 دنے راتیں جدائی دے پئے نہیں ساڑدے لبو
 کوں سینے دی میں آتش بجھاواں یا رسول اللہ ﷺ
 نہ مینوں تحت دی خواہش، نہ مینوں تاج دی حسرت
 دو عالم وچ ترا برودہ سداواں یا رسول اللہ ﷺ
 تری رحمت دے رُکھ تھلے ملے تھاں غم دی ماری نوں
 ٹلن تتری دیاں سمھے بلاواں یا رسول اللہ ﷺ
 خدا مینوں جے پچھے دس توں دنیا تے کمایا کیہ
 میں تیری نعت اس ویلے سناواں یا رسول اللہ ﷺ
 کریں کملی دا سایا حشر وچ سجاد مرزا تے
 کرے سجاد مرزا التجاواں یا رسول اللہ ﷺ

سجاد مرزا

ﷺ

مری برباد نگری نوں وساؤ یا رسول اللہ ﷺ
 کنارے تے مری کشتی وی لاؤ یا رسول اللہ ﷺ
 دکھاں نے کھا لیا دل نوں چڑھی غم وی ہمیری اے
 خدا دے واسطے مینوں بچاؤ یا رسول اللہ ﷺ
 تسیں آؤ تے میری زندگی پر نور ہو جائے
 کدی وچ خواب دی جلوہ دکھاؤ یا رسول اللہ ﷺ
 کرم دی جے نظر ہووے میری بگڑی وی بن جائے
 مری تقدیر نوں آکے جگاؤ یا رسول اللہ ﷺ
 ہو یا برباد گھر میرا مقدر ماریا مینوں
 محبت غیر دی میتھوں چھڑاؤ یا رسول اللہ ﷺ
 مرے تاریک دل تے نور دی برسات ہو جائے
 مری اکھیاں توں وی پردہ اٹھاؤ یا رسول اللہ ﷺ
 مرا دل وی ایہ چاہندا اے مدینے پہنچ جاواں میں
 کدی دربار تے مینوں بلاؤ یا رسول اللہ ﷺ

حافظ سردار احمد ساجد



صلی اللہ علیہ وسلم

جتنے ٹریوں کدی دیکھاں اوہ تھاواں یا رسول اللہ ﷺ
 میں چم چم خاک سزا اپنے ج پاواں یا رسول اللہ ﷺ
 نظارے گنبد حضرتی دے دیکھے جیہڑیاں لوکاں
 انہاں دے بخت توں صدقے میں جاواں یا رسول اللہ ﷺ
 میں ویلے اوکھڑے جد وی تاں دا ذکر کرناواں
 دریڈے نس دیاں میتھوں بلاواں یا رسول اللہ ﷺ
 جہاں نے پا لیا درشن سدا اوہ تیریاں بنیاں
 پچھانہ نہ پرت کے مڑیاں نگاہواں یا رسول اللہ ﷺ
 مکاواں دوریاں در تے بلاواں مینوں عاجز نوں
 نہ جھلیاں جان میتھوں ایہ سزاواں یا رسول اللہ ﷺ
 ہنھیرا نیا ایٹھوں تے چان چھا گیا جگ تے
 عرب چوں چڑھ پیاں نوری گھٹاواں یا رسول اللہ ﷺ
 کراں دیدار چوکھٹ دا مرن توں پہلاں میں سرور
 ڈراں پیا موت توں کنج میں ولاواں یا رسول اللہ ﷺ

سرور رندھاوا



صلی اللہ
علیہ وسلم

کدی مینوں وی اپنے در بلاؤ یا رسول اللہ ﷺ
مرے تے نصیبان نوں جگاؤ یا رسول اللہ ﷺ

کھلے میری وی قسمت میں وی ٹر جاواں مدینے نوں
مرے دل دی ایہ حسرت چا مٹاؤ یا رسول اللہ ﷺ

میں کوچھی ہاں نہ زر پلے بھر دے وچ نہ مر جاواں
نظر اپنے کرم دی میں تے پاؤ یا رسول اللہ ﷺ

میں کنج آواں دوارے تے نہ زر پلے نہ پر آقا
وسیلہ میرے آون دا بناؤ یا رسول اللہ ﷺ

سلمیٰ ناز



صلی اللہ علیہ وسلم

تساؤی شان اے کیڑی نرالی یا رسول اللہ ﷺ
تساؤے در دے نیں سارے سواالی یا رسول اللہ ﷺ

اجازت جے کدے ہووے تساں دے درتے آون وی
میں چماں آن کے روضے وی جالی یا رسول اللہ ﷺ

زمانے دا ولی ہووے عیا ہووے شہنشاہ کوئی
تھاؤے درتے ہوندا اے سواالی یا رسول اللہ ﷺ

ستارے چن سورج سب تہاتھوں روشنی منکن
شفق منگے تھاؤے مکھ دی لالی یا رسول اللہ ﷺ

میں ڈٹھا اے سلیم ہر طرف کوئی وی نہیں تساں جہیا
حیاتی اے تساں دی بس مثالی یا رسول اللہ ﷺ
سلیم آفتاب سلیم



صلی اللہ
علیہ وسلم

تساں بن کون میرا اے سہارا یا رسول اللہ ﷺ
نہ ہندا دور رہ کے ہن گزارا یا رسول اللہ ﷺ

زمانے دی ملی شاہی سدا اوہناں ملنگاں نوں
ترا ملیا اے جہاں نے دوارا یا رسول اللہ ﷺ

بڑے ارمان دل دے نیں بڑی اکھیاں دی رتجھا اے
کراں واللیل زلفاں دا نظارا یا رسول اللہ ﷺ

ہجر دی رات مکدی نہیں وچھوڑا جان کھاندا اے
حضوری دا اذن ہووے خدارا یا رسول اللہ ﷺ

قبر اندر حشر اندر بچاوے گا بھلا کیہڑا
بناں تیرے تیرا شاکر نکارا یا رسول اللہ ﷺ

شاکر ملھی

صلی اللہ علیہ وسلم

حیاتی میں مدینے وچ لنگھاواں یا رسول اللہ ﷺ
ہراک ساہ نال کرناں دعاواں یا رسول اللہ ﷺ

مری اکھیاں دے ہنجو وی پڑھن صلّی علی رو رو
میں سینے نال جد جالی توں لاواں یا رسول اللہ ﷺ

کدے تاں ایس کلمے نوں ملو موقع زیارت دا
میں ایسے آس تے لیناوالی ساہواں یا رسول اللہ ﷺ

انہاں گلایاں دا ککھ ہواواں میں ککھ ہواواں نہ دکھ ہواواں
وگن جس تھاں کرم بھریاں ہواواں یا رسول اللہ ﷺ

ایہو نازش دی خواہش اے ایہو خواہش اے سرمایا
میں منگتا آپ دے در دا سداواں یا رسول اللہ ﷺ

شبیر نازش



ﷺ

تیرے بن کون دنیا نوں سنوارے یا رسول اللہ ﷺ
 بجھے جانڈے نیں امیدیاں دے تارے یا رسول اللہ ﷺ
 رواندی خون دے ہنجو تیری امت دی بد حالی
 ہوئے بے آسرا درداں دے مارے یا رسول اللہ ﷺ
 ایہ شاہیں طوطیاں دے وانگ بن گئے چھریاں کھانے
 دلاں نوں بھاوندے شاہی منارے یا رسول اللہ ﷺ
 ہے لیرولیر دامن قوم دے صبر و قناعت وا
 تے لالچ لوبھ نے کنڈے کھلارے یا رسول اللہ ﷺ
 نصاریٰ تے یہودی نال پکی سانجھ ہے ساڈی
 تے ویری جاپدے مومن وچارے یا رسول اللہ ﷺ
 جہادی قافلے اپنے اساں ہمتیں تباہ کیجے
 تے ماری جانے آں پھو کے ای نعرے یا رسول اللہ ﷺ
 کوئی آوے مجاہد عمر بن خطاب دے ورگا
 دکھاوے جو کفر نوں دن ج تارے یا رسول اللہ ﷺ
 بڑی ای تاہنگ انجم نوں کوئی مرد جری آوے
 جیہڑا بلدے ہوئے سینے نوں ٹھارے یا رسول اللہ ﷺ

محمد شریف انجم

صلی اللہ علیہ وسلم

تسین لوکان نوں ونڈ دے او خزانے یا رسول اللہ ﷺ
 بلاو مینوں وی ایسے بہانے یا رسول اللہ ﷺ
 کوں آکھاں کنہوں آکھاں نہ سن دا کوئی گل میری
 ہوئے میتھوں نے اپنے وی بیگانے یا رسول اللہ ﷺ
 کیہڑی گل تے فخر کرلاں کوئی نہیں گن مرے پے
 مینوں ٹھکرا دتا سارے زمانے یا رسول اللہ ﷺ
 بنایا کن کہہ کے عتے دکھائی جد تری صورت
 لگا سی تیر عمنے دا نشانے یا رسول اللہ ﷺ
 ترے لئی جو وی کجھ لکھاں برابر اک ذرے دے
 تری عظمت نوں اللہ پاک جانے یا رسول اللہ ﷺ
 میرے جہے عاصیاں نوں پھڑ کے جنت واڑ دینا ایں
 تری رحمت تے لہدی اے بہانے یا رسول اللہ ﷺ
 میں عمراں دا تہاڈا ہاں اجے ٹھوٹھا مرا خالی
 تسین ساجد دے بھر دیوہ پیمانے یا رسول اللہ ﷺ

محمد شریف ساجد

صلی اللہ علیہ وسلم

کرم ہووے تے میں بھی فیراواں یا رسول اللہ ﷺ
 میں رو رو ساریاں عرضاں سناواں یا رسول اللہ ﷺ
 ہر اک ذرہ تے ہر پتا تساڈی نعت پڑھدا اے
 تساڈے گیت ہر ویلے میں گاواں یا رسول اللہ ﷺ
 مدینے پاک ول نون قافلے دن رات جاندے نیں
 ترسدا دید نون میں مر نہ جاواں یا رسول اللہ ﷺ
 میں مجرم ہاں لقب ہے رحمت اللعالمیں تیرا
 ملے بخشش جے در تیرے تے آواں یا رسول اللہ ﷺ
 میں ہاں اونی جہیا خادم تیرے در دے غلاماں وا
 تیری رحمت تھیں کیوں حصہ نہ پاواں یا رسول اللہ ﷺ
 تساڈی دید نون اکھیاں وی ترسن دل وی روند اے
 میں اتھے کس طرح ہن دل نون لاواں یا رسول اللہ ﷺ
 شریف عاجز کدوں طیبہ دے سوہنے باغ دیکھے گا
 جہاں دیاں ٹھنڈیاں جنت تھیں چھاواں یا رسول اللہ ﷺ
 شریف مشتاق



صلی اللہ علیہ وسلم

تھاڈی سک مرے دل دا خزینہ یا رسول اللہ ﷺ
مری اکھیاں جج وسدا اے مدینہ یا رسول اللہ ﷺ

سدا چارا بڑا لایا مرا دل اے ابج پتر
کرو نظر کرم ہووے نگینہ یا رسول اللہ ﷺ

دکھاں دے ڈونگہ پانی وچ پیا ڈبدا مرے آقا
کنارے لا دوو میرا سفینہ یا رسول اللہ ﷺ

بڑی بے جج حیاتی اے سلیقہ نہ طریقہ اے
دسو مینوں ذرا جیون قرینہ یا رسول اللہ ﷺ

قر آقا دے کھڑے تمیں سدا روشن زمانہ اے
مہکدا اے پیا پھل وچ پسینہ یا رسول اللہ ﷺ
ڈاکٹر شوکت علی قر



صلی اللہ علیہ وسلم

مرے گھر دے بنجے ویٹھے سجاؤ یا رسول اللہ ﷺ
میں جاں صدقے مرے گھر وی تے آؤ یا رسول اللہ ﷺ

مری آساں دے دیوے بجھ نہ جاؤن سوہنیا کدھرے
مرے اس حال تے وی ترس کھاؤ یا رسول اللہ ﷺ

تھاڈا ای سہارا اے کتے وی ڈھو نہیں مینوں
مرے بختاں دی وگڑی نوں بناؤ یا رسول اللہ ﷺ

میں در در تے صدا کیتی پر آقا ٹھوکراں ملیاں
کرم حسنینؑ وا صدقہ کماؤ یا رسول اللہ ﷺ

میں ہنجواں دے سمندر وچ کدی ڈبیا کدی تریا
ہے اجڑی جھوک شاہد دی وساؤ یا رسول اللہ ﷺ

شہزاد احمد شاہد



صلی اللہ علیہ وسلم

دیو چا آسرا مینوں. خدارا یا رسول اللہ ﷺ
 میں کدھرے مر نہ جاواں بے سہارا یا رسول اللہ ﷺ
 تہاڈی چاہ بناں مینوں پئی اے زندگی مہنگی
 بڑا کھادا اے ہن تیکر خسارا یا رسول اللہ ﷺ
 تسیں جے روز اول توں کدی خادم بنا لیندے
 تے ہن تیکن نہ میں پھر دا آوارا یا رسول اللہ ﷺ
 تہاڈے نام توں میں زندگی قربان کر چھڈاں
 تسیں کر کے تے دیکھو سہی اشارا یا رسول اللہ ﷺ
 میں کدھرے جھک نہیں سکدا تہاڈے آستانے بن
 میری روح تے تہاڈا اے اجارا یا رسول اللہ ﷺ
 میری فریاد وی اے رحمت اللعالمیں سن لو
 دکھا دیو تسیں اپنا دوارا یا رسول اللہ ﷺ
 بڑا بے چین بیٹھاواں علی مولا دی سونہہ مینوں
 جدائی ہن تہاڈی نہیں گوارا یا رسول اللہ ﷺ
 فلک توں ڈگ کے دھرتی تے مٹی دے وچ رلیا اے
 تہاڈے چاہن والے دا ستارا یا رسول اللہ ﷺ
 شہ کربل دے صدقے ای عطا خیرات کر چھڈو
 مرا ہندا نہ بھکھیاں ہن گزارا یا رسول اللہ ﷺ
 تہاڈے ہوندیاں جے ڈب گئی بیڑی تے سمجھاں گا
 مری تقدیر وچ نہیں سی کنارا یا رسول اللہ ﷺ

صابر نوید

صلی اللہ
علیہ وسلم

مدینہ شہر اے میرے توں اوہلے یا رسول اللہ ﷺ
 ہوئے نیں خالی اکھیاں دے بھڑولے یا رسول اللہ ﷺ
 کئی جنٹاں وی اوہدے تول وچ نہ پوریاں اترن
 فرشتہ جد تہاڈی نعت تولے یا رسول اللہ ﷺ
 تہاڈے درتے دیندا اے سلامی آ کے سورج وی
 تہاڈے در دے سارے شاہ نیں گولے یا رسول اللہ ﷺ
 کرم دی اک نظر آقا میرے عملاں دی پیلی تے
 بھکاٹ اگدا اے جد بیجاں میں چھولے یا رسول اللہ ﷺ
 مکمل ہو نہیں سکدے تہاڈے نام دے باجھوں
 میرے سبھ گیت سبھ ماسیے تے ڈھولے یا رسول اللہ ﷺ
 مرے لچپال آقا اوس دی امداد نوں اپڑن
 کوئی وی شخص جد اوکڑ چج بولے یا رسول اللہ ﷺ
 جمیل ایہو دعا منگے گواچن نہ قیامت تک
 میری بٹی دے گڈیاں تے پٹولے یا رسول اللہ ﷺ
 صادق جمیل



صلی اللہ
علیہ وسلم

تیری بندہ نوازی نوں نہ بھلاں رسول اللہ ﷺ
کرم تیرا ہو یا ہر طرف کھلاں یا رسول اللہ ﷺ

عشق دی تکرڑی وٹے پئے نہیں ڈاہڈی اوکھت دے
حشر نوں تیرا چاکر ہو میں تلاں یا رسول اللہ ﷺ

تیرے عاشق تیری ہر اک ادا تے جان دیندے نہیں
لہائیاں عاشقاں نے اتھے کھلاں یا رسول اللہ ﷺ

مرے ہتھ وچ تیرا پلا مرا حامی تے بس اللہ
میں تر دا جا رہیاواں غم دی چھلاں یا رسول اللہ ﷺ

چڑھے خیب سولی تے پیاں بلاں نوں ماراں
ذکر چھڈیا نہ تیرا اوہناں بلھاں یا رسول اللہ ﷺ

ترا دیدار جے ہووے ترے مسکین صادق نوں
قبر وچ وی پیا صلوات گھلاں یا رسول اللہ ﷺ
صوفی محمد صادق صابری

ﷺ

تسین لہجہاں تے میں ہاں بے لہجی یا رسول اللہ ﷺ
 تساڈے نال ہے دنیا ایہ سچی یا رسول اللہ ﷺ
 تصور آپ دا میرے خیالاں وچ سدا رہندا
 ایہ سنیاں ہاں میں کوچھی تے کچھجی یا رسول اللہ ﷺ
 نہ دل نوں چین آیا اے نہ اکھاں رون توں رکیاں
 کٹاری ہجر دی جد توں اے وحی یا رسول اللہ ﷺ
 غبار اڈا دا اے پر نہیں آپ دی ناقہ نظر آئی
 میں لکھے واہ ہاں ہر پاسے نوں بھیجی یا رسول اللہ ﷺ
 مری ہر معصیت ہر اک خطا ہر دور دے اندر
 تری رحمت دی چادر نے ہے کجی یا رسول اللہ ﷺ
 نہیں اوہنوں حشر تیکر بھکھ زمانے دی ستا سکی
 جو روضہ دیکھ کے تیرا اے رجبی یا رسول اللہ ﷺ
 جو ہو چاندی نظر منظور ہے تیرے غلاماں دے
 ہے اوہو ای سہاگن تے سچی یا رسول اللہ ﷺ
 صائم چشتی

صلی اللہ علیہ وسلم

پے ودھدے چارے پاسے نہیں ہنیرے یار رسول اللہ ﷺ
 کدوں لیکھاں چج ہون گے سویرے یار رسول اللہ ﷺ

اوہ کیڈی شان والے نہیں اوہ کیڈے بخت والے نہیں
 جہاں طیبہ چج کیتے نہیں بسیرے یار رسول اللہ ﷺ

کدوں دیدار دیوو گے میں عاجز نوں نماںے نوں
 خدا جانے کدوں دن پھرنے میرے یار رسول اللہ ﷺ

خدا نے آپ وڈیا یا ہے سوہنے پاک قرآن وچ
 تہاڈے عرش توں رتے اچیرے یار رسول اللہ ﷺ

ترے تاثیر نے مدت توں ٹکيا نہیں خوشی دا مونہہ
 ہے غم ای غم نہیں بس اس دے پھیرے یار رسول اللہ ﷺ

صدیق تاثیر



صلی اللہ
علیہ وسلم

تسبیح آئے تے آئیاں نہیں بہاراں یا رسول اللہ ﷺ
تساں توں جان سو واری میں واراں یا رسول اللہ ﷺ

جہاں وچ قیام کیتا سی میں سچ کہناں خدا شاہد
اوہ ودھ کے طور دے کولوں نہیں غاراں یا رسول اللہ ﷺ

میں اپنی مشکلاں تائیں تے لیکھاں وگڑیاں تائیں
تساں دا نام لے لے کے سنواراں یا رسول اللہ ﷺ

نہ مینوں آسرا کوئی تساں دے باجھ یا مولا
تساں نوں میں جے لکھاں ہزاراں یا رسول اللہ ﷺ

مدینہ میں وی ویکھاں گا بلاوا آؤن والا اے
میں ایسے آس وچ زندگی گزاراں یا رسول اللہ ﷺ

تسبیح والی صبر دے ہوتے سرتاج نبیاں دے
تساں دے باجھ میں کس نوں پکاراں یا رسول اللہ ﷺ
محمد صدیق صبر قادری

ﷺ

کدوں پہنچاں گا میں دارلسکینے یا رسول اللہ ﷺ
کدوں پٹنی ایں ٹھنڈے میرے وی سینے یا رسول اللہ ﷺ

دعاواں منگ دے درتے ترے شاہواں دے شاہ ویکھے
کدوں میرے لئی کھلنے خزینے یا رسول اللہ ﷺ

کملی والیا لنگھے غماں دی جھوندیاں چکی
کئی گھڑیاں کئی دن تے مہینے یا رسول اللہ ﷺ

کدوں پھیرا ترا ہونا مرے ویران و بیڑے وا
کدوں پھل کھرن گے دل دی زمینے یا رسول اللہ ﷺ

کرم تیرا جدوں ہووے گناہ گاراں نوں سد بھیجیں
خڑے آون مرے جے وی کینے یا رسول اللہ ﷺ

مری اکھاں توں ہنجو دل توں ہاواں پھٹ پیاں نیں
سفنیں جاوندے ویکھے مدینے یا رسول اللہ ﷺ

اڈیکاں نال چاہواں دے میں قمری اوس ویلے نوں
دفن ہواں مدینے دی زمینے یا رسول اللہ ﷺ
ڈاکٹر طارق قمری

ﷺ

ایہو منگاں دعاواں پارسل اللہ ﷺ
ترے درشن میں پاواں پارسل اللہ ﷺ

جے پنچھی وانگ پر لگ جان کدے مینوں
ترے درتے میں آواں پارسل اللہ ﷺ

مرے اتے کرم دی اک نظر ہووے
مری بخشو خطاواں پارسل اللہ ﷺ

تساں دی یاد وچ آقا میں کنج ترفاں
ایہ کس نوں جا سناواں پارسل اللہ ﷺ

تسیں ہر شے دے قاسم او خدا آکھے
تسیں دیندے میں کھاواں پارسل اللہ ﷺ

ظفر ساقی

.....☆☆.....

صلی اللہ علیہ وسلم

کراں دن رات میں ایہو ای باتاں یا رسول اللہ ﷺ
 کدے پاؤ اسماں ول وی تے جھاتاں یا رسول اللہ ﷺ
 مرے دکھاں نے سکھاں دے کدوں بانے بدلنے نیں
 کدوں بدن گیاں فجر اں چج راتاں یا رسول اللہ ﷺ
 مری نیت دا ثمرہ اے کہ یا عملاں دی شامت اے
 پھیرے دشمنیاں ملیاں نیں گھاتاں یا رسول اللہ ﷺ
 کدوں رحمت بلاوے گی، مدینے چوں مرے آقا
 کدوں میریاں لوو گے آپ واتاں یا رسول اللہ ﷺ
 ستارہ گردشوں نکلے گا خورے کس سے میرا
 کدوں چمکن گیاں مریاں براتاں یا رسول اللہ ﷺ
 بلاؤ جے کدی روضے تے پلکاں بھار میں آواں
 سناواں بیٹھ کے نعتاں سوغاتاں یا رسول اللہ ﷺ
 سخن دی ڈالیوں ودھ ہور ناہیں کول کجھ میرے
 ظفر اے امتی چاہوے نجاتاں یا رسول اللہ ﷺ

میاں ظفر مقبول

صلی اللہ علیہ وسلم

تری ہستی دا پرچھاواں خدائی یا رسول اللہ ﷺ
 خدا نے آپ دی خاطر بنائی یا رسول اللہ ﷺ
 کسے نوں مال دی الفت کتے جنت دی خواہش اے
 مرا دل آپ دی دیوے دہائی یا رسول اللہ ﷺ
 قبر اندر میں کہہ واں گاجے پچھ پرتیت ہوئی تے
 مری طیبہ دے وچ ہے آشنائی یا رسول اللہ ﷺ
 زمانے دی محبت دا اوہ دل محتاج نہیں رہندا
 محبت آپ دی جیس وچ سہائی یا رسول اللہ ﷺ
 رضاتے ہر گھڑی ہر دم خدا نے آپدی چاہی
 خدا کولوں تساں اپنی منائی یا رسول اللہ ﷺ
 میں بیمار محبت ہاں ہجر دا روگ ہے مینوں
 مدینہ آپ دا میری دوائی یا رسول اللہ ﷺ
 بڑی ڈاہڈی ہے عارف توں کدے جھلی نہیں جانی
 تیرے سوہنے مدینے دی جدائی یا رسول اللہ ﷺ

ڈاکٹر عارف محمود عارف

ﷺ

در اقدس تے میں اک وار آواں یا رسول اللہ ﷺ
 مراداں دل دیاں اپنے میں پاواں یا رسول اللہ ﷺ
 نصیبیاں تال مل جاوے اجازت جے حضوری وی
 میں دل دا حال رو رو کے سناواں یا رسول اللہ ﷺ
 تہاڈے چاہن والے در بدر کیوں پھروے رہندے نیں
 انہاں نوں کاہدیاں ملیاں سزاواں یا رسول اللہ ﷺ
 گھٹن دا دور اے زندگی، اساڈی کنج گزرے گی
 مدینے والیاں گھلو ہواواں یا رسول اللہ ﷺ
 تہاڈی اک نظر ہووے تے بیڑا پار ہو جاوے
 کہ ات چکی ہوئی اے ناخداواں یا رسول اللہ ﷺ
 تہاڈی یاد دے پھل روح نوں اک تازگی دیون
 وفا دا ایسراں گلشن سجاواں یا رسول اللہ ﷺ
 رحیل اک وار جے اپڑاں مدینے مڑ نہ میں آواں
 لبیاں تے ہر گھڑی اپنے لیاواں یا رسول اللہ ﷺ
 عاشق رحیل



ﷺ

کوئی دکھیا جو در تیرے تے آوے یا رسول اللہ ﷺ
 ترے اوہ کرم توں خالی نہ جاوے یا رسول اللہ ﷺ
 خدا دی ذات اوں اتے ہزاراں کرم کر دی اے
 ترا میلاد جو گھر وچ منادے یا رسول اللہ ﷺ
 ترے ولوں تے مومن تے عطاواں ای عطاواں نیں
 بشرطیکہ ترا بردا کہاوے یا رسول اللہ ﷺ
 تسیں اول تسیں آخر تسیں ظاہر تسیں باطن
 تسیں ایمان دی دولت جو پاوے یا رسول اللہ ﷺ
 مری زندگی دا محور وی تری ہی ذات ہے آقا
 تری ہستی بناں تے ساہ نہ آوے یا رسول اللہ ﷺ
 مری اکو ریاضت اے ذکر تیرا عبادت اے
 عمل چنگا جو تیرے من نوں بھاوے یا رسول اللہ ﷺ
 اوہو کافر جو تیری شان دا انکار کر دا اے
 اوہو مومن جو تیرے گیت گاوے یا رسول اللہ ﷺ
 تینوں آکھاں تے کیہ آکھاں کیوں گزری اے سالک دی
 میری تے قلم وی اتھرو وگاوے یا رسول اللہ ﷺ

عثمان سالک

صلی اللہ
علیہ وسلم

گلاں کس نوں سناواں یا رسول اللہ ﷺ
ہجر وچ مردا جاواں یا رسول اللہ ﷺ

مرے مقصد تے آساں پوریاں ہوون
ترا درشن جے پاواں یا رسول اللہ ﷺ

مدینے آن کے روضے دی جالی نوں
میں چم اکھاں نوں لاواں یا رسول اللہ ﷺ

مراں جس دم تے ہوواں وچ مدینے میں
ایہو منگناں دعاواں یا رسول اللہ ﷺ

قدم تیرا سی آقا جس جگہ حسن
میں دیکھاں جا اوہ تھاواں یا رسول اللہ ﷺ

عبدالرزاق حسن



ﷺ

سنو منگتے دیاں وی جے پکاراں یا رسول اللہ ﷺ
 مرے وی باغ وچ آون بہاراں یا رسول اللہ ﷺ
 بناں دیدار دے دل نوں قرار آوے نہ چین آوے
 کوں جیون میں وکھ رہ کے گزاراں یا رسول اللہ ﷺ
 مرے من وچ وی بلدی عشق دی آگ ہے دنے راتی
 میں آ کے قدماں وچ سینے نوں ٹھاراں یا رسول اللہ ﷺ
 کرو آقا عطا مینوں وی یارِ غار دا صدقہ
 ہر اک شے آپ توں میں وی تے واراں یا رسول اللہ ﷺ
 مری ڈبدی ہوئی بیڑی نوں بنے لا دیو آقا
 میں دیواں واسطہ پنجاں تے باراں یا رسول اللہ ﷺ
 خدا ای جاندا اے بس مقام لی مع اللہ نوں
 پیاں سوچاں دے وچ سوچاں وچاراں یا رسول اللہ ﷺ
 مہک نال آپ دی شافی دا سینہ وی مہک جاوے
 ایہ جھوے وچ مدینے دے بزاراں یا رسول اللہ ﷺ
 حکیم عبدالستار شافی

.....☆☆.....

ﷺ

غماں نے کیا اے دلگیر یا رسول اللہ ﷺ
کرم دی کر دیو تنویر یا رسول اللہ ﷺ

بچے نہ ہو کچھ میری نگاہوں وچ
رہوے بس روضے دی تصویر یا رسول اللہ ﷺ

جے رب بخشے سعد تیری غلامی دی
سنور جائے مری تقدیر یا رسول اللہ ﷺ

بڑی حسرت اے جاواں فرم دینے نوں
چلے نہ کوئی دی تدبیر یا رسول اللہ ﷺ

ترے قدام چج سر رکھ کے سناواں گا
ملے خاباں نوں تعبیر یا رسول اللہ ﷺ

عبدالقدوس کیفی

صلی اللہ علیہ وسلم

مدینے دی فضا ویکھاں سدا میں یا رسول اللہ ﷺ
دعاواں دی جزا ویکھاں سدا میں یا رسول اللہ ﷺ

مدینے تے خدا دی رحمتاں دا نور وسدا اے
اوہ منظر جانفرا ویکھاں سدا میں یا رسول اللہ ﷺ

جتھے آقا نے لک لک کے بہائے خون دے ہنجو
پھر اوہ غارِ حرا ویکھاں سدا میں یا رسول اللہ ﷺ

ہرے روضے دے گنبد توں کراں قربان چاہواں نوں
مقدر وچ عطا ویکھاں سدا میں یا رسول اللہ ﷺ

مدینے دل کوئی جاوے مدینے توں کوئی آوے
کھڑا اوہناں دی راہ ویکھاں سدا میں یا رسول اللہ ﷺ

مری اکھاں نوں ملنی ایں شفا اس خاک توں قاضی
اوہو خاکِ شفا ویکھاں سدا میں یا رسول اللہ ﷺ

عبداللہ قاضی

صلی اللہ
علیہ وسلم

کدوں ہووے گی پوری دل دی حسرت یا رسول اللہ ﷺ
 کدوں ہووے گی روضے دی زیارت یا رسول اللہ ﷺ
 تہاڈے خلق نے تعلیم نے تہاڈی شرافت نے
 زمانے چوں مٹا دی جہالت یا رسول اللہ ﷺ
 جہاں لوکاں نے سچے دل تھیں کلمہ پڑھ لیا تہاڈا
 انہاں لوکاں دے پیراں بیٹھ جنت یا رسول اللہ ﷺ
 فرشتے رات دن پڑھ دے درود پاک تہاڈے تے
 تہاڈی جن و بشر کردے عبادت یا رسول اللہ ﷺ
 تسیں تے شہنشاہ کر چھڈیا اپنے فقیراں نوں
 میری وی کمر دیو بیدار قسمت یا رسول اللہ ﷺ
 شکایت کیوں کراں فرقت دے اتے کیہ گلہ میرا
 مزا مینوں بڑا دیندی اے فرقت یا رسول اللہ ﷺ
 خدا دا شکر شافی حشر توڑی میں رہواں کروا
 تہاڈے قداماں وچ ہووے جے تربت یا رسول اللہ ﷺ

عقیل شافی

صلی اللہ
علیہ وسلم

رہوے یاداں دا ایہ مسکن مرا دل یا رسول اللہ ﷺ
 قدم رکھو بنے غارِ حرا دل یا رسول اللہ ﷺ
 جدوں دو سوہنیاں میماں ملاون میرے بلھاں نوں
 پڑھے صلِ علی صلِ علی دل یا رسول اللہ ﷺ
 اودوں دا سبز گنبد میریاں اکھاں چج رہندا اے
 جدوں دا ہو گیا اے آشنا دل یا رسول اللہ ﷺ
 جے موت آوے تے آوے شہر تیرے وچ مرے آقا
 کرے پیا التجا تے التجا دل یا رسول اللہ ﷺ
 کراں آخر دے ساہواں تے زیارت سوہنیا تیری
 ایہو بس منکدا رہندا دعا دل یا رسول اللہ ﷺ
 مری سوچاں دی ایہ کفنی کتے میلی نہ ہو جاوے
 قبر اندر کرے صفت و ثنا دل یا رسول اللہ ﷺ
 مدینے پاک دی چاہت لئی نت ولکدا رہندا
 نہ کدھرے چین پاؤند اے مرا دل یا رسول اللہ ﷺ
 کدی جے اس ملوک اتے کرم دی جھات پے جاوے
 سناوے ہجر دا سبھ ماجرا دل یا رسول اللہ ﷺ
 علی محمد ملوک

صلی اللہ
علیہ وسلم

وچھوڑے دے میں صدے روز جھلاں یا رسول اللہ ﷺ
کراں میں تیریاں دن رات گلاں یا رسول اللہ ﷺ

جدوں ویکھاں کوئی جاندا مسافر شہر تیرے نوں
کویں وگدے ہوئے ہنجواں نوں ٹھلاں یا رسول اللہ ﷺ

ہوائے وگدیئے لے جا مدینے اتھرو میرے
تے آکھیں ہور کیہ میں نذر گھلاں یا رسول اللہ ﷺ

جہاں نوں تیری الفت دا کدی پانی نہیں ملیا
دلاں دیاں سکدیاں نیں اوہو دلاں یا رسول اللہ ﷺ

ظہوری نوں ملے قطرہ تیرے وگدے سمندر چوں
تری رحمت دیاں ہر پاسے چھلاں یا رسول اللہ ﷺ

محمد علی ظہوری

صلی اللہ
علیہ وسلم

دنے راتیں کریندا ہاں دعاواں یا رسول اللہ ﷺ
ہوون منظور جے کرتے میں آواں یا رسول اللہ ﷺ

ملے مینوں اجازت جے مدینے ول آون دی
تے دلدے کھول کے دکھڑے سناواں یا رسول اللہ

ہوئی بنجر اے کھیتی آس تے امید دی مولا
چڑھن طیبہ دے ولوں ہن گھٹاواں یا رسول اللہ ﷺ

نہیں سن دا نہیں سن دا کوئی تیرے بناں مولا
سناواں کس نوں میں ہن التجاواں یا رسول اللہ ﷺ

لکھے نعتاں ترا نقوی کدوں ایہ سن ایہدے
ایہ سکھے تیریاں ای نہیں عطاواں یا رسول اللہ ﷺ
عمران نقوی



صلی اللہ علیہ وسلم

تہاڈا در جو ہر دکھ دی دوا ہے یا رسول اللہ ﷺ

گناہگاراں دا ایہو آسرا ہے یا رسول اللہ ﷺ

ہے ہر نعمت پئی لبھدی سخاوت بے مثل صدقہ

نہ مانگت کوئی وی خالی گیا ہے یا رسول اللہ ﷺ

گھلو تحفے دروداں دے مے سوہنے نبی ولے

خدا ایہ بندیاں نون آکھدا ہے یا رسول اللہ ﷺ

مدینہ مہکدا ہر سو میرے اکوار پھر ہووے

کدوکا میرا من انج لوچدا ہے یا رسول اللہ ﷺ

بڑا ای مان ہے مینوں خدا جانے مقدر تے

کرم تہاڈے سدا ہی گھیریا ہے یا رسول اللہ ﷺ

عمر غنی

صلی اللہ علیہ وسلم

ازل توں میریاں سوچاں دا محور یا رسول اللہ ﷺ
 تساڈا نام شافعی روزِ محشر یا رسول اللہ ﷺ
 خدا نے آپ نوں گھلایا جہاں دی راہنمائی لئی
 بنایا آپ نوں سمھناں دا رہبر یا رسول اللہ ﷺ
 نبی دے آن توں پہلاں سی ایہ کعبہ صنم خانہ
 تساں اس نوں بنایا رب دا گھر یا رسول اللہ ﷺ
 حبیبِ کبریا دے لئی بنائے نہیں جہاں سارے
 بنایا آپ نوں سمھناں توں بہتر یا رسول اللہ ﷺ
 عبادت رب دی انج کیتی خدا نے آپ فرمایا
 میرے پیارے تھوڑا آرام وی کر یا رسول اللہ ﷺ
 بھرم رکھنا ثنا خواں دا قبر تے حشر وچ مولا
 ڈراؤندا خواب وچ مینوں ادھ منظر یا رسول اللہ ﷺ
 ونے راتیں تساڈے شہر آون لئی دعا کرناں
 ثنا خواں آپ دا ساتی اے مضطر یا رسول اللہ ﷺ
 غلام رسول ساتی



صلی اللہ علیہ وسلم

میں چاہندا ہاں مدینے میں وی آواں یا رسول اللہ ﷺ
 حرم وچ بیٹھ کے نعتاں سناواں یا رسول اللہ ﷺ
 میں غارِ ثور وچ جا کے نمازاں نت پڑھاں اوتھے
 کرو منظور جے میریاں دعاواں یا رسول اللہ ﷺ
 حرا بدر و احد نالے میں طائف نوں وی جا دیکھاں
 مرے اتے جے ہو جاون عطاواں یا رسول اللہ ﷺ
 غماں دی دھپ دے وچ سڑدے ہوئے بوٹے بچاؤ چا
 مری دھرتی تے چھا جاون گھٹاواں یا رسول اللہ ﷺ
 نبی دے دین لئی جے ایہ حیاتی کم آ جاوے
 میں سب کجھ وار کے کجھ نہ بچاواں یا رسول اللہ ﷺ
 مرے اندر بلالی روح پیدا کر دیہو آقا
 مینوں مل جان سلمانی وفاواں یا رسول اللہ ﷺ
 تساڈی ذات اقدس ہی وسیلہ اے شفاعت دا
 تساں ای بخشواؤ گے خطاواں یا رسول اللہ ﷺ
 میں خیر جا کے دیکھاں گا جتھے آقا دے پینڈے سن
 انہاں راہواں دے وچ اکھیاں وچھاواں یا رسول اللہ ﷺ
 جہاں تھاواں تے آقا نے خدا دا دین پھیلایا
 مدینے جا کے میں دیکھاں اوہ تھاواں یا رسول اللہ ﷺ
 مدینے مینوں بلواؤ میرا ویلا اخیرى اے
 اڈیکاں وچ اکھر گئیاں نیں ساہواں یا رسول اللہ ﷺ

ڈاکٹر غلام شبیر رانا

صلی اللہ
علیہ وسلم

ترے سوہنے نگر چوں ہو کے آئی یارسول اللہ ﷺ
 صبا خوشبو نوں کٹھیاں کر لیائی یارسول اللہ ﷺ
 دلاں دے گملیاں وچ حب تری نے نال رتجھاں دے
 پھیری نور دے پھلاں دی لائی یارسول اللہ ﷺ
 سہیری چاکری جہنے تری اوہ بھاگ والا اے
 جھب اوہدی دور ہووے بے نوائی یارسول اللہ ﷺ
 عقیدت تھیں وضو کر کے جدو کا نعت لکھنا ہاں
 ہوئی اکھراں دی حرمت وی سوائی یارسول اللہ ﷺ
 دنے راتیں کراں صلی علی دا ورد میں شوقوں
 ہے کیہڑی ایس توں ودھ کے کمائی یارسول اللہ ﷺ
 کوئی وی قبر وچ دھڑکو نہیں رہنا کسے ویلے
 جے دل اندر تری الفت سمائی یارسول اللہ ﷺ
 ترے اس ذکر پیارے نے مری سنسار دے اندر
 اچیچی شان تے شوکت ودھائی یارسول اللہ ﷺ
 ملک غلام فرید شوکت

صلی اللہ
علیہ وسلم

تسبیں او سارے عالم دا ای حبیلا یا رسول اللہ ﷺ
میں کیوں نہ آپ دا منگاں وسیلا یا رسول اللہ ﷺ

ہے سارے دا ای سارا آپ دا اخلاق ایہ قرآن
تساں پائے نیں اوصاف جمیلا یا رسول اللہ ﷺ

نہ ہو یا اے نہ ہونا این کدے کوئی ہاشمی ورگا
ہے افضل آپ دا جگ تے قبیلا یا رسول اللہ ﷺ

جدوں توں ایہناں مرکز نوں تے مقصد نوں بھلایا اے
مسلمان ہو گئے نیں تیتلا تیتلا یا رسول اللہ ﷺ

عمر ساری کٹی اے وچ گناہاں ایہناں فکراں توں
تیرے بسمل دا ہو یا رنگ پیلا یا رسول اللہ ﷺ

غلام مصطفیٰ بسمل

ﷺ

غربی آن نہیں دیندی بہاراں یا رسول اللہ ﷺ
 میں اٹھدے پٹھدے سوچاں وچاراں یا رسول اللہ ﷺ
 تہاڈی یاد دے دیوے جلا کے تارے گن گن کے
 غماں دی رات اکھیاں وچ گزاراں یا رسول اللہ ﷺ
 کتے رحمت دا سایہ تان دے میری حیاتی تے
 کلیجا ساڑدے دکھڑے ہزاراں یا رسول اللہ ﷺ
 اسیں تاہنگاں اڈیکاں لا کے راہواں وچ کھلوتے آن
 کدی موڑو گے ایدھر وی مہاراں یا رسول اللہ ﷺ
 کتے میرے جے بے بس دی قسمت وی چمک اٹھے
 مدینے وچ کتے مل جان ٹھاہراں یا رسول اللہ ﷺ
 تسیں مشکل کشا میرے تسیں حاجت روا میرے
 تساڈا ہو کے کیوں دنیا چ ہاراں یا رسول اللہ ﷺ
 کسے کہڑے نوں لے جاوے صبا شاید مدینے ول
 میں موتی ہنجواں دے پیا کھلاراں یا رسول اللہ ﷺ
 غلام مصطفیٰ ہاں آپ دا ادنیٰ سواں ہاں
 تساں دے پیارتھیں گھر نوں سنواراں یا رسول اللہ ﷺ

غلام مصطفیٰ زار

صلی اللہ علیہ وسلم

کوئی دکھیاں دیاں لیندا نہ ساراں یا رسول اللہ ﷺ
 تساں بن کون اے جنہوں پکاراں یا رسول اللہ ﷺ
 کدوں ہاسے سی انج آؤندے کسے ذی روح دے بلھاتے
 تسیں آئے تے آئیاں نہیں بہاراں یا رسول اللہ ﷺ
 زمانہ سہکدا سی ظلم دی بے درد مٹھی وچ
 تساں دتیاں نہیں ہر ظالم نوں ہاراں یا رسول اللہ ﷺ
 بڑی سخی پئی۔ لگدی اے وادی روح دی مولا!
 اکھاں وچ وس کھیاں رتجھاں ہزاراں یا رسول اللہ ﷺ
 خدا بخشے کدی توفیق جے مینوں حضوری دی
 ایہ سڑیا ہجر تھیں سینہ میں ٹھاراں یا رسول اللہ ﷺ
 جتھوں ملیا زمانے نوں خزانہ علم و حکمت دا
 میں اوتھے فکر اپنی جا نکھاراں یا رسول اللہ ﷺ
 قمر دے دل نگاہ لطف ہن سرکار ہو جاوے
 نذر نعتاں دی ڈالی نت گزاراں یا رسول اللہ ﷺ
 غلام مصطفیٰ قمر



صلی اللہ علیہ وسلم

میںوں دربار اپنے وچ بلانا یا رسول اللہ ﷺ
جناب اپنی دے وچوں خیر پانا یا رسول اللہ ﷺ

زباں صفتاں نہ کر سگدی قلم نعتاں نہ لکھ سگدی
توئیں کونین وچ میرا مہانا یا رسول اللہ ﷺ

کدی وچ خواب دے دیہو لقا اپنا پیا میرے
طفیل فاطمہ زیارت کرانا یا رسول اللہ ﷺ

جے ہوون پر اڈاری مار جاواں ول مدینے میں
میںوں لہ روضہ چا دکھانا یا رسول اللہ ﷺ

میں مٹرگاں نال جھاڑو کر اٹھاواں فیض مصطفوی
طواف روضہ اقدس کرانا یا رسول اللہ ﷺ

اگرچہ ساہپال اندر ہے نوشاہی تیرا عاشق
مزار اس دی مدینے وچ بنانا یا رسول اللہ ﷺ

مولانا سید غلام مصطفیٰ نوشاہی

صلی اللہ
علیہ وسلم

مرے بلھاں تے رہندا ایہو نعرا یارسول اللہ ﷺ
 تساں ہو دین و دنیا دا سہارا یارسول اللہ ﷺ
 تسیں رحمت جہاناں دی تسیں سرور رسولاں دے
 تساں لئی رب نے کیتا اے پھارا یارسول اللہ ﷺ
 غریباں بیکساں نالے یتیمان دے تسیں وارث
 انہاں نے ملیا تہاڈا دوارا یارسول اللہ ﷺ
 جھڑی راہواں توں لنگھ جانڈے اوہ رستے مہکدے رہندے
 چمکدا اوہناں دی قسمت دا تارا یارسول اللہ ﷺ
 رکھو ماں باپ توں ودھ کے محبت آپ دی لوکو
 بنے گی ساڈھی بخشش دا ایہ چارا یارسول اللہ ﷺ
 خدا نوں کلیاں منو کدی نہ شرک وچ پینا
 وجایا ہے تساں ایہو نقارا یارسول اللہ ﷺ
 محبت آپ دی دوہیں جہانیں سرخرو کردی
 ایہو گل آکھدا گلشن وچارا یارسول اللہ ﷺ
 فضل حق گلشن

صلی اللہ علیہ وسلم

تری خاطر بنی ایہ سب خدائی یارسول اللہ ﷺ
 تے ہر شے وچ تری جلوہ نمائی یارسول اللہ ﷺ
 ایہ سورج چن ستارے جو دنے راتیں چمک دے نیں
 چمک سب نے تیرے نوروں ہی پائی یارسول اللہ ﷺ
 نبی جنے وی آئے حضرت آدم توں عیسیٰؑ تک
 بیاں کر دے گئے تیری بڑائی یارسول اللہ ﷺ
 ایہ جا کے لا مکاں اتے خدا نوں دیکھنا رج کے
 کسے نے ہور نہیں ایہ شان پائی یارسول اللہ ﷺ
 میں ٹھوکر مار دے دیکھے جہاں دی کج کلاہی نوں
 جہاں پائی ترے در دی گدائی یارسول اللہ ﷺ
 گنہگاراں تے سنیا ایں کہ دن محشر دا بھارا اے
 دُہائی یارسول اللہ دُہائی یارسول اللہ ﷺ
 بلاؤ فیض نوں قداماں چج صدقہ اپنے یاراں دا
 جہاں تے توڑ تک یاری نبھائی یارسول اللہ ﷺ
 فیض چستی



ﷺ

جہدے لب تے تہاڈی نعت ہوندی یا رسول اللہ ﷺ
 کرم دی اوس تے برسات ہوندی یا رسول اللہ ﷺ
 اوہ مونہہ دلشاد رہندے نیں اوہ گھر آباد رہندے نیں
 جتھے بس آپ دی گل بات ہوندی یا رسول اللہ ﷺ
 گدا تے فر گدا نیں جہاں نوں منکن دا حج ناہیں
 عطا اوہناں نوں وی خیرات ہوندی یا رسول اللہ ﷺ
 میں کاہنوں ڈکو ڈولے کھاوندا جیون دے پینڈے وچ
 کدی میں ول وی جے اک جہات ہوندی یا رسول اللہ ﷺ
 جیویں دن چڑھ پیا اے ایویں ای محسوس ہوندا اے
 مدینے وچ جدوں وی رات ہوندی یا رسول اللہ ﷺ
 نہ کوئی شے بنانی سی نہ ظاہر ہونا سی رب نے
 جے پیدا نہ تہاڈی ذات ہوندی یا رسول اللہ ﷺ
 وسیلہ آپ دے ناں دا جے کم نہ آوندا میرے
 دکھاں درداں نوں کیویں مات ہوندی یا رسول اللہ ﷺ

تہاڈا ذکر کر کر کے تہاڈا نام لے لے کے
 غلاماں دی گزر اوقات ہوندی یا رسول اللہ ﷺ
 بلند اللہ نے کیتا آپ لئی ذکر آپ دا بے شک
 ثناء سرکار دی دن رات ہوندی یا رسول اللہ ﷺ
 جیہڑی بن جاوندی میرے لئی بخشش دا سرتاواں
 کوئی ایسی وی میتھوں نعت ہوندی یا رسول اللہ ﷺ
 جے امت آپ دے اسوے توں نہ مونہہ موڑ دی آقا
 نہ اج ایہ صورت حالات ہوندی یا رسول اللہ ﷺ
 ادب تے شوق نال فیضان کر دا پیش خدمت وچ
 کدی پلے کوئی سوغات ہوندی یا رسول اللہ ﷺ

فیض رسول فیضان

صلی اللہ علیہ وسلم

تمنا اے ترے درتے میں آواں یا رسول اللہ ﷺ
کدی مڑ دیس نوں واپس نہ جاواں یا رسول اللہ ﷺ

نمانا دل مرا عرصے توں ایہو تاہنگ رکھدا اے
ترے روضے تے میں نعتاں سناواں یا رسول اللہ ﷺ

دروو پاک دے صدقے ہمیشہ دور ہو جاوون
مسلماناں دے سرتوں سب بلاواں یا رسول اللہ ﷺ

تھاڈے جتھے جتھے وی قدم لگے مرے آقا
مبارک تے مقدس نہیں اوہ تھاواں یا رسول اللہ ﷺ

خدا نے اک نمونہ آکھیا اے تیری سیرت نوں
میں لہنوں کیوں نہ پھر رہبر بناواں یا رسول اللہ ﷺ

قمر دی موت ویلے نام تیرا ہووے بلھاں تے
میں منگاں رات دن ایہو دعاواں یا رسول اللہ ﷺ

قمر حجازی

صلی اللہ علیہ وسلم

تمنا حاضری دی ایہ مرے دل وچ درینہ یا رسول اللہ ﷺ
اجازت دیوتے آ ویکھاں مدینہ یا رسول اللہ ﷺ

مدینے ورھدیاں دم دم خدائی رحمتاں چھم چھم
مدینہ اے عطاواں دا خزینہ یا رسول اللہ ﷺ

جے میرے سرتے وی پے جائے آقا وھول طیبہ وی
مری مٹی وی بن جاوے نگینہ یا رسول اللہ ﷺ

جدوں سوہنے مدینے شہر نوں زائر چلے جانڈے
نہ آوے اشک روکن دا قرینہ یا رسول اللہ ﷺ

غماں دے بحر وچ امت نمائی ڈبڈی جانڈی اے
کنارے تیک پوہنچاؤ سفینہ یا رسول اللہ ﷺ

کرم وی اک نظر کاشف تے جے سرکار فرماؤ
ایہدا سینہ وی ہو جاوے مدینہ یا رسول اللہ ﷺ
رانا کاشف شکیل کاشف

صلی اللہ
علیہ وسلم

کے راتی بے ہو جاوے عنایت یا رسول اللہ ﷺ
شرف پاوے مرا شوق زیارت یا رسول اللہ ﷺ
مری ایہ چشم وی دیکھے تہاڈا حسن لافانی
جوویں ہے ام معبد توں روایت یا رسول اللہ ﷺ
تہاڈی اک تے پرانوار صحب دا ملے حصہ
تے نطق خاص دی ہوونے سماعت یا رسول اللہ ﷺ
بنا دتے ابوبکرؓ و عمرؓ جس فیض تھیں آقاؐ
کدی آوے اساتے وی اوہ سماعت یا رسول اللہ ﷺ
جمع اسمائے مولا دی ملے تعلیم و تربیت
تے بخشو طاقت بار امانت یا رسول اللہ ﷺ
تسین شاہ نبوت اتے ہر اک دور دے اندر
رواں اے آپ دا بحر سخاوت یا رسول اللہ ﷺ
نگاہ لطف ہو جاوے زوالِ سخت امت تے
خدا بخشے برے عملاں دی شامت یا رسول اللہ ﷺ

زمانہ کھا کے گردش مڑ کے ایسی نہج تے آوے
 کہ پھر آوے تہاڈا دورِ طاعت یا رسول اللہ ﷺ
 تہاڈا کوڑِ دانش جہاں نوں زندگی بخشے
 کہ ہوراں دا نشاں وج ہے ہلاکت یا رسول اللہ ﷺ
 تہاڈے اسوۂ حسنہ دا پھر شمعان ہو جاوے
 ہمیرا پا کے بیٹھی اے جہالت یا رسول اللہ ﷺ
 جدوں تک آپ دے فیضان دا جھنڈا اے دنیا تے
 زمیں آسمان نیں تہ تک سلامت یا رسول اللہ ﷺ
 دیہاڑے حشر دے شاہا! غلامی دی سند بخشو
 بہ لطفِ خاص فرماؤ شفاعت یا رسول اللہ ﷺ
 خدا جنت جج تھاں دیوئے تے اوتھے وی عطا ہووے
 تہاڈی بزمِ اعلیٰ دی رفاقت یا رسول اللہ ﷺ
 سدا روشن رہوے مظہر دے باطن دے جہان اندر
 تہاڈے رخ دا خورشیدِ ہدایت یا رسول اللہ ﷺ

سید محمد کبیر احمد مظہر



صلی اللہ
علیہ وسلم

تری چوکھٹ دے نیں سب نوں سہارے یا رسول اللہ ﷺ
 ایہ بگڑی کون بن تیرے سنوارے یا رسول اللہ ﷺ
 ترے روضے دی جالی چوں پئے دوروں ای دسدے نیں
 خدا دے نور دے جلوئے نظارے یا رسول اللہ ﷺ
 مری ساری حیاتی دا نیں سرمایہ اوہو لمحے
 ترے گنبد دی چھاویں جو گزارے یا رسول اللہ ﷺ
 گناہواں دی ہنھیری توں بچا لینا مرے آقا
 میں ڈگدا آ گیا تیرے دوارے یا رسول اللہ ﷺ
 نگاہواں تیریاں وگڑی کروڑاں دی بنائی اے
 مرے ولے وی رحمت دے اشارے یا رسول اللہ ﷺ
 نہ ہو کے مکدے میرے ' نہ ہنجو سکدے میرے
 گناہواں دے بڑے نیں بھار بھارے یا رسول اللہ ﷺ
 جدوں ویکھاں مدینے ول جاندا قافلہ کوئی
 مرے دل تے بڑے چلدے نیں آ رہے یا رسول اللہ ﷺ
 کیجے ٹھنڈ پے جاندی ' نظر نوں چین مل جاندا
 جدوں پہنچے کوئی تیرے دوارے یا رسول اللہ ﷺ

اوہ ذرے پاک جہاں نوں مدینے نال نسبت اے
 انہاں تے رشک کردے چن تارے یا رسول اللہ ﷺ
 ترا فرمان منیا بدلاں ' روڑاں تے چن سب نے
 جدھے ولے وی کیتے نین اشارے یا رسول اللہ ﷺ
 نماں تے کرو نظراں ' بلا لو پاک روضے تے
 بڑے روندے غماندے نین مارے یا رسول اللہ ﷺ
 ترے دربار عالی توں جدا میں کس طرح ہوواں
 پئے آؤندے نین جنت دے ہلارے یا رسول اللہ ﷺ
 کریمی شان تیری توں میں ازلوں آس رکھی اے
 کدی دیدار ہو جاوے ' پیارے یا رسول اللہ ﷺ
 مرے ساہواں وی تسبیح تے ترا ای ورد جاری اے
 میں تیرے نام توں دل جان وارے یا رسول اللہ ﷺ
 جنہوں اک گھٹ وی ملیا تری نظراں دی مستی دا
 انہوں کوثر دے آ جاندے ہلارے یا رسول اللہ ﷺ
 مرا دم آخری نکلے کلیم اس پاک روضے تے
 مرا دل ہر گھڑی ایہو پکارے یا رسول اللہ ﷺ

کلیم شہزاد

ﷺ

مرے غم دا وی سن تے لے فسانہ یا رسول اللہ ﷺ
ترے در تے ہے جھکدا سبھ زمانہ یا رسول اللہ ﷺ

نظر آوے جیہڑی ٹہنی توں مینوں گنبد خضریٰ
اوہا ٹہنی بنالوں آشیانہ یا رسول اللہ ﷺ

ترے در تے جیہڑا آوے اوہ خالی جا نہیں سکدا
اتھاں لبھدا اے رحمت دا خزانہ یا رسول اللہ ﷺ

میں تیرا نام لیناواں تے بیڑا پار ہو جائے
جدوں وی غم دا بنیا میں نشانہ یا رسول اللہ ﷺ

گل شیر اختر شبیر

.....☆☆.....

صلی اللہ
علیہ وسلم

ترے در وا سوالی ہاں سدا میں یا رسول اللہ ﷺ
مینوں ہے ناز ہاں تیرا گدا میں یا رسول اللہ ﷺ

میں اس امید تے شاہد کدی وی بخشیا جاواں
تائیں تیری ہی کروا ہاں ثناء میں یا رسول اللہ ﷺ

ایہا حسرت پئی کھاندی مدینہ پاک جا ویکھاں
تری گلایاں دی چھو لاں بس ہوا میں یا رسول اللہ ﷺ

ترے قداماں دے وچ آقا ہووے جے موت محسن دی
ایہا تاں آخری منگناں دعا میں یا رسول اللہ ﷺ
محسن عباس محسن



صلی اللہ
علیہ وسلم

تمنا اے میں در تے فیر آواں یا رسول اللہ ﷺ
 ہجر دے زخم میں تینوں دکھاواں یا رسول اللہ ﷺ
 جدوں روغنے توں ہویا دور کیہ دساں کہ کیہ گزری
 مرے لوں لوں چوں نکلن فیر ہاواں یا رسول اللہ ﷺ
 مری دنیا ایہ دنیا نہیں مری جنت حرم تیرا
 ہجر دے رات دن میں گیت گاواں یا رسول اللہ ﷺ
 کرم تیرا کینے تے جو ہویا پھر کرم کر دے
 سبز گنبد تے پھر نظراں جماواں یا رسول اللہ ﷺ
 تری چوکھٹ تے بیٹھا ساں اٹھایا میرے بختاں میں
 کرو نظر کرم سر پر نے آواں یا رسول اللہ ﷺ
 ترے باجھوں وسیلہ نہ مرا دنیا تے عقبی وج
 وسیلہ تیرے عاشق دا میں پاواں یا رسول اللہ ﷺ
 کدی دیکھو تے صوفی نوں وی دسو حاضر و ناظر
 کیوں باقی حیاتی نوں لنگھاواں یا رسول اللہ ﷺ

صوفی محمد الدین چشتی نظامی

ﷺ

کدے درتے بلاؤ تے میں آواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 تری محفل دے وچ آقا ترے حسان وی ہوں
 علیؑ بو بکرؑ و عمر فاروقؑ تے عثمانؑ وی ہوں

بھری محفل دے وچ نعتاں سناواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 زمین و آسماں جھک کے جیہدی تعظیم کر دے نہیں
 نبی وی جیسیں دی عظمت نوں پئے تسلیم کر دے نہیں

ترے ای گیت تھاں تھاں تے میں گاواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 دینہ میری قسمت وچ کدے اک وار ہو جائے
 غماں دے بحر چوں میری وی بیڑی پار ہو جائے

میں منگاں ہر گھڑی ایہو دعاواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ
 مدینے جے بلاؤ تے میں ویکھاں سوہنیاں گلیاں
 بھلے میرے وی دن ہوون تے بھلیاں ہوں وی راتاں

مدینے ای مکن باقی جے ساہواں یا رسول اللہ ﷺ
 سڑے ستے نصیباں نوں جگاواں یا رسول اللہ ﷺ

سید محمود ساقی

صلی اللہ
علیہ وسلم

کدی خواباں دے وچ صورت دکھاؤ یا رسول اللہ ﷺ
میرے گھر وی قدم رکھو تے آؤ یا رسول اللہ ﷺ

تھاڈے دم قدم نال ساری دنیاوی بہاراں نیں
مرے دل وچ وی اپنا نور پاؤ یا رسول اللہ ﷺ

خدا فر اپنے بندیاں تون بڑا ناراض لگدا اے
سماناں تے خدا نون فر مناؤ یا رسول اللہ ﷺ

زمانے وچ تے دھوکھے بازاں دا مڑزور چڑھیا اے
تفکر تے تکدر تون بچاؤ یا رسول اللہ ﷺ

میں خواباں وچ پھلاں دے نال راہواں سوہنیاں کرساں
مری مرضی اے اکھاں وچ سماؤ یا رسول اللہ ﷺ

مسعود ہاشمی

.....☆☆.....

ﷺ

دراڑے رہ کے نہیں ہندا گزارا یا رسول اللہ ﷺ
 بلا لو کول مینوں وی خدارا یا رسول اللہ ﷺ
 بھلیکھے پنڈھ دے نے کھا لیا عمراں دے پنڈے نوں
 کوئی لبھا نہ نٹھیاں دا دیہاڑا یا رسول اللہ ﷺ
 غماں دے وچ دریا دے پئی ہستی مری ڈولے
 تہاڑے تکیاں لہدا کنارا یا رسول اللہ ﷺ
 کسے جوگا تے نہیں چھڈیا مینوں میری حیاتی نے
 کراں تے کیہ کراں بختاں دا مارا یا رسول اللہ ﷺ
 کرم دی جہات پاؤ تے ہمیرے دور ہو جاون
 چمک جاوے مقدر دا ستارا یا رسول اللہ ﷺ
 عطا ہمت کرو مینوں کراں سر بندھ آون دا
 کراں جی بھر کے روضے دا نظارا یا رسول اللہ ﷺ
 بڑے چڑے توں معراج آسی اے سوہنے درنوں ویکھن دا
 کدوں آوے گا درشن دا بلارا یا رسول اللہ ﷺ

معراج انصاری



ﷺ

میں ہر ویلے کریندا ہاں دعاواں یا رسول اللہ ﷺ
بلا لو جے مدینے میں وی آواں یا رسول اللہ ﷺ

نہ جھاکاں میں کدے وی غیر دے ولے حیاتی بھر
محبت آپ وی ہر دم ہنڈاواں یا رسول اللہ ﷺ

تساتھوں دور ہو کے ہوگئی اے زندگی اوکھی
چھیرا گھیر کھڑیاں نہیں بلاواں یا رسول اللہ ﷺ

تساڈے در توں نہ منگاں تے منگاں ہور میں کتھوں
گدا ہاں میں کیوں خالی پرت جاواں یا رسول اللہ ﷺ

چجر نہ حال میرے تے تسیں کجھ رحم فرماؤ
میں دکھاں توں کوں پلا چھڈاواں یا رسول اللہ ﷺ

عطا رحمت وی چادر ہووے جے حسان دے وانگوں
بصیری وانگراں مقصود پاواں یا رسول اللہ ﷺ
مقصود ناصر چودھری

صلی اللہ
علیہ وسلم

مدو فرماؤ نا ساڈی خدارا یارسول اللہ ﷺ
 بناں ایہدے نہیں ساڈا گزارا یارسول اللہ ﷺ
 کدی آساں دے باغاں وچ بہاراں دا گزر ہووے
 کدی کریئے مدینے دا نظارا یارسول اللہ ﷺ
 اک ایسا انقلاب آوے جے من موجاں دی وتی وچ
 نظر آوے تہاڈا عکس پیارا یارسول اللہ ﷺ
 تہاڈی مہربانی جے اسانوں اذن دے دیندی
 بدل دیندے زمانے دا ایہ دھارا یارسول اللہ ﷺ
 اسماں سووے جو کیتے نہیں ایہ ہے افسوس اوہناں وچ
 خسارا ای خسارا اے خسارا یارسول اللہ ﷺ
 اسیں وی دھون اچی کرکے ٹریئے فیر اک واری
 ملے قوماں دے وچ عزت دوبارا یارسول اللہ ﷺ
 دعا خالد دی اے جنہوں گرا دتا اے خود غرضی
 بنے مڑ کے وفا دا اوہ چبارا یارسول اللہ ﷺ

پروفیسر سید منصور احمد خالد

صلی اللہ
علیہ وسلم

نہیں بھل دا مدینے دا نظارا یا رسول اللہ ﷺ
 اچے اکھاں دے وچ روضہ اے پیارا یا رسول اللہ ﷺ
 ہزاراں شہر دنیا تے نرالے توں نرالے نیں
 مگر رتبہ مدینے دا نیارا یا رسول اللہ ﷺ
 جو زائر نیں اوہ بخشے جان گے مَن زار وچ آیا
 شفاعت دا ہے واضح ایہ اشارا یا رسول اللہ ﷺ
 کدوں رج رج کے دیکھاں گا اوہ جلوے تیری نگری دے
 کدوں آوے گی پھر واری دوبارا یا رسول اللہ ﷺ
 کدوں ہن پھر بلاؤ گے کدوں حسرت مٹاؤ گے
 کرو نظر کرم جلدی خدارا یا رسول اللہ ﷺ
 میں ہاں منگتا تیرے در تے نہیں واقف کسے در دا
 دو جگ اندر توں ای میرا سہارا یا رسول اللہ ﷺ
 خدا جاؤک کہہ کے تیرا در سانوں وکھاندا اے
 کہ بخشش لئی اے کافی ایہ دوارا یا رسول اللہ ﷺ
 بناں تیری محبت دے عبادت رائگاں ساری
 بناں تیرے جہاں برباد سارا یا رسول اللہ ﷺ
 بھرم منظور نوری دا رہوے میدان محشر وچ
 نہ کھاوے ٹھوکراں در در دا مارا یا رسول اللہ ﷺ

مولانا منظور احمد نوری

ﷺ

عمر بھر تیریاں نعتاں سناواں یا رسول اللہ ﷺ
جشن میلاد میں ہر دم مناواں یا رسول اللہ ﷺ

ایہ نعتاں تیریاں دے نال ہے قرآن سب بھریا
میں چم چم کے تے سینے نال لاواں یا رسول اللہ ﷺ

کدی آوے جے مینوں وی بلاوا شہر طیبہ چوں
ترا در چھوڑ کے نہ دور جاواں یا رسول اللہ ﷺ

مرے دل وانگراں ساڑے مرے لیکھاں دی مجبوری
ہجر دی آگ نوں کیوں بجھاواں یا رسول اللہ ﷺ

کدی خواہاں چ آ جاؤ مری قسمت جگا جاؤ
کرے منظور بغدادی صداواں یا رسول اللہ ﷺ

منظور الحسن بغدادی

.....☆☆.....

ﷺ

کتے ڈب جان نہ آساں دے ایہ تارے یا رسول اللہ ﷺ
تری رحمت مدینے ول پکارے یا رسول اللہ ﷺ

تخیل نے نظارے آپ دے دیدار دے کیجے
ترسدے رہ گئے دیدے وچارے یا رسول اللہ ﷺ

ایہ دل دی شاخ تے سدھراں دی بلبلی کوکدی ہر دم
کدوں باناں گے طیبہ دے نظارے یا رسول اللہ ﷺ

میری اکھیاں نوں ہر پاسے اوہی دلبر نظر آوے
چڑھاں کجھ عشق دے ایسے چو بارے یا رسول اللہ ﷺ

جدوں وی اکھ بیٹاں آپ دے قدماں بچ سر ہووے
لواں میں ایسی نیندر دے ہلارے یا رسول اللہ ﷺ

منور اوہ حیاتی ہے جو تیری تانگھ وچ گذرے
مرن توں بعد مٹی وی پکارے یا رسول اللہ ﷺ

پروفیسر منور غنی

ﷺ

کراں میں کس طرح تیرا نظارا یا رسول اللہ ﷺ
 گیا واں ہار میں کر کے چارا یا رسول اللہ ﷺ
 بڑا اے شوق مینوں وی مدینے دا کدے ویکھاں
 تساں دا شہر شہراں چوں پیارا یا رسول اللہ ﷺ
 جگا دے لیکھ میرے وی کرم دی اک نگاہ کر کے
 کرو کوئی کدے مینوں اشارا یا رسول اللہ ﷺ
 لواں میں ناں جدوں تیرا خوشی وچ غم بدلے نہیں
 ہے میرے واسطے کافی سہارا یا رسول اللہ ﷺ
 تساں دی یاد سینے نوں کبرے روشن جدوں آوے
 چمک دا اے نصیباں دا ستارا یا رسول اللہ ﷺ
 جدوں میں نعت کہناواں تے ایہ محسوس ہوندا اے
 کھڑا ہاں آپ دا مل کے دوارا یا رسول اللہ ﷺ
 غلامی آپ دی جیکر عطا مینوں منیر ہووے
 لٹاواں آپ توں گھر بار سارا یا رسول اللہ ﷺ
 منیر احمد کمال



صلی اللہ
علیہ وسلم

جگر دے زخم کس کس نون وکھاواں یا رسول اللہ ﷺ
غڈاں دا حال کس کس نون سناواں یا رسول اللہ ﷺ

میرے ہو کے مینوں رسوا نہ کر جاون کدے آقا
دبا رکھاں گا کد تیکر میں ہاواں یا رسول اللہ ﷺ

میں جتھوں تک نظر پاناواں اک ظالم ہنیرا اے
میں نومیدی دے صحرا وچ کھڑا ہاں یا رسول اللہ ﷺ

محبت دور دریا دے کنارے تے کھلوتی اے
اج انساں دی نفرت توں پریشاں یا رسول اللہ ﷺ

خدا دے حکم توں مونہہ موڑ کے آوارہ پھرنے آں
تے ہن منزل دا نہیں کوئی وی امکاں یا رسول اللہ ﷺ
پروفیسر منیر الحق کعبی

.....☆☆.....

ﷺ

مری وگڑی بناویں یا رسول اللہ ﷺ
تے کول اپنے بلاویں یا رسول اللہ ﷺ

تینوں لجاں تے شرماں ساریاں ای نہیں
بیڑی بنے توں لاویں یا رسول اللہ ﷺ

کرم تیرے دیاں چھاواں نہیں سب اتے
کرم میتھے کماویں یا رسول اللہ ﷺ

توں ہر منگتے نوں ہر ویلے پیا دیویں
میںوں وی خیر پاویں یا رسول اللہ ﷺ

خطاواں معاف شاہد دیاں کر دے
مدینے ول بلاویں یا رسول اللہ ﷺ

ڈکڑ مہر الدین شاہد



ﷺ

کدی میری وی سن لو آہ و زاری یا رسول اللہ ﷺ
ترسدی بیت چلی عمر ساری یا رسول اللہ ﷺ

خدارا آخری دیدار مینوں آکے دے جانا
نزع دا وقت جو ہو جائے ظاری یا رسول اللہ ﷺ

تساں دا آسرا امت دے آخر کم آؤنا ایں
جدوں محشر دا ہوسی وقت بھاری یا رسول اللہ ﷺ

میں سنیا۔ اے غریباں دل سواری آپ دی ہوندی
مرے گھر وی کدے آوے سواری یا رسول اللہ ﷺ

میں حسرت نال نادر ویکھدا رہندا ہاں راہیاں نوں
مدینے دی جدوں کردے تیاری یا رسول اللہ ﷺ

نادر جاجوی

ﷺ

دیاں میں رات دن تیری دُہائی یا رسول اللہ ﷺ
 مدینے جان دی واری نہ آئی یا رسول اللہ ﷺ
 میں کچھلی رات نوں اٹھ کے پروواں ہار ہنجواں دے
 جدوں سکھ نال سوں جاندی خدائی یا رسول اللہ ﷺ
 جو تک لیندا اے اک واری کسے ول فیر نہیں تکر
 تری صورت خدا نے انج بنائی یا رسول اللہ ﷺ
 فرشتے جھوم اٹھے آسماناں تے قسم تیری
 غلاماں نے جدوں محفل سجائی یا رسول اللہ ﷺ
 کدی تے آپ خود آ کے میری کلی سجاؤ گے
 کدی تے گھر چوں نکلے گی جدائی یا رسول اللہ ﷺ
 ستارے آسماناں تے چھپاون لگ پئے چہرے
 نگاہ اپنی تساں جس دم اٹھائی یا رسول اللہ ﷺ
 ثناء خوانی دا ملیا اے جدوں دا شرف ناصر نوں
 کدی لب تے نہ آئی گل پرانی یا رسول اللہ ﷺ
 سید ناصر چشتی

صلی اللہ
علیہ وسلم

نہ جنت دا اے چاء مینوں نہ حوراں یا رسول اللہ ﷺ
 پر ہر تھاں تیریاں سانوں نیں لوڑاں یا رسول اللہ ﷺ
 جہاں تکیا تسانوں مال جاں قربان کر دتے
 بناں تکیاں فدا نیں لکھ کروڑاں یا رسول اللہ ﷺ
 جتھے پئے نیں قدم تیرے اوہ دھوڑاں ہو گکیاں روشن
 قدوسی روز پئے چمن اوہ دھوڑاں یا رسول اللہ ﷺ
 نہ ایہ دنیا نہ اوہ دنیا عمری جنت مدحت تیری
 کراں میں ذکر تیرا ای نہ چھوڑاں یا رسول اللہ ﷺ
 زمانے دے سبھی سوہنے ترے دربار تے بیٹھے
 میں تیرے در بناں ویکھاں نہ ہوراں یا رسول اللہ ﷺ
 مری اس جان کلی تے ہووے بارش جے دکھاں دی
 کدی وی تیرے ولوں مونہہ نہ موڑاں یا رسول اللہ ﷺ
 تیرے ای پیار دی قندیل چمکی اے قندیل اندر
 مدینے پاک دیاں کھا کے کھجوراں یا رسول اللہ ﷺ
 محمد نثار قندیل

.....☆☆.....

صلی اللہ علیہ وسلم

سنو اک واری دکھیاں دی کہانی یارسول اللہ ﷺ
ہے روندی پٹی میری جندڑی نمائی یارسول اللہ ﷺ

تیرے باجھوں سہارا کون دے آکے گناہیاں نوں
تیرے روضے دے جلوے میں نورانی یارسول اللہ ﷺ

مدینے پاک دی گلیاں نوں ویکھن میریاں اکھاں
ہو جاوے آس پوری ایہ پرانی یارسول اللہ ﷺ

بڑے ای معجزے بخشے میں تیری ذات اقدس نوں
کرو ہن عاصیاں تے مہربانی یارسول اللہ ﷺ

سنور جانڈے مقدر جے کرم دی جھات پا ویو
دیہاڑے حشر صابر نوں سہانی یارسول اللہ ﷺ

نصر اللہ خاں صابر

.....☆☆.....

صلی اللہ
علیہ وسلم

سنو معصوم ہونٹاں دے ہلارے یارسول اللہ ﷺ
 بڑی ہی دیر توں روندے وچارے یارسول اللہ ﷺ
 کدی بغداد تے کابل کدی کشمیر روندی اے
 انہاں نوں دے دیہو اپنے سہارے یارسول اللہ ﷺ
 جدوں چادر کسے دی چوک وچ نیلام ہوندی اے
 اودوں حوا دی روح رو رو پکارے یارسول اللہ ﷺ
 کدی بیت المقدس تے وی اپنی جہات پا دیو
 جتھے لاشاں دے پیندے نیں کھلارے یارسول اللہ ﷺ
 میرے ساہواں نوں پیا جاندی اے اڈدی دھوڑ بمباں دی
 میرے سینے بچ بھنڈے نیں انگارے یارسول اللہ ﷺ
 ایہ ایٹم بمب آقا جی بڑے بھکھے تے شوہدے نیں
 ایہ کھا جانڈے نیں کلیاں تے چوبارے یارسول اللہ ﷺ
 ثمر کچا ہے ایس نوں وی سنبالا دے دیہو آقا
 بڑے شہنی نوں لگدے نیں ہلارے یارسول اللہ ﷺ
 نعیم ارشد ثمر



ﷺ

تری رحمت دا مینوں ہے سہارا یا رسول اللہ ﷺ
 ہو جائے دید تیری دا نظارا یا رسول اللہ ﷺ

آواں روضے تے لاواں نال سینے سنہری جالی نوں
 نہ رہ کے دور ہندا اے گزارا یا رسول اللہ ﷺ

گناہواں میریاں دی ڈولدی کشتی بھنور دے وچ
 کرو نظر کرم مل جائے کنارا یا رسول اللہ ﷺ

کرم کبچا جیویں رومی تے جامی تے تساں آقا
 تے چمکے نور آسی دا ستارا یا رسول اللہ ﷺ

میاں نور احمد ریحانوی



صلی اللہ
علیہ وسلم

نظر تک تک کے راہ تیرا اے ہاری یا رسول اللہ ﷺ
 کدوں آؤنی تساڈی اے سواری یا رسول اللہ ﷺ
 کوئی سوہنا اوہدی نظراں دے وچ نہیں فیر وچ سگدا
 جسے دیکھی تری صورت پیاری یا رسول اللہ ﷺ
 سمجھ لیندا ہاں میں فوراً تساں گیسو سوارے میں
 چمن وچ جد وگے باو بہاری یا رسول اللہ ﷺ
 میں ہولا ہو گیاں لکھاں دے نالوی وی ہاں رل رل کے
 ہجر دی ہے مصیبت سب توں بھاری یا رسول اللہ ﷺ
 میں مھیا وانگ بلبل نفس تے شیطان دے گھیرے وچ
 ہے اتے باز تے پٹھاں شکاری یا رسول اللہ ﷺ
 قبر تے حشر دی سختی وی سب آسان ہو جاوے
 چڑھا دے عشق اپنے دی ناری یا رسول اللہ ﷺ
 ترا در چھوڑ کے جاوے تے کتھے ہور دس جاوے
 ترے دربار دا یوسف بھکاری یا رسول اللہ ﷺ

محمد یوسف مگینہ

ﷺ

سنو جے عرض میری تے سناوااں یارسول اللہ
 بلاوو جے مدینے تے میں آواں یارسول اللہ
 دنے راتیں تہاڈی یاد وچ ہنجو وگاناواں
 عطا ہوون سبز گنبد دیاں چھاواں یارسول اللہ
 تہاڈے شہر ولوں آوندے جد قافلے ویکھاں
 مرے سینے چوں نکلن فیر ہاواں یارسول اللہ
 ترے در دی گدائی جے ملے عاجز نمانے نوں
 زمانے بھر دے سکھ اس توں میں واراں یارسول اللہ
 مری دولت مری پونجی ایہ چند سکے نہیں ساہواں دے
 تہاڈے رب توں ایہ وی لٹاواں یارسول اللہ
 ترا یوسف سیہ کار اے خطار اے گناہ گار اے
 تہاڈے در توں مل جاوون پناہواں یارسول اللہ
 محمد یوسف ورک

ﷺ

تری رحمت دے بدل بے بے یا رسول اللہ ﷺ
 ترے صدقے پیا ایہ نظم چلے یا رسول اللہ ﷺ
 خداوی ذات اے اک جیہڑی بس تیرے توں اتے اے
 ہے باقی جووی ہے تیرے توں تھلے یا رسول اللہ ﷺ
 مدد دے واسطے فریاد اے مظلوم امت وی
 نہ جاوَن ظالماں دے ظلم جھلے یا رسول اللہ ﷺ
 کتوں وی قاسمی کردار دی کوئی واج نہیں آوندی
 میں ہر پاسے توں قذاقاں دے بے بے یا رسول اللہ ﷺ
 قیادت دے قصورون قافلے گمراہ ہو گئے میں
 نہ ہن ہنجو نہ بے جان ٹھلے یا رسول اللہ ﷺ
 قبیلے قوم قوموں فیر توں ملت بنا دیو
 اسیں ہر تھاں تے رہ گئے ہو کے کلمے یا رسول اللہ ﷺ
 قلعے کردار دے ساں پر اسیں مسمار ہو گئے آں
 ندامت دے سوا کجھ وی نہیں پلے یا رسول اللہ ﷺ
 شفا اپنے کرم تے فیض دے پاروں عطا کر دے
 میں طالب مرہماں دے زخم الے یا رسول اللہ ﷺ
 دعاواں کرن پئے کعبے دلاں دے رات دن احقر
 خدا لشکر ابابیلان دے گھلے یا رسول اللہ ﷺ

ڈاکٹر محمد یونس احقر

ﷺ

تھاڑے ہجر وچ اکھاں نیں پرئم یا رسول اللہ ﷺ
مٹا دیہو وچھوڑے دا ہراک غم یا رسول اللہ ﷺ

تصور وچ میں روضے پاک دیاں جالیاں چم کے
بڑا خوش ہو کے پنچاواں دما دم یا رسول اللہ ﷺ

مرے اس دل دے بیڑے دے بنو خاں ناخدا آقا
مرے ہر پاسے میں غم دے تلام یا رسول اللہ ﷺ

میں جد اکھاں نوں بند کرناں مدینے پہنچ جاناواں
تھاڑا ورد کرناواں میں ہر دم یا رسول اللہ ﷺ

مری حسرت اے بس ایہو تھاڑے درتے بیٹھا رہاں
نگاہواں نیویاں تے سر نوں کر خم یا رسول اللہ ﷺ

یونس حسرت امرتسری

صلی اللہ
علیہ وسلم

جے مل جاوے ترا مینوں دوارا یا رسول اللہ ﷺ
 فقیری وچ پیا ہووے گزارا یا رسول اللہ ﷺ
 تری رحمت تری شفقت تری الفت دا قائل ہاں
 کرم دی اک نظر ہووے خدا را یا رسول اللہ ﷺ
 نہ حوراں دی حرص مینوں نہ جنت دی طلب مینوں
 نظر آوے جے طیبہ دا نظارا یا رسول اللہ ﷺ
 توں ہیں یسین توں ہیں طہ منزل توں مبشر توں
 وچارے عاصیاں دا توں ای چارا یا رسول اللہ ﷺ
 مرے پلے تے کجھ وی نہیں جو توں دیویں جو توں بخشیں
 ترے ناں تے لٹا دیواں اوہ سارا یا رسول اللہ ﷺ
 تساڈے کرم تھیں ہر بار آجاناں دوارے تے
 بلالو ہن بلالو فر دوبارا یا رسول اللہ ﷺ
 حشر دا خوف نہیں زخمی نہ ڈر کوئی حساباں دا
 جدوں توں ایں نمانے دا سہارا یا رسول اللہ ﷺ
 اقبال زخمی

.....☆☆.....

صلی اللہ علیہ وسلم

تساڑے ہجر نے کیا اے گھائل یا رسول اللہ ﷺ
 میں کنج آواں نہ مکدے میں مسائل یا رسول اللہ ﷺ
 ہتھیرا ایس نوں کہناں نہ دولت اے نہ زر پے
 ایہ دل جھلا نہ من دا اے دلائل یا رسول اللہ ﷺ
 کرم ہووے کرم ہووے مرے اتے کرم ہووے
 تساڑے کرم دا ہاں میں تے قائل یا رسول اللہ ﷺ
 تسیں طہ ، تسیں یسیں ، منزل او مدر او
 گناواں آپ دے کیا کیا شمائل یا رسول اللہ ﷺ
 گزر ہووے مدینے چوں تے میرا وی سلام آکھے
 صبا نوں کر رہیاں اس گل تے مائل یا رسول اللہ ﷺ
 بلا یوؤ بلا یوؤ مدینے فر بلا یوؤ
 غریبی راہ دے وچ ہوئی اے حائل یا رسول اللہ ﷺ
 کرو زخمی دے ولے وی نظر اک مہر دی آقا
 ترے درتوں نہ پرتے کوئی سائل یا رسول اللہ ﷺ
 اقبال زخمی



صلی اللہ علیہ وسلم

ہجر و ج نین میرے وی نین روندے یا رسول اللہ ﷺ
 کدے وی نیندراں بھر کے نہ سوندے یا رسول اللہ ﷺ
 دنے راتیں بناں رونے دے کم نہ ہوہ سجھدا اے
 سدا نین ہار ہنجواں دے پروندے یا رسول اللہ ﷺ
 جہاں دے بھاگ چنگے نین مدینے نوں اوہ جانڈے نین
 اوہ چم کے جالیاں اکھیاں نوں لاؤندے یا رسول اللہ ﷺ
 تیرے دیوانیاں نوں لوک پاگل آکھدے اتھے
 سدا پاگل نین اپنے غم لکاؤندے یا رسول اللہ ﷺ
 جہاں نوں تیرے دیکھن وی طلب تڑپاوندی رہندی
 اوہ راہی زستیاں وچ نہیں کھلونڈے یا رسول اللہ ﷺ
 تساڈا کرم ہووے تے مدینے آوندے اوہو
 تسیں او آپ جہاں نوں بلاؤندے یا رسول اللہ ﷺ
 رلا لیندے مینوں وی نال اپنے قافلے والے
 میرے زخمی نصیب ایڈے جے ہوندے یا رسول اللہ ﷺ
 اقبال زخمی

صلی اللہ
علیہ وسلم

کدوں مکن گیاں خورے جدائیاں یارسول اللہ ﷺ
 مرے ناں تے اہجے چٹھیاں نہ آئیاں یارسول اللہ ﷺ
 ساڈا بے اذن ہووے مدینہ فیر ویکھاں میں
 جو منزل دل جاندا اے اوہ زینہ فیر ویکھاں میں
 گھٹاواں رحمتاں دیاں جدوی چھائیاں یارسول اللہ ﷺ
 ساڈے کرم دی آقا نظر ہوئی سوتی بے
 بلاوا فیر آوے گا میرے دل نوں تسلی بے
 اڈیکاں ہوندیاں جاون سوائیاں یارسول اللہ ﷺ
 تصور وچ ہرے گنبد دا منظر ویکھدا رہناں
 مدینے دے گلی کوچے میں اکثر ویکھدا رہناں
 میں آساں حاضری لئی فیر لائیاں یارسول اللہ ﷺ
 مرے ناں تے اہجے چٹھیاں نہ آئیاں یارسول اللہ ﷺ
 اقبال زخمی



صلی اللہ علیہ وسلم

نہ جھلی جاوندی میتھوں جدائی یا رسول اللہ ﷺ
 وہائی اے وہائی اے وہائی یا رسول اللہ ﷺ


ٹرے جاندے مدینے قافلہ در قافلہ لوکیں
 مری واری اے تیکر نہ آئی یا رسول اللہ ﷺ

تساڑے در توں کھاندے نیں زمانے دے گدا آقا
 تے شاہواں دی تساں وگڑی بنائی یا رسول اللہ ﷺ

خدا خود آکھدا میں جرم اوہدے معاف کر دیاں
 تساڑے تیک کرلے جو رسائی یا رسول اللہ ﷺ

صبا جاویں مدینے استغائے نال لے جاویں
 تے آکھیں نذر زخمی نے گھلائی یا رسول اللہ ﷺ

اقبال زخمی



يا صاحب الجحافل واليهام والدمشق

من وجهك المنير المشرق

لا يمكن ان شاء كما كان حقه

تعد انك انت في محض

بلغ القلوب
بخطك
والتواضع
على يدك
عبدك
محمد بن عبد الله
صلى الله عليه وسلم